

# الجنينة

---


مسرحية للكاتب المعاصر  
إدوارد ألبي

ترجمها إلى العربية  
جلال العشري



الهيئة المصرية العامة للكتاب

١٩٧٣



# مسرحدات مأأارة

سلسله

مسرحدات عالفة وعرفة

أصلر شهرفا

عن

الهفة العامة للكتاب

أشراف

د. رشاد رشلف

أأوبر ١٩٧٣

العد الأامن

هذه هي الترجمة الكاملة لمسرحية :

« كله في الجنينة »

EVERYTHING IN THE GARDEN

للكاتب المعاصر

ادوارد ألبى

by

Edward Albee

وهي عن مسرحية جايلز كوبر Giles Cooper

التي تحمل نفس العنوان



## هذه المسرحية صرخة في وجه المجتمع الأمريكي

هذه هي أحدث مسرحية لادوارد ألبى ، الذى يعد الآن باجماع النقاد أهم كاتب مسرحى فى أمريكا المعاصرة ؛ فقد استطاع أن يضع فى إحدى يديه « فن » تنيسى وليامز ، وأن يضع فى اليد الأخرى « فكر » آرثر ميللر ، وأن يخرج من حاصل الجمع بتركيبة جديدة هي « الفن الفكرى » أو « الفكر الفنى » ان صح هذا التعبير . ومن هنا كان سلالة درامية أصيلة ليوجين أونيل . . أبو المسرح الأمريكى الحديث .

ولم يحصل ادوارد ألبى على مكانه ومكانته الا بعد طول معاناة وطول اضطهاد ، فقد أنكره البعض ، وتنكر له البعض الآخر ، ولم يكن هناك سوى عدد قليل من النقاد ممن أعدوه كاتباً فذاً واعداً ، متألّق الذكاء ، يبشر بعطاء مسرحى وفير .

وكان موقف ادوارد ألبى من سخط أولئك وحقد هؤلاء ، ممن اتهموه بالسادية والسوداوية ، وممن وصفوا شخصياته بأنها منفرة وتدعو الى الاشمئزاز ، وممن لم يرجعوا نجاحه الى موهبته ولكن الى النقص فى موهبة معاصريه . . هو ذلك الموقف الوائق والساخر فى نفس الآن ، والذى عبر عنه بقوله : « واذا كانت مسرحياتى مسرحيات جديدة وجيدة ، فماذا أنتم فاعلون ؟ » .

بمقدار ما استطاع جون أوزبورن أن يقيم العالم القديم « انجلترا » ويقعده بمسرحيته الساخطة « انظر وراءك فى غضب »

استطاع ادوارد ألبى على الطرف الآخر من قوس الطيف المسرحى أن يقيم العالم الجديد « أمريكا » ويقعده أيضا بمسرحيته الثائرة « من يخاف فرجينيا وولف ؟ » ..

أما مسرحيته الأخيرة « الجنينة » أو « كله فى الجنينة » Everything in the Garden فهي موجه أخرى جديدة فى تيار الصخب والعنف الذى شنه ادوارد ألبى على المجتمع الأمريكى ، محاولا من خلاله تعرية هذا المجتمع ، والكشف عما فى باطنه من عنف وزيف ، هذا فضلا عن اتخاذه من هذه المسرحية بالذات ، قاعدة لاطلاق صاروخ الثورة على كل ما فى مجتمعه من قصور وتقصير ، قصور فى حق نفسه ، وتقصير فى حق انسان هذا العصر .

وهذا هو معنى تقديمه رؤية جديدة أو بالأحرى معالجة جديدة لنفس المسرحية التى كتبها زميله الانجليزى جايلز كوبر ، والتى تحمل نفس العنوان ، فعند ادوارد ألبى أن المرض الذى ينخر فى عظام المجتمع الانجليزى هو نفسه المرض الذى ينخر فى عظام المجتمع الأمريكى ، مرض الطبقة البورجوازية أو الطبقة الوسطى المتوسطة فى صراعها الدائم على كماليات المجتمع الاستهلاكى .

انها وحدة المرض الذى يحاول ادوارد ألبى أن يعالجه لا بتقديم الدواء ، ولكن بتشخيص الداء ؛ وليس بقصد التشفى ، ولكن تطلعا الى عالم آخر جديد ، أضيق ما فيه يتسع لكل أشواق الانسان .

انه اذا كان النص العالمى فوق خشبة مسرحنا المصرى قد وقع فى مطب « الترجمة » باللغة الفصحى التى وان اقترنت به من الأصل الا أنها تبتعد به عن الجمهور ، ومطب « التمسير » باللهجة العامية التى تقربه الى الجمهور بمقدار ماتبعده عن الأصل ، ففى تقديرى أن النص العالمى - ان لم يكن شعرا - أمكن نقله - ولا أقول قصيره -

الى العامية التي تحافظ على الأصل في الوقت الذي تحتفظ فيه بالجمهور .

وتلك هي المحاولة التي حاولتها في هذه المسرحية .. محاولة إقامة الكبارى المسرحية بيننا وبين ابداعات العالم من حولنا ، فلا نصدر عنها بالعقد ولا نصد أنفسنا عنها بالتعصب ، فضلا عن تطعيم مسرحنا المصرى بلقاح درامى جديد .

ولا يسعنى فى نهاية هذا التصدير الا أن أضم صوتى لهؤلاء الذين قالوا عن هذا الكاتب وعن هذه المسرحية :

• « ليس ادوارد ألبى مجرد كاتبنا المسرحى المأمول وكفى ، ولا هو كاتبنا المسرحى الواعد فحسب ، ولا هو بعد هذا وذاك كاتبنا المسرحى المتمتع ، ولكنه ببساطة شديدة أفضل كتابنا المسرحيين » .  
نيويورك تايمز New York Times

• « مسرحيته تنطوى على عنصر الفكاهة ، كما تنطوى على عنصر التوتر ، هذا فضلا عن انطوائها على عنصر المرح ، انها تبرهن لنا من جديد على أن ادوارد ألبى هو أبرز كتابنا المسرحيين ، وأكثرهم أصالة » .


نيوزداى Newsday

• « عمل له أهمية خاصة .. سواء من حيث قوته ، أو من حيث فكاهته اللاذعة ، أو من حيث جديته الأصيلة ، وأخيرا من حيث روعته المسرحية بوجه عام » .

نيويورك بوست New York Post

وهذا صحيح .. صحيح بالنسبة للكاتب ادوارد ألبى ، وصحيح بالنسبة لمسرحيته هذه « الجنينة » !

**جلال العشرى**



## الشخصيات

ريتشارد

رجل بهى الطلعة ، ٤٣ سنة

جيني

زوجته ، امرأة جذابة فى اواخر الثلاثينات

روجر

ابنهما ، شاب جميل الوجه ، ١٤ او ١٥ سنة

جاك

جارهم ، رجل بهى الطلعة فى حوالى الأربعين

مدام توث

سيدة رشيقة ، أنيقة الملبس فى حوالى الخمسين


سنثيا ويرى

جيلبرت ولوسى

شيك ويريل

اصدقاء وجيران يشبهون كثيرا

ريتشارد وجيني






حجرة الاستقبال والشرفة التي تستطع عليها اشعة الشمس ،  
في بيت باحدى الضواحي ، حديقة واسعة معتنى بها جيدا تبلى من  
خلال الأبواب الزجاجية للشرفة ، اما البيت فتبلى عليه علامات  
القدم ، واما الشرفة فمن الواضح انها قد اضيفت الى ذلك الطراز  
المثير ولو انه غير مزعج ، لا تبلى على الاثاث بادرة ثراء ، فلقد  
استعفى عن المال باللوق والبراعة ..





## الفصل الأول





## المنظر الأول

يبلى المسرح خاليا الا من اصوات آلة العشب التى تنهاى  
عبر النافذة ، يعبر ريتشارد النافذة ، يتحرك ، ثم يتوقف ، يجفف  
عرقه ثم يختفى ، تدخل جيني الى الغرفة عبر الصالة ، تبحث عن  
سيجارة ، تلتقط علبة السجائر من فوق المدفاة ، تجدها فارغة ،  
توشك أن تلقى بها بعيدا ، تتذكر ، تنتزع الكوبونات وتهم بأن  
تلقى بها ثانية فى سلة المهملات عندما تجد علبة أخرى فارغة ،  
تهز رأسها وتنحنى ، وتلتقط العلبة ، تفضها وتنتزع الكوبونات ..

جيني : ( تهز رأسها ، وتتنهد متهافئة ) بجد .. بجد ( ترفع  
صوتها ، ولكن ريتشارد لا يكاد يسمعها ) انت لازم تفتكر !  
( ريتشارد يعبر النافذة مرة أخرى ، يتحرك ، تفتح جيني الباب  
الزجاجى ، وتتكلم اليه من الخارج ) بقولك انت لازم تفتكر ..  
( يمضى ماشيا ولكن مستغزا ) ريتشارد .. بأقولك ايه !  
( يتوقف ) ..

ريتشارد : ( لا نكاد نسمعه فى الواقع ) ايه .. بتقولى ايه ؟

جيني : بأقول ، انك لازم تفتكر ! ( تستدير ، تدخل الى الغرفة  
تاركة الباب الزجاجى مفتوحا )

ريتشارد : ( يتبعها الى الداخل ، وهو يجفف رقبته بمنديل ) لازم  
ايه ؟

جيني : لازم تفتكر ( وتترك الموقف على هذا الحال ) لازم تفتكر ..

ريتشارد : ( يفكر ) طيب .. طيب .. ( لحظة صمت ) لازم أفكر  
أيه ؟ أيه هو اللي لازم أفكره ؟

جينى : ( لا تزال تبحث عن سيجارة ) وأنت بترمى علب السجاير .

ريتشارد : ( ولقد أدرك ما تريد ) ها .. ها .. ها .. ( لحظة  
صمت ) أقدر أخرج دلوقت ؟ أصل فيه واحد جاى عشان  
يصلح الماكينة الملعونة ، ماكينة النجيلة بتاع الجنيينة ، وماشفتش  
بره واحد من الجناينية كان يقول عالى فى الماكينة ..

جينى : ( وهى تجد ان كل علبة من علب السجاير فارغة ) أوه ،  
قلت لك ألف مرة ومرة ، ويمكن أكون قلت لك ألفين مرة ، انك  
تخلي دايمًا سجاير فى البيت .

ريتشارد : ( وقد اعتاد على ذلك ، ولكن باستخفاف ) انت بتطفشى  
السجاير ..

جينى : ( وقد تملكته نبرة المدرسة الحازمة ) لما تخلص علبة من  
علب السجاير ، تبقى زى ماقلت لك ، تعمل حاجتين ..

ريتشارد : زى ماقلتى لى ألفين مرة ..

جينى : ( تغمض عينيها لحظة ، ثم تستمر فى الكلام ) أول حاجة ..  
لما تخلص علبة السجاير ابقى شوف أن كانت آخر علبة  
ولا لا ..

ريتشارد : ( متبرما .. وفاقد الصبر ) حاضر ياستى .. حاضر ..

جينى : ( بجرأة وبلا وجل ) وإذا كانت آخر علبة ، ابقى سيبها لغاية  
ماتجيب علبة تانية ، أو تبقى تقول لى ..

ريتشارد : ( نفس الحالة .. الضيق والضجر ) أوكى .. أوكى ..

جینی : ولما تخلص علبة من علب السجاير .. ماتبقاش تنسى انك  
تحتفظ بالكوبونات اذا سمحت .. الكوبونات دى أنا باستفيد  
منها ..

ريتشارد : وهو أنا كنت نسيت ؟

جینی : انت دايمًا بتنسى .. واحنا مابندخنش الهباب ده الا عشان  
الكوبونات ..

ريتشارد : ( باستعجال ) أوكى .. أوكى .. خلاص ..

جینی : ( بعد فترة صمت قصيرة ) فاضل معاك حاجة ؟ ..

ريتشارد : حاجة من أية .. الكوبونات ؟

جینی : ( باستياء ) لأ من السجاير ..

ريتشارد : ( يتنهد ) أوم ، أوم ، أوم ( وقد أدرك فجأة ) يعنى  
عاوزه سيجارة ؟ ( يعطيها العلبة )

جینی : ( تتفرس في العلبة ) أية الغباوة دى ! مش هى دى السجاير  
.. انت صنفك أية .. ازاي تتجرأ وتدخن السجاير دى ..  
دى مافيش فيها كوبونات ، انت فاكر اننى قاعدة هنا عشان  
أبوظ صدرى ، وأحتفظ بالكوبونات .. وانت ماشى على حل  
شعرك ..

ريتشارد : ( يشعر بها وقد أطبقت عليه الخناق ) عاوزه تخنقيني ..  
مش كده ؟

جینی : انت جبان .. جبان صغير ..

ريتشارد : ( مستخفاً بها ) والا جبان كبير .. معلش .. مش  
كلهم ده ؟

**جینی :** ( بآسف ) آیوہ صحیح ( فترۃ صمت ) ازای حال النجیلۃ ؟

**دیتشارد : بتکبر .. شویۃ بشویۃ ..**

**جيني :** افكر الى أنا قلتهولك .. خلى بالك من زهور الياسمين

ریتشارد : ( فی انسحاق بالغ ) طبعاً ، اُمال ؛ دا انا فضلّت ماسک

الماكنة وفايت عليها زهرة زهرة ( بصوت سريع متقطع )

بر - بر - بر - بر - بر - بر - بر و کنت ناوی اقطفها

کلیہا ، لکنی حشت نفسی ، وقطفت دستین اتنین وبس

( بعد تفكير ) أنا متأسف .

**جینی : ( تحنی رأسہا کمن تعرف )** علی کل حال ، ما کانش ظریف

منك انك تعمل كده ، (لنفسها فى قليل أو كثير ) فعلا انت

راجل کبیر ، راجل کبیر وبس ، یجر ماکنۃ النجیلۃ ویدور

بہا حوالین زہور الیاسمین ..

ریتشارد : ( بمرح و زہو ) وانا احب کده ، ولكن تقصدي ايه

بالنجيلة .. أیه الى انت تعرفیه عن النجيلة ، النجيلة دی

ممکن تبقی حوض خس کبیر ، ومن غیر ما تاخذ نصیبک من

الخبيزة أو الياسمين أو نصيب شلتك الى اسمهم وليامز ..

جینی : ( بتعالی ولكن بمودة ) كل واحد منا بيقوم بالعمل الى هو

مخلوق له ، واحد منا مخلوق عشان يقص حشيش النجيلة ،

والثانى .. عشان يخضر النجيلة لما يلمسها بصوابه .

ريتشارد : ( ينظر الى يدها كلها ) مافيش فيها حاجة ، لكن انت

واثقة انك تقدرى تعتنى بالجنية ..

جيني : ( بحلاوة ولكن بمرارة ) أنا من النوع الى يحب يبقي بره

البيت . .

ريتشارد : ( يقبلها على جبينها ) أيوه .. صحيح انت من النوع ده  
( ينهار فوق أحد الكراسى المريحة ، وهو يزأر من التعب )  
أوههه ، هوههه ، يارب !

جينى : احم ؟ احم ؟

ريتشارد : ( بصدق وحزن ) ياريت نقدر نتحمل تكاليف الحياة ..  
جينى : ( بفتور وسخرية ) دخن السجاير ! واحتفظ بالكوبونات !  
ريتشارد : روجر اتكلم بالتليفون ؟ دخل المدرسة فعلا ؟

جينى : أيوه ، وقال ان معاه السنة دى ثلاثة فى الأودة ، وحيسمحوا  
له انه يركب البسكلتة بتاعته ..

ريتشارد : ( يعود صغيرا مرة أخرى ) كنت أتمنى أن تكون عندى  
ماكنة بموتور ..

جينى : وليه لا ؟ ممكن يكون عندك واحدة ، بس اذا .. ( تترك  
العبارة ناقصة ) ..

ريتشارد : أنا تقريبا المواطن الوحيد اللى فى الحى ده ، وماعندوش  
ماكنة بموتور ..

جينى : وعلى كل حال مش حتقدر تجيب واحده ، فسبيك من  
الموضوع ده ..

ريتشارد : ( يشير فيما حوله بغموض ، ذاكرا الجيران ) الآن عنده  
واحد ، كلينتون عنده واحد ، مارك تصورى عنده واحد ،  
وهو بيتاجر فى ...

جينى : ( بدهشة حادة ) لا .. كفاية ..

( فترة صمت )

ريتشارد : ( مخاطبا نفسه ) ٤٣ سنة ، ولسة مش قادر أجيب  
ماكنة بموتور ٠٠

( فترة صمت )

جيني : انت مش عايز حاجة ؟ شاي أو سندوتش ؟

ريتشارد : ( بعدة ) واحنا نقدر نعيش من غير أكل ؟

جيني : ( من تحت أسنانها ) يمكن ٠٠

ريتشارد : ( ينهض واقفا ٠٠ يخطو الى الأمام ٠٠ وباستعجال ) انت  
٠٠ انت ناوية تطلبى الطلاق ؟ وتتجوزى واحد تانى ؟ واحد  
عنده فلوس وماكنة بموتور ؟

جيني : ( وقد أضجرها موضوع الحديث ) مش الأسبوع ده ، أصلى  
مشغولة جدا ٠٠

ريتشارد : ( مبهوتا ) تقدرى تسيبيني دلوقتى ( عائدا إليها ) انت  
عاوذة كام ؟

جيني : احم ؟ احم ؟

ريتشارد : انت عارفة انت بتصرفى قد ايه ؟ على ٠٠ على الحبوب ، وعلى  
السجاد ، وعلى المقصات ، وعلى ٠٠

جيني : ( تنهض ) أوه ، والله صحيح ٠٠٠

ريتشارد : وعلى ٠٠ وعلى التقاوى ، وعلى الأوتاد الى تخلى النبات  
يعلى لفوق ، وعلى ٠٠



جينى : ( غاضبة ولكنها لا تزال رابطة الجاش ) تكبر الجينية ، تخفس  
بالجينية الملعونة كلها الأرض ، تودبها فى داهية ، اعمل الى  
انت عاوزه ، لكن اذا كنت جوه الجينية لازم تحافظ على  
النجيلة ..

ريتشارد : ( يهز كتفيه ) كل واحد بيحافظ على النجيلة ..

جينى : ( بهياج ) وكل واحد بيحافظ على الجينية ( لا تزال غاضبة ،  
ولكن بثيرة أخف ) أنا عاوزه ، عاوزه أقتصد فى حاجات  
كثير ، أكل نص أكل ، وألبس الفساتين القديمة

ريتشارد : ( آسفا على كل شىء ) طيب .. طيب ..

جينى : ومايكنش عندى شغالة ، وأسرح شعري مرتين اثنين فى  
الشهر ، وماقلش يلا بينا نخرج نتفسح فى آخر الأسبوع ..

ريتشارد : طيب ..

جينى : ودا كله عشان أفضل أصرف وأصرف على البيت الملعون ده ..

ريتشارد : ( بنعومة وتعقل ولكن بغيظ ) كل واحد عنده بيت ..

جينى : وكل واحد عنده عربية ..

ريتشارد : فعلا ، احنا محتاجين عربية ..

جينى : ومدرسة روجر ..

ريتشارد : ( غاضبا بعض الشيء ) لما المدارس الشعبية تتعمل فى  
البلاد دى ..

جينى : ولما كل الضمانات تتوجد ..

ريتشارد : احنا بنموت .. وانت عارفة ان احنا بنموت ..

جيني : كل الناس بتموت .. الفلوس بتاكل كل شيء ..  
ريتشارد : وماتنسيش الحكومة .. دي غول جعان ..  
جيني : جعل كل حاجة من الحاجات الي قلت عليها .. وحتى  
السجاير الهباب دي حدخنها .. لكن مش ممكن .. مش  
ممكن أبدا أفرط في الجينية ..  
ريتشارد : ( برقة ، وهو يهزوها ) وأنا ماقلتش انك تفرطي في  
الجينية ..  
جيني : احنا عايشين على دخلنا وبس ، احنا مالناش اننا نفضل  
قاعدين هنا ، احنا في حالة فلس ، وماعدش قدامنا غير انك  
تسرق بنك ، أو تعمل أى حاجة ، احنا لازم ..  
ريتشارد : أنا بحب الجينية بتاعتك ..  
جيني : ( هادئة بعض الشيء ) فيه شوية حاجات مش ممكن أعلمها  
أبدا ، أول الحاجات دي اني مش حفرط في الجينية ..  
ريتشارد : لا ، بالطبع لا ..  
جيني : أنا بحب الجينية بتاعتى ..  
ريتشارد : أيوه ، بالطبع ..  
جيني : لو كان عندنا مقص زهور كنا عملنا زى ما بيعمل بتاع  
الورد ..  
ريتشارد : عارف .. عارف ..  
جيني : ولو كان عندنا دلوقت بيت نباتات ..  
ريتشارد : بيت نباتات !  
جيني : أيوه .. بيت نباتات صغير .. بيت يكفى علشان نزرع فيه  
شوية زهور .. ( ترى ريتشارد وهو ينهض ، فتقول له وهي  
تصافحه ) رايح على فين ؟

ريتشارد : رايح اموت نفسى ..

جينى : طيب وليه ؟

ريتشارد : ( فاقد اَعْصابه ) انت عارفة بيت النباتات ده يتكلف  
قد ايه ؟

جينى : ( وقد جن جنونها ) أنا باحاول أدبر الفلوس !

ريتشارد : ( معرضا عنها ) انت مجنونة ..

جينى : ومانتاش عارف مقص الزهور يساوى كام ؟

ريتشارد : ( مقلدا اياها ) وانت عارفة بيت النباتات يساوى كام ؟

جينى : أنا باحاول أدبر الفلوس ..

ريتشارد : ( لحظة قصيرة ثم ) وليه بقى ماتروحيش باريس وتشتري  
ملابسك من كريستيان ديور ؟ هى دى الطريقة الى تقدرى  
تصرفى فيها على ملابسك ..

( فترة صمت )

جينى : ( بانفعال ) مانتاش عاوز فنجان شاي ؟ ولا سندويتش ؟

ريتشارد : ( يهز راسه وتسود فترة صمت )

جينى : ( حزينة بعض الشيء ، وبقلق وتأكيد من جديد ) سيكون  
عندنا بيت نباتات فى يوم من الأيام ؟ وخليه بيت جميل ،  
وحتكون عندك أوده جلوس مليانة بالزهور ، وحتجبها  
خالص ..

ريتشارد : ( بتهكم خفيف ، وبحزن ) ممكن يبقى عندى الاول  
ماكنة بموتور ..

جيني : ( بوداعة ) ممكن يبقى عندك أى حاجة ٠٠  
ريتشارد : ( يتنهّد ) ده كان يبقى شىء عال العال ٠٠  
جيني : ( بقلق ) وأنا كمان ممكن يبقى عندى أى حاجة ، وفى الحالة  
دى كل شىء حبيقتى جميل ٠٠  
ريتشارد : ( بعد فترة صمت ) الشىء اللي مأحبوش هو ان الواحد  
يبقى فقير ٠٠  
جيني : ( مصححة التعبير ) قصدك ان الواحد يبقى ماعهوش  
فلوس ٠٠  
ريتشارد : فعلا ان الواحد يبقى ماعهوش فلوس ٠٠  
جيني : ( مرتبكة بعض الشىء كما لو انها تريد ان يسمع عرضا )  
ماحناش ميتين من الجوع  
ريتشارد لا بالطبع ، احنا بنأكل ، ولكن اذا احنا انضمينا ل ٠٠٠  
( يشير خارج النافذة ) النادى هنا كل أحسن ٠٠  
جيني : ( بموافقة وصبر ) بالطبع ٠٠  
ريتشارد : اذا ماكناش حناحول نعيش زى أصدقاءنا ، يبقى علينا  
اننا نتخلص من شوية حاجات ٠٠  
جيني : ( نفس الشىء ٠٠ بموافقة وصبر ) أم ٠٠ أم ٠٠  
ريتشارد : احنا مالناش أصدقاء ٠٠ أصدقاء بالمعنى الصحيح ٠٠  
وعلى فكرة ، من يوم ماجينا هنا ٠٠  
جيني : ولكن الأصدقاء ٠٠  
ريتشارد : أوه ، صحيح ، انت قدرتى تلاقى أصدقاء ( بسرعة لكن

بصدق ) احنا ما احناش عايشين العيشة الصحيحة ..

جينى : ( تلقى براسها الى الوراء وتضحك ) اوه يارب ؟

ريتشارد : احنا ما احناش ؟

جينى : مسكين والله مسكين ..

ريتشارد : ( كما لو كان فى مناظرة ) انت عايشة ف بيت بأربعين ألف دولار ، وبتدخنى سجائر هباب عشان تشيل الكوبونات بتاعتها ، وبالشكل ده تملى وقت فراغك ، وانت عضوة فى النادي ، وعشان كده ممكن تجيلك دعوات على العشا من ناس ماكانش ممكن تعرفيهم مجرد معرفة لو ماكنتييش عضوة فى النادي .. وفلا انضميت للنادى ، واتعلمتى ازاى تلعبى تنس ، وده كله عشان قررت انك ترتبطى بجيران كل واحد منهم عضو فى النادي ..

جينى : ( بسلبية ) ماعدا اليهود ورجال التجارة ..

ريتشارد : احم ؟ انت بترفعى حواجبك أعلى من اللازم .. ( وقد تحقق من كلامه ، يحاول أن يؤكد ، فيعود الى حالة الوقار ) أعلى بكتين من اللازم .. بترفعى حواجبك !

جينى : ( بهلوه ولكن بتردد ) عشان عاوز تعيش عيشة كويسة ..

ريتشارد : فعلا .. عاوز أعيش عيشة كويسة ..

جينى : ( وقد سبلت عينيها فى نوع من الاستشهاد ) لاننا فعلا عاوزين .. عاوزين نعيش عيشة كويسة .. لاننا عاوزين نعيش على نفس المستوى الى عايشين عليه ناس كثير

ريتشارد : بالطبع ، الناس الى تقدر على المستوى ده ..

جيني : لا ، الطريقة الى أكثر الناس ماتقدرش تعيش بيها ، لكنها  
تقدر تعملها لغاية دلوقت .. انت فاكرا ان ادارة الرهن  
العقارى بتاعة البنك حتفضل مفتوحة عشانك وبس ؟

ريتشارد : بصى شوفى جاك ..

جيني : جاك انسان غنى .. بص شوف أى انسان غيره ..

ريتشارد : ( فترة صمت باكتئاب ) أنا مش شاعرانى بأنتمى لآى  
مكان ..

جيني : ( ببساطة تدعى العطف والاشفاق ) اوه .. مسكين  
ياريتشارد ..

ريتشارد : عملتها بحكم الصدفة ..

جيني : ( بصراحة شديدة تكاد تخلو من الارتياح ) أيه هى الى  
عملتها ؟

ريتشارد : حكاية البنك .. ادارة الرهن العقارى الى مفتوحة علشاننا  
وبس ؟

جيني : ( تضحك قليلا ) مانتاش عاوز سندويتش أو أى حاجة ؟  
ريتشارد : ( مشغولا )

جيني : ( موضحة الأمر قليلا ) أنا لسه اقدر اشتغل ..

ريتشارد : ( بعزم ) لا .. لا

جيني : طب مافيه زوجات كتير بتشتغل ..

ريتشارد : قلت لا .. لا .. يعنى لا ..

جینی : ولا اشتغل نص وقت ..  
ريتشارد : وکمان محتمل ماتلاقيش شغل ..  
جینی : فى الحالة دى الأمر يختلف ..  
ريتشارد : ( الآن وقد نفذ صبره ) لا .. مش دلوقت ( بهلوه وبعد تفكير ) أنا مش ممكن اتجوز واحدة عشان تروح تدور على شغل ، ازاي حتشتغل وازاي حتدبرى البيت وتهتمى بروجر لما يرجع من المدرسة ؟  
جینی : روجر عنده ١٤ سنة وماهواش محتاج لحد يهتم بيه ..  
ريتشارد : لا .. وفوق كده عنده ١٥ سنة ..  
جینی : ماهو لو لقيت شغل ، حنقدر نجيب شغالة ، وحنقدر ..  
ريتشارد : قلت لا يعنى لا  
جینی : ( بغضب ) ياربى .. ماهو أنا لما حشتغل مش حشتغل غسالة ..  
ريتشارد : ( بقليل من البداية ) لا .. صحيح ؟أما حشتغلى أيه ؟  
جینی : ( وهى ايضا .. بقليل من البداية ) بقى كده ؟ بقى هو ده كل الى انت متصور اننى أنفع له .. ؟  
ريتشارد : ( يرتفع صوته ) أنا ماقلتش كده ..  
جینی : أيوه صحيح .. لكنك استنتجت كده ..  
ريتشارد : اتخيلت مش استنتجت ، وماكنتش أقدر أستنتج ..  
جینی : لا .. انت استنتجت كده .. والله العظيم ..

ريتشارد : أنا ماقلتش حاجة .. بالشكل ده ..

جينى : ( تنهنه وتغالى فى المحاكاة ) لا .. بقى ماقلتش كده ؟ طيب ..  
أمال قلت آيه ؟ آيه هو اللى قلته ؟ ( بقضب ) هو ده كل  
الى متصور اننى أنفع له ؟

ريتشارد : ( يحاول الآن أن يكون صبوراً ) أنا ماقلتش ان كل اللى  
تنفعى له هو انك تكرنى غسالة .. كل اللى قصدت أقوله ..

جينى : ( تستشم انها تستطيع أن تجعل من الحبة قبة ) يوسفنى انك  
متصور ان ده كل اللى أنفع له .. أنا بحاول أساعدك ..  
بحاول أخلى البيت بيت جميل ..

ريتشارد : وهو بالفعل بيت جميل ..

جينى : وبحاول أربى ابنك تربية مافيهاش أى شىء من الوقاحة ..

ريتشارد : تقصدى ابننا مش ابنى وبس ..

جينى : وبحاول أكون جميلة .. وبحاول أهتم بنفسى .. عشانك  
وعشان أصحابك ..

ريتشارد : اذا كنت بتحاولى ده كله عشانى فهو عشانى لوقت من  
الأوقات ، لكن ده كله عشانك أغلب الأوقات ..

جينى : ( تعود مرة ثانية الى البكاء ) أنا بحاول .. بحاول ..  
بحاول

ريتشارد : أوه .. ياربى ( يتودد اليها ويهدىء من روعها ) انت  
بتعملى عمل رائع .. انت بتدبرى كل شىء .. بروعة ! انت



شكلك جميل .. جميل لدرجة ان الواحد عاوز يكلك أكل  
( يللمم .. ويحاول أن يعض رقبتها ) ..

جيني : ( باستشهاد ) مش دلوقت ..

ريتشارد : ( يعاود اللمسة والعض )

جيني : أرجوك .. ماتحاولش ..

ريتشارد : ( يتحرك بعيدا )

جيني : أرجوك .. أبعد عني ..

ريتشارد : ( فترة صمت .. وينبره المغلوب على أمره ) أنا ماكنتش  
أقصد .. أقول أى حاجة تضايكك ..

جيني : لا انت كنت تقصد تقول الكلمة دى ..

ريتشارد : ( يزداد غضبه ) أنا ماكنتش أقصد أقولها ..

جيني : ( غاضبة هي الأخرى ) أمان قلتها ليه ؟

ريتشارد : ( وقد ضاقت عيناه ) بتقولى أيه ؟

جيني : ( ببرود ) اذا ماكنتش تقصدها ، قلتها ليه ؟

ريتشارد : أنا ماقلتش كده .. انت اتخيلتى كده ..

جيني : استنتجت ..

ريتشارد : غيرى الموضوع ده ..

( تسود فترة صمت )

جيني : ( تتكلم بنعومة كبيرة فيها وقار ) الموضوع وما فيه اننى  
تصورت انى أقدر أعمل عمل مفيد فى المستشفى ساعة أو  
ساعتين فى الأسبوع ..

ريتشارد : ( يقهقه ) ومن العمل ده تدفعى فلوس للشغالة ؟

جيني : ( وهي تحاول أن تبقى هادئة ) أو أفتح محل لبيع  
البرانيط ..

ريتشارد : انت مجنونة .. انت مجنونة جنون رسمي !

جيني : ( باعتذار صادق جدا ) أنا عاوزة أساعدك وبس .  
( تسود فترة صمت )

ريتشارد : ( يحاول معها ثانية وبرقة ) أنا عارف انت بتعملي ايه ..  
انت بتعملي أكثر من اللي بتعمله أى واحدة .. انت بتعملي أكثر  
من اللي مفروض تعملية ..

جيني : لا ، لا ، بالعكس أنا مابعملش أى حاجة أساعدك بيها ..

ريتشارد : ( يطيب خاطرها ) انت بتعملي كل حاجة ..

جيني : انت فاكر اننى تافهة وما أصلحش لشيء .. ؟

ريتشارد : ( يحاول أن يدخل عليها البهجة ) لا ، بالعكس ، أنا  
بتخيل لو أقدر أبيعك ب .. أوه .

جيني : ( تحاول أن تستمر في الكلام ) انت فاكرنى مجرد زوجة ،  
وان أنا ماقدرش أكون شريكة ، فية زوجات كثير بتشتغل شغل  
اضافي .. لمجرد انها تساعد في تكاليف المعيشة ..

ريتشارد : ( بحسم ) لا .. يعنى لا .

جيني : ( بعد فترة صمت ، تنتهد ) الفلوس .. الفلوس ..  
الفلوس .

ريتشارد : هي دي دايمًا المشكلة .. هي دي ..

جيني : ( باوتياح ) انت دلوقت بتكسب أكثر من الأول ..

ريتشارد : باكسب أكثر من الأول ده صحيح .. لكن اعمل حساب  
الضرائب .. اعمل حساب الموظف الحكومى .. اعمل حساب  
التدرج البطىء فى المناصب المحترمة ..

( ينظر جاك من الأبواب الخلفية ، يدخل ، يلاحظ ، يتسحب ،  
يغاطب جمهور النظارة ، ولا يصبح جزءاً من الحدث الا عندما  
يغاطب مباشرة واحداً أو اثنين من الشخصيات )

جيني : أنا عارفة ده كويس ، ماما كانت دايماً تقول لى انى أتجوز  
رجل عاقل بعيد النظر ..

ريتشارد ( متجها صوب دولاب الخمر ) أيوه ، ده صحيح .. صحيح  
.. كان واجب عليك ..

جيني : ( تحاول مرة ثانية ) وعلى كدة ، لو كنت أشتغل شغلة  
صغيرة ..

ريتشارد : ( ينظر خلال الزجاجات ) قلت لا ..

جاك : ( مخاطباً النظارة ، بينما يفتش ريتشارد فى الزجاجات )  
تفتكر بيتخانقوا عشان الفلوس ؟ للأسف ، دايماً يتخانقوا  
عشان الفلوس .. مع انهم طراف جدا .. ريتشارد انسان  
رقيق .. وجيني انسانة .. ممتازة .. الله يلعن الفلوس  
ويلعن الظروف ..

جيني : ( غير شاعرة بجاك ) انت بتدور على ايه ؟

ريتشارد : ( مثلها غير شاعر بجاك ، ومن خلال الزجاجات ) بدور  
على الفودكا ..

جيني : تلاقيها هناك على اليمين ، قدامك على اليمين ..

ريتشارد : مش النوع الى بحبه ، مش النوع البولندي ، دى من النوع الأمريكانى الزفت .

جينى : ( متداركة ) أيوة صحيح ، أنا متأسفة ..

ريتشارد : على أى حال القزاة فاضية ..

جاك : ( مخاطبا جمهور النظارة ) شايفين ؟ هى دى المشكلة ..

الفودكا البولندي بضعف الثمن .. وده الى بيعمل الفرق ..

الطعم .. الطعم شئ مكلف .. مساكين .. والله مساكين

( بثقة ) أنا شايف جينى جذابه جدا .. لكن مش لدرجة انى

أهجم عليها وأكلها أكل ، صحيح أنا باشتهيها لكن باشتهيها

بعقل ، باشتهيها كلها على بعضها .

ريتشارد : ( مخاطبا جينى ) الفودكا الخفيفة ماهياش فاخرة ..

جينى : ولا بيت النباتات ..

ريتشارد : أيوة صحيح ..

جاك : ( مخاطبا جمهور النظارة ) أنا عمى مات وفات لى ثلاثه وربع

مليون دولار ، وده شئ عظيم معناه انى أقدر أشتري بيت

نباتات ، وفودكا بولندي ، علاوة على الويسكى الاسكتلندى

علاوة على .. ماتشغلش بالك .. ولا تفكرش ، كده ولا ايه ؟

( داخل الحدث الآن ) هاللو يا أولاد ..

ريتشارد : احم ؟

جينى : ( مستاءة ومسروة وسيظل انطباعها عن جاك مزيجا من

الأمومة والاعجاب ) أيوه ، يا سبحان الله .. جاك ..

ريتشارد : ( انطباعه عن جاك مزيج من عدم الثقة البسيط وعدم

الارتياح والصدقة الطبيعية ) عال ، أهلا بيك ياسى جاك ..

جاك : ( وقد لاحظ عليهما بعض الارتباك ) آه ، كنت فايت من هنا ،  
قلت افوت عليكم ! لكن هنا وليه .. مش عارف ؟ يمكن عشان  
الشاي والتوست والمقابلة الدافية .. عموما ازاي حالكم ؟

ريتشارد : زفت !

جيني : عال !

جاك : يعنى مابتقولوش زى بعض ..

جاك : ( يقبل جيني في جبينها ) كنت فى النادي بشوف الأزمات  
القلبية ، واتفرج على ماتش بوكير ( مخاطباً جيني ) الريحه  
بتاعتك جنان .

جيني : ( مسرورة ) متشكرة ..

جاك : .. فكرت آجى من فوق السور عشان أشوفكم انتم الاثنين ..

ريتشارد : ( برقة ولكن بنبرة واطئة ) أراهن انك جيت عشان تاخذ  
لك كاس ..

جيني : ( مغطية الموقف ) احم .. احم .. وأنا كمان عاوزة كاس ..

جاك : كاس رائع .. فودكا بولندى ..

ريتشارد : ( بنظرة الى جيني ) كاس منعش ..

جيني : ( مخاطبة ريتشارد ) ليه ما تعملناش كلنا كاس كونياك ؟

جاك : ( باستنكار زائف ) كاس .. كاس .. كاس ..

ريتشارد : ولا عاوز نببذ كمان ..

جاك : ايه كرم الضيافة ده كله .. يا سلام ..

ريتشارد : أروح أخضر لك الشرب ..

جاك : هايل ، بالطريقة دى أقدر أبقي لوحدى مع مراتك ..

جيني : أوه ، وبعدين معاك يا جاك ..

ريتشارد : ( متدبرا ما اذا كان كذلك حتى يذهب ويحضر الشراب )  
انت قاعد هنا كثير ؟

جيني : ( بتحذير فيه مرح ) ريتشارد ؟

جاك : على كل حال ، كل الي بفكر فيه هو اني آخذ كاس اخير معاكم  
انتم الاتنين ، وانتم عارفين اني وقفت ربع مليون على كل واحد  
منكم .. وبعد ما آخذ الكاس بفكر اني أنزل المخزن وأقتل  
نفسى ..

جيني : أوووووه ..

ريتشارد : ( بابتسامة صغيرة ) يصح انك تعمل العملة دى فى مكان  
تانى ، انت عارف متاعب الفلوس حتواجهنا اذا .. ( يترك  
العبارة ناقصة ) ..

جيني : ( تدخل فى اللعبة ) أيوه صحيح .. دول لابد .. زى ما انت  
عارف .. حيسألونا شوية أسئلة ..

جاك : ( مخاطبا الجمهور ) هوه صح فى الحنة دى زى مانتم عارفين  
.. يا سبحان الله (يعود الى الحدث) أوه (تسود فترة صمت)  
تفتكر ان ده يحصل ؟ أيوه صحيح ، ليه ما يحصلش .. حاخذ  
الكاس بتاعى الأول ، وبعدين ..

ريتشارد : ( باستخفاف وبصمت فيه قلق ) أو .. كى (فترة صمت)  
طيب حروح أحضر لك الشراب ..

جاك : روح .. أرجوك تروح ..

جيني : ( تقهقه ) أوه ، ريتشارد ، صدقنى اننى حبقى كويسة ..

جاك : ماتخافش يا ريتشارد ، انت عندك زوجة وفيه ( مخاطباً الجمهور ) وعنده كمان ست نادرة .. ست ممتازة ..

ريتشارد : ( يتحرك ليخرج من خلال ممر الصالة ) أنا عارف ، عارف ان هي دى النوع الوحيد الي كان ممكن أتجوزه ..

جاك : ( بدهشة حقيقية ) انت كنت متجوز قبل كده ؟

ريتشارد : ( بدهشة ) لا .. لكنى كنت مجرد .. ( وقد فقد الكلمات ) كانت مجرد حاجة كدة زى ما تقول ( مخاطباً جينى ) انت ،

انت مش عاوزة أى حاجة ؟ أى حاجة من برة ؟

جينى : ( تهز رأسها ) هو .. هو ارجع بسرعة .. أوه ؟ سجاير .. سجاير ؟

ريتشارد : ( على وشك أن يخرج ، بقليل من المראה ) سجاير .. من أى نوع !

جينى : ( بتنهيدة وابتسامة ) النوع الي بنحبه ، ودلوقت بسرعة يله بسرعة ..

( يخرج ريتشارد )

جاك : ( الى ريتشارد وهو يخرج ) مع السلامة .. مع السلامة ( مخاطباً جينى ومقلداً جروشو ماركس ) بسرعة .. بسرعة .. حيرج بعد ١٥ دقيقة مش أكثر ولا أقل ، فين هي أودة الضيوف ؟

جينى : ( تضحك ) أوه .. تعالى تعالى يا جاك ؛ وعلاوة على كدة انت مانتش ضيف !

جاك : ( يبتو مندهشاً ) مش ضيف ؟ أما أبقي ايه ؟

جيني : أوه .. أوه .. انت واحد من العيلة ..

جاك : واحد من العيلة ولا واحد من الجيران ؟ أد ايه انت مزعج  
يا جاك ، أديك جيت هنا مرة ثانية ، محتمل تاخذ لك كاس ،  
ومحتمل تقضى وقت لطيف ، وعلى كدة ليه الواحد ما يجيش  
هنا كل يوم بعد الظهر ؟

جيني : هم هم هم هم ..

جاك : ( مخاطبا جمهور النظارة ) وأنا كما بحب كدة ، أقصد أحب  
الوقت اللطيف . يا ربى .. الطمع هو الى حيخلينى أنتهز  
الفرصة الهائلة دى ، الفرصة الى ماكنتش قادر ألقاها من  
زمان ( يعود الى مخاطبة جيني ) خلينى .. سيمنى أرسم  
لك لوحة ..

جيني : ( مسرورة ، ولكن من الواضح انها حاولت ذلك من قبل )  
لا .. مافيش داعى .

جاك : دى مش حتكلفك حاجة خالص ..

جيني : لا .. لا ..

جاك : ( مخاطبا جمهور النظارة ) أنا مانيش رسام وحش ، ولانيش  
من الرسامين الى بيحليطوا للأغنيا ويرسموا صورهم ( يعود  
الى مخاطبة جيني ) آمال تبقى عايزة ايه ..

جيني : أنا عايزة أكون مختلفة عن كل الستات ..

جاك : ( بقليل من النفاق ) أوه ، انت فعلا يا جيني مختلفة عن كل  
الستات ..

جيني : كل .. كل بيت أزوره ، وكل مرة أخرج فيها مع ريتشارد



الاقى صورة .. صورة فلانة .. صورة علانة ، صورة  
ترتانة ، صورة مش عارفة .. اسمها ايه ، ألقياها متعلقة  
فوق الدفاية ، ومحطوة فى برواز يقرف .. وقال ايه دى  
صورة ست .. وقال ايه الصورة دى انت الى راسمها ..

**جاءك :** ( ببديهية ) الستات هم الى بيعبوا يترسموا ، وأنا برسم  
الستات ، والستات هى اللى بتيجى تعلق الصور ..

**جيني :** ( بلهجة دفاعية ) لا .. ده مش صحيح ..

**جاءك :** ( بضحكة قصيرة ) قولى بقى الكلام ده فى الجرايد ..  
وخلينى أبطل شغل .. ( كهن ييمش ) وعلاوة على كده ،  
أنا مستعد أراهن انى اكسب فلوس فى ثلاثة شهور أكثر من  
الفلوس اللى يكسبها ريتشارد فى سنة ..

**جيني :** اوه .. فلوس ! بتقول فلوس !

**جاءك :** ( يتوقف لحظة ، وبرقة وابتسام ) ايوه ؟ فلوس !

**جيني :** أنا مش عاوزه ، أنا مش عاوزه أبص لنفسى .. ده كل  
اللى فى الموضوع .

**جاءك :** ( بكياسة بالغة ) أنا لو كنت منك .. كنت عملت ( بنبرة  
طبيعية ) ايه أخبار الحب .

**جيني :** اوه . ( بجدية شديدة فيها أسف وفيها دعابة ) كنت  
عملت ايه يا جاك ؟ كنت نزلت تحت فى المخزن ؟ اقصد كنت  
سيبتلى أنا وريتشارد ربع مليون ورحت تموت نفسك فى  
مكان تانى ؟ أنا بتكلم جد ..

**جاءك :** أنا مستعد أعمل عشائك أى حاجة ( بعد تفكير ولكن بدون  
عنف ) اذا كانت الحاجة دى ما تقفشى فى طريقى ( تضحك  
جيني ضحكة مؤساة ) وأيه الحاجة دى ؟

**جيني :** ( كمن لا تريد أن تتكلم عنها ) أنا تعبانه .. تعبانه وبس ..  
**جالك :** عاوزه صدر حنين تعيطى عليه ؟  
**جيني :** أبدا ، أنا عاوزه ربع مليون وبس ، وعاوزه عقل بسيط .  
**جالك :** ( يهز رأسه معبرا عن فهمه ) برضه مايكفوش ، الجوع ،  
والوحدة ، عاوزين فلوس كثير ، خليكى فقيرة أحسن لك .  
**جيني :** ( تقهقه ) انت مجنون ؟  
**( يلقى جرس الباب ، تذهب جيني خلال بهو الصالة )**

**جالك :** والله انت اللى مجنونة ..  
**جيني :** ( وهى ذاهبه ) أدريك عرفت ..  
**جالك :** أنا عارف ( جيني تخرج الآن وينتجه جالك الى مخاطبة  
الجمهور ) أنا عارف انها حتملها .. الفلوس عاوزه .. مجهود  
كبير عشان الواحد يجيها ، والفلوس القليلة مسألة خطر .  
الواحد مايصحش يحلم بمليون جنيه ، والا راح فى داهية  
لو كنت أموت .. ماكنتش أقدر أسيب ربع مليون لكل  
واحد .. وده مبلغ مش كفاية .. المفروض انى أسيب  
لهم كل التلات ملايين .. ايوه صحيح أسيب لهم التلات  
ملايين . بزيادة ثلاثة ملايين .. ما يحملوش هم حاجة ..  
يظهر انى حملها .. حفر انى أعملها ( يفكر ) أنا سليم ..  
وصحتى كويسة .. عموما حفر انى أعملها ..  
**صوت جيني :** ( من بهو الصالة ) لا ، لا ، لا بالطبع .. ماتكونيش  
سخيفة ..

**( تظهر جيني تتبعها مدام توث )**  
**مدام توث :** كان المفروض انى أعمل تليفون قبل ما آجى لفاية  
البيت .. لكنى رجعت قلت .. آه .. ده لازم جوزك ..  
ازاى حالك .. أنا مدام توث ، الست بتاعتك كانت كريمة  
معاى خالص .. لدرجة ..

جيني : ( بضحكة صغيرة ) اوه ، لا ، ده مش ريتشارد ، جوزي

لكن ..

مدام توث : آه طيب ..

جيني : ( بغمزة صغيرة ) ده هو .. جاك ..

مدام توث : ( تمد يدها الى جاك ) مايمش ، سيان ، ازاي

حالك ..

جاك : ( يتناول يدها ويعمل انحناء تقليدية صغيرة ) أهلا

مدام توث ..

جيني : ( بغمزة ترتبك على أثرها ) جاك كان فايت من هنا ..

مجرد ..

مدام توث : ( بسلبية ) صديق للعيلة .. مش كده .

جيني : ايوه ..

جاك : ( مخاطبا مدام توث ) مش بالضبط كده ، أنا المعجب

السرى بالجميلة جيني .. وأنا ماباجيش الناحية دي الا لما

ريتشارد يكون بره ، وفيه بينا اشارة خاصة نتبادلها من

خلال ملابس الفسالة ..

جيني : جاك .. وبعدين معاك ..

مدام توث : قد ايه رائع ..

جيني : ( مخاطبة مدام توث ، مرتبكة وساخطة بعض الشيء )

ما فيش كلمة واحدة مضبوطة من الكلام اللي بيقوله . .

مافيش ولا كلمة صح من الكلام ده كله ..

جاك : ( لا يزال يخاطب مدام توث ) الملابس البيضاء اذا كان عندنا

ساعة ، الملابس الصفراء اذا كنا مستعجلين ، الملابس الحمراء

للمناسبات الخاصة ..

جيني : جاك ، أرجوك ..

**جاءك :** ( يهز رأسه ويحزن ) لازم اعترف لك يا مدام .. أنا فعلاً  
زى ما هي بتقول ، مجرد صديق للعيلة ، وكنت فايت  
مجرد فوتان ، ولو انى كنت أتمنى أن ده يكون صحيح ..

**مدام توث :** ( مسرورة ومتعاطفة ) آه آه آه ..

**جيني :** انتو واقفين كده ليه ؟ أرجوكى تقعدى يا مدام .. اوه .  
توث ..

**مدات توث :** ( وهى تجلس ) اشكرك ..

**جيني :** جاك ، انت شايف ان الواجب عليك ؟

**جاءك :** ( يجعلها واضحة كما لو كان قد تلقى الإشارة ) على فكرة ،  
لازم أقوم أمشى دالوقت ! الخطوط اختلفت والملابس  
كثرت ، وما فيش راحة يقدر الواحد يلاقى فيها فى الضواحي ،  
فرصة سعيدة يا مدام توث ..

**مدام توث :** فرصة سعيدة جداً ، وما تخلّش الاشارات تدخل  
فى بعض ..

**( جيني تصطحب جاك الى الأبواب المظلة على الحديقة )**

**جاءك :** ابقى قولى لريتشارد انى خارج عشان كاس الكونياك فى  
يوم تانى ( بصوت خفيض ) من دى .. تكونش أمك  
العجوزة ؟

**جيني :** حتخرج ولا لا ..

**جاءك :** ( ينقرها على جبينها ) باى ( موجهها إشارة الى الجمهور  
قبل أن يخرج بسرعة ) باى ( الآن وقد خرج جاك ، تعود  
جيني الى مدام توث )

جيني : مش مفروض انك تصدق اى حاجة من اللى قالها جاك ،  
يا مدام ..

مدام توث : ( ترفع يدها كمن تحاول ان تسكنها ) اوه ، بالطبع ،  
اقدر اعرف العشيق من الصديق ..

جيني : ( ربما غاضبة بعض الشيء ) اوه صحيح ؟ ازاي ؟  
مدام توث : ( تضحك ) عشان فى البلاد دى من النادر انك تلاقى  
واحد زى التانى ..

جيني : انت ست انجليزية ..

مدام توث : ايوه .. انجليزية جدا .  
( فترة صمت قصيرة )

جيني : تحب اجيبلك فنجان شاي .. او كاس .. ؟  
مدام توث : ( باقتدار بالغ ) لا .. اشكرك ، أنا جاية فى عمل ،  
عمل بحق وحقيق ..

جيني : ( لحظة صمت ) اوه صحيح ؟

مدام توث : عرفت انك بتدورى على شغل ؟

جيني : ( مرتبكة بعض الشيء ) مين ، مين اللى قال لك ؟

مدام توث : ( باستخفاف ) اوه ، واحدة من اصحابك ، ست ..

جيني : ( بفصول ولكن لا تزال متحيرة ) اوه صحيح ؟ مين ؟

مدام توث : مش مهم مين ، المهم أنا غلطانة ولا مش غلطانة ..

جيني : ( متعسرة بعض الشيء ) أيوه .. ده صحيح .. كنت  
بفكر انى اشتغل .

مدام توث : أيوه ، وهو ده اللى كنت بفكر فيه ..

جيني : لا .. مش عمل دايم .. زى ما انت فاهمه .. لكن مجرد  
حاجة كده ..

مدام توث : عمل اضافى .. تطلمى منه بقرشين زيادة .

جيني : أيوه ، بالضبط ، تعرفى يكون أيه .. ابنى بيبقى فى  
المدرسة ، وأنا عندى وقت فايز ، وعلاوة على كده ،  
الواحدة دايمًا بتحتاج للفلوس ، مش كده ولا أيه ؟

مدام توث : ( تتلفت حولها ، وبسلبية ) أيوه ، الانسان محتاج  
للفلوس ..

جيني : الأيام دى مع الضرايب ، ومع المدرسة الخاصة ..

مدام توث : أيوه ، بالطبع ، واضح ، جوزك بيشتغل أيه ؟

جيني : ( مستتاءة كما لو كانت فى مقابلة ) أيوه هو .. هو باحث  
كيماوى .. و ..

مدام توث : وزيه .. زى ناس كتير .. بياخد مرتب أقل من  
اللازم ..

جيني : ( مدافعة عن ريتشارد ) هو شغلته مش وحشة ،  
أقصد ..

مدام توث : ( تفسحك مرة ثانية ) بالطبع ، دى مش شغلة  
وحشة ؟ لكن انت لسه عاوزه شغل ؟

جيني : ( تنظر الى ممر الصالة وقد انتابها احساس بالذنب من

عودة ريتشارد ) أيوه بالطبع الواحدة . الواحدة عاوزه  
تشعر انها مفيدة ..

مدام توث : ( تفتش في حقيبة يدها ) أيوه ، الواحدة لازم تكون  
مفيدة ( تأخذ من الحقيبة رزمة سميكه من الأوراق المالية  
وتريها لجيني ) فلوس ( جيني تكتفى بالنظر اليها وتظل  
فاغرة الفم لفترة من الوقت ) عشانك ( تهم بأن تعطيها  
اياها ) .

جيني : أيوه .. ولكن .. ( تضحك ضحكة قصيرة وهي  
مشدوه ) .

مدام توث : ( توميء براسها ) أيوه ، فلوس ، عشانك ، ألف  
دولار ، خديهم ..

جيني : ( مأخوذة منها قليلا ) أيوه .. لا .. لا .. أنا

مدام توث : عديها اذا حببت .. فيها ألف دولار ( تحاول أن  
تفرضها عليها )

جيني : ( مفزعة بعض الشيء ) لا .. لا

مدام توث : طيب .. طيب خلاص ( هادئة بقدر ما تستطيع ،  
تنهض ، وتتجه ناحية المدفأة ومعهما النقود ، تلقى بها في  
نار المدفأة )

جيني : ( ترتد الى الوراء ، وتجري نحو المدفأة ، تكاد تفسح كلتا  
يديها في النار ، تصدر صرخة صغيرة ، تستقيم في وقفاتها  
تتماسك ) أوه ، اظن من الأفضل انك تخرجي بره يامدام  
توث ..

مدام توث : ( بابتسامة غامضة ) مش دلوقت وخلينا نبتدى من جديد ( تاخذ رزمة اخرى من الاوراق المالية من حقيبتها ، وتبدو كما لو كانت تهتم بالفائها فى النار ، جينى ترفع يدها خارج النار ، فاذا بـمدام توث تسلمها النقود بهدوء ، تعود الى كرسيها وتظل جينى واقفة )

جينى : ( لا تكاد ترفع نظرها على مدام توث ) انت مجنونة ، مجنونة بالفعل ..

مدام توث : لا .. تقدرى تقولى غنية .. غنية بالفعل .

جينى : ( تنظر الى النقود وكمين تحاول ان تزنها ) شوفى .. انت .. انت ما تقدرىش تدبىنى فلوس بالشكل ده .. وانا ما قدرش آخذ منك فلوس بالشكل ده ..

مدام توث : ( بضحكة قصيرة ) تقدرى ، وخلي الفلوس ندى عشانك ، ما فيش حاجة تكونى عاوزة تشتريها ؟ عشانك . او عشان .. اسمه ايه ؟ اسمه ريتشارد ؟

جينى : ما فيش حد بيدى فلوس لحد ، انا عاوزة اشتغل .

مدام توث : هایل ، تقدرى تعتبرى الفلوس دى مقدم مرتب ، وتقدرى تعتبرى نفسك بتشتغلى عندى ..

جينى : بس انا مقدرش أقول انى باشتغل .. ريتشارد رافض الحكاية دى ، و ..

مدام توث : ( تشجعها على الرفض ) انا كنت فاكدة انك محتاجة فلوس ..

جينى : ايوه ، ده صحيح .. لكن ريتشارد مش ممكن حيوافق على حاجة بالشكل ده ، و ..



مدام توث : شكلها ايه .. (تشير الى النقود) تفتكرى ما يوافقش  
على حاجة شكل دى ؟

جيني : ( تنظر الى النقود بين يديها ) انا آسفة ، ما كنتش اقصد  
اكون فظة ، لكن الموضوع كله غامض ، مش كده والا  
ايه ؟ و .. وما هواش متوقع ابدا ..

مدام توث : (تهز كتفيها) ده عمل ..

جيني : ( وفى صوتها ضحكة عصبية ) طيب اظنك حتقولى لى ايه  
هو العمل ده ، اقصد ان الفلوس مش كل شىء ..

مدام توث : لا ؟ الفلوس كل شىء .. احنا هنا مثلا .. البيت ده  
معناه فلوس ، الجنيينة دى ، الجنيينة الجميلة دى ،  
الملابس اللى انت لابستها دى ، ده كله معناه فلوس ، مش  
كاه ولا ايه ؟

جيني : طيب والعمل ؟ ايه هو العمل ؟

مدام توث : ايه هى ساعات جوزك فى العمل ؟

جيني : بيخرج من البيت الساعة ٨ ويرجع من البلد الساعة  
٧ ونص ..

مدام توث : عال خالص .. تقدرى تيجى البلد أربع مرات بعد  
الظهر فى الأسبوع .. تقدرى تقولى كده من واحدة  
لخمسة .. وحتيجى على العنوان بتاعى .. شارع جميل  
فيه عيادات دكاترة ..

جيني : طب وهو .. اقصد العمل .. انى اكون مديرة استقبال؟

مدام توث : مديرة استقبال ؟

جيني : يعنى ، يعنى انظم المواعيد وحاجات بالشكل ده ؟  
مدام توث : دا انا اللى حنظم لك المواعيد ..  
جيني : ( وقفة قصيرة ) تنظمى لى المواعيد ؟ مع مين ؟  
مدام توث : الزباين ..  
جيني : ( ببراءة ) فى مقابل ايه ؟  
مدام توث : فى مقابل ١٠٠ دولار ..  
جيني : لا .. صحيح .. بتقولى ١٠٠ دولار ؟  
مدام توث : وساعات أكثر .. اذا كانوا كرما ..  
جيني : لكن مين هم الزباين دول ؟  
مدام توث : فيهم رجال أعمال ، وفيهم سياح .. لكنهم كلهم  
رجالة لطاف ، واغنيا ..  
جيني : ( كمن بدأ يعرف ولكنه لم يستسلم بعد ) ايه .. بالضبط  
اللى انا عمله . فى مقابل الفلوس دى ؟ ( مدام توث تضحك  
برقة ، يتبدل فى جيني مع الاستسلام ، تسود فترة  
صمت .. تلتقط جيني رزمة النقود ، تناولها لمدام توث ،  
بصعوبة واضحة ) اخرجى من بيتى .. ( مدام توث لا تفعل  
شيئا ، جيني تلقى بالنقود فوق المائدة ) اخرجى من بيتى  
والا حطبل البوليس ..  
مدام توث : ( هادئة مثل أى شىء ، وبقليل من التعالى ) وتطلبى  
البوليس عشان ايه ؟  
جيني : ( وهى ترتجف ) انت عارفة حطبل البوليس عشان ايه ؟  
مدام توث : ( تبسم ) انا ماقلتش حاجة .  
جيني : انت عارفة انت عرضت على ايه !

مدام توث : ( تهز كتفيها ) انك تكسبي فلوس .

جيني : الطريقة اللى اكسب بيها الفلوس !

مدام توث : فيه اصحاب ليكى بيعملوا الطريقة دى .

جيني : مين هم !

مدام توث : اوه ، لا ، احنا برضه ناس عاقلين .

جيني : ( من تحت أسنانها ) أنا مش مصدقك ، مش مصدقة  
اى كلمة ! الناس اللى حوالينا مش ممكن يعملوا العمل  
ده ، انت مش متأكدة ، انت ما تعرفيش احنا مين .

مدام توث : ( بلا مبالاة ) كل واحد وله طريقته .

جيني : يمكن تقصدى حد من اصحاب الحرف ، أو يمكن بتتكلمى  
عن حد من النوع ده .

مدام توث : انا بتكلم عن واحدة صحبتك ، ست جميلة جدا  
وليها بيت جميل ، دايم بتحافظ على جماله ، ومخلياه  
اجمل بكثير من بيتك ده ، وعلى فكره .. الست اللى  
ماعندهاش مشاكل مادية هى الست اللى دايم بتكون  
سعيدة ، وانت تقدرى تكونى سعيدة .

جيني : انت ست قدرة ! وده شىء مقرف .

مدام توث : ( بهدوء شديدا ) مافيش شىء مقرف ، الا اذا كان  
الانسان نفسه هو اللى مقرف .

جيني : انت شيطان !

مدام توث : ايوه ! ايوه صحيح .

جيني : أنا حطاب لك البوليس !

مدام توث : ( تنهض واقفة وتمطى بعض الشيء ) طيب ، عال .  
يمكن يقبضوا على !

جيني : اتمنى انهم يحطوك فى السجن .

مدام توث : كده ، طيب ياريت ، وفى الحالة دى حعترف لهم بكل  
شئ .

جيني : تعترفى لهم بكل شئ ؟

مدام توث : ايوه امال ايه ؟ ازاي اتصلت بى ، وازاي اتكلمنا فى  
الموضوع ده ، لكن الشروط هى الى ماكانتش عجاكى ،  
والفلوس ماكانتش كفاية .

جيني : ده مش صحيح .

مدام توث : يمكن يكون مش صحيح ، ولكنى واثقة انهم  
حيصدقوه ، وده الى حصل مع ناس كثير .

جيني : اخرجى من هنا !

مدام توث : ( تأخذ من حقيبة يدها بطاقة ) خدى الكارت بتاعى  
فيه العنوان نمرة التليفون وخلينى أعرف حتقررى ايه .

جيني : أرجوكى ؟ أرجوكى تخرجى ؟

مدام توث : يعنى مش حتطلبى البوليس ، عظيم ( وقد رات ان  
جيني لم تأخذ البطاقة ، تضعها على المائدة أمام رزمة النقود )

ماتلبنيش في التليفون قبل الساعة ١٠ أرجوكى ، أناحب  
اكون نايمة .

جينى : أرجوكى ؟ تخرجى !

مدام توث : ( تبسم ) أنا خرج حالا ، وعلى كل حال فرصة  
سعيدة انى قابلتك .. ( تلقى بنظرة أخيرة على الحديقة )  
أد ايه الحنيئة جميلة ، لكن انت عندك بيت زهور ؟  
( تبسم ، تخرج تاركة جينى واقفة فى منتصف الغرفة !  
تنظر جينى الى مدام توث لفترة طويلة من الوقت دون أن  
تتحرك ، ثم تلقى بنظرة على المائدة حيث ترقد رزمة النقود  
وبطاقة مدام توث ، تلتقط البطاقة ، تقرأها ، تحرك  
شفيتها ثم بتقطعية تمزق البطاقة نصفين ، وكما لو كانت تحمل  
قذارة تأخذها لتلقى بها فى سلة المهملات ، ترجع الى  
المائدة ، تحق فى النقود ، تلتقطها وتنظر اليها بافتتان  
مشبودة دون أن تعرف تماما ما الذى يجب أن تفعله بها ،  
واخيرا وبنوع من الحزم تفسعها فى درج المكتب ، تفاقى  
الدرج ، وتحفظ معها بالفتاح ، تتجه نحو أبواب الحديقة ،  
وتعود لتلقى بنظرة على الدرج المفاقى ، تذهب ، تقف على  
النوافذ المطلة على الحديقة ، تنظر الى الخارج )

صوت ريتشارد : ( من ممر الصالة ) هيلو .. ( يدخل حاملا  
حقيبة مرقية بها زجاجات خمر ) أوه .. انت واقفة  
هناك .. امال مين دى .. اللى كانت نازلة تدب على  
السلم .. عاملة زى ماتكون حنة من انجلترا ؟ وقال ايه  
بتقولى « ازاي حالك » راح فين الملعون جاك ؟

جينى : ( بنوع من اللامبالاة ) أوه .. هو ..

ريتشارد : ( يضع الخمر على الارض ، ويشرع في اخذ الزجاجات  
من الحقيبة )

بقول مين دى .. امك بسلامتها ؟

جيني : ( بقليل من الانزعاج ) امى ايه ؟

ريتشارد : بتكلم عن الست ، عن الست دى .. بقول تطلع مين ؟

جيني : اوه .. دى مدام توث ..

ريتشارد : مدام .. ايه ؟

جيني : توث .. توث ..

ريتشارد : انت بتضحكى على .. راح فين جالك ؟

جيني : ده اسم انجليزى اصيل ( فترة صمت ) متهاىلى ..

بتسأل عن جالك ؟ ده خرج ..

ريتشارد : المجنون ، يخلينى اخرج اشترى الحمرة من بره ، ويخرج

هو على طول ..

جيني : انت اللى فكرت تخرج

ريتشارد : ( بقليل من الضيق ) بقول تطلع مين دى ؟

جيني : قلت مدام توث ؟ ( تلقى بالكلمة في وجهه ) اوه .. عضو

الهيئة .. عاوزانى اشتغل فى المستشفى ..

ريتشارد : مجانا ؟ ولا بأجر ؟

جيني : ( فترة صمت وبطريقة عارضة ) بأجر ..

ريتشارد : لا ..

جيني : ( لحظة صمت وبهدوء ) طيب طيب ..

ريتشارد : ( ينظر الى الخمر ) ودلوقت اذا كان ضيوفك الأغنيا

خرجوا ، يبقى مافاضلش غيرنا عشان نشرب ، انت تفضل  
ايه .. كونياك ؟

جيني : ( صادقة جدابة ) ايوه ، اظن ان ده افضل .

ريتشارد : او .. كى (يشرع فى اعداد الكاس ، حيث يكون الثلج  
معدا من قبل ) انت عارفة توم قال ايه امبارح ؟

جيني : ( مشغولة ولكنها غير مستاءة تماما وايضا غير مسرورة )  
لا مش عارفة ، أنا مش عارفة ، أنا ماشفتش توم امبارح .  
ايه اللي قاله توم ؟

ريتشارد : ( يرفع نظره الى جيني لفترة ، ثم باستهزاء يعود الى  
الى اعداد الكاس ) قال ان جاك كان فى النادي ، فى البار ،  
وكان سكران زى عوايده .

جيني : جاك مايكونش دايم سكران ..

ريتشارد : ( بقليل من التبرم ) دايم بيكون يشرب ..

جيني : ( بلهجة قاطعة ) لكن ده متس معناه انه دايم بيكون  
سكران ..

ريتشارد : على العموم أنا باقولك على اللي قاله توم

جيني : توم ماهواش ست عجوزة .

ريتشارد : ( متبرما تماما ) انت عاوزة اثبت لك الكلام ده ؟

جيني : مافيش داعى (نادمة) أنا آسفة يا حبيبى .. (لحظة صمت)  
انت راجل ظريف وممتاز وأنا بحبك ..

ريتشارد : (بغل) وانت ست ظريفة وممتازة وأنا كمان بحبك ،

وعلى كده حملك كاس كونيال بيتى مخصوص ، عثمان  
أوريكى قد ايه بحبك .

جيني : اوه ، قد ايه الكاس ده صعب (تقبل على كاسها وتأخذه  
منه ، يضعان ذراعيهما أحدهما حول الآخر ، يتجهان ناحية  
الكنبة ، يقبلها فى أعلى جبهتها )

ريتشارد : ريحتك أحلى بكثير من ريحة جاك .  
جيني : ( بهواء ) وانت امتى شमित ريحة جاك ؟  
ريتشارد : ريحتك أحلى من اللى متصوره جاك .  
جيني : اوه ..

( يحاول ريتشارد أن يعض عنقها )  
جيني : اوه ، بلاش كده ، صب الكونياك .  
( يجلسان على الكنبة فى استرخاء )

ريتشارد : ( مسرورا بعض الشيء ) مانتيش عاوزه تعرفى حاجة  
ظريفة فعلا ؟

جيني : ما أطنش .. ايه هى ؟  
ريتشارد : كنت فى مخزن الخمر ..  
جيني : ده صحيح ..

ريتشارد : هس ، باقولك كنت فى مخزن الخمر ، بصيت لقيت  
صاحب المخزن جاي يقوللى .. تعرفى قال لى ايه ؟

جيني : لا ، قال لك ايه ؟  
ريتشارد : قال لى انه اشترى عربية تانية ؟ عربية تانية ..  
مخصوص علشانه ..



جینی : وبعدين ؟

ريتشارد : تصورى الراجل اللى عنده مخزن خمور صغير يقدر يشتري عربيتين ؟ واحنا مافيش قدامنا الا ..

جینی : انت جيت معاك سجائر وانت، جاى ؟

ريتشارد : نعم ؟ ( يخرج السجائر ) أوه ، أيوه ، السجائر أهى .

جینی : ( تأخذ سيجارة ، وكذلك يفعل هو الآخر ، يشعل السجارتين )

تفتكرى ايه الى يقتل عدد أكثر من الناس .. السجائر ولا العربيات ؟

ريتشارد : لو حطينا الاثنين على بعض يبقى أحسن ، أحبين بكثير ، فيه ايه ع العشا ؟

( فترة صمت )

جینی : يله بينا نتعشى بره ..

ريتشارد : نتعشى فين ؟

جینی : ( بارتياح ) نتعشى بره .. يله بينا نزوح الكافالير .

ريتشارد : ( بسخرية ) انت لازم اتجننتى .

جینی : أبدا لا اتجننت ولا حاجة ، يله بينا .

ريتشارد : انت عارفة الكافالير ده يكلف الواحد منا كام ، ٢٥ دولار ، ٢٥ دولار كل واحد من غير النبيذ .

( فترة صمت )

جيني : ( بجلد ) أنا قدرت أوفر شوية فلوس .  
ريتشارد : ( بنصف سماع ) نعم ؟  
جيني : بقول .. قدرت أوفر شوية فلوس .  
ريتشارد : ( باهتمام غامض ) وازاي ؟  
جيني : ( بمجلة شديدة ) أوه ، قدرت أوفر مبلغ صغير من مصروف البيت ، كنت بوفره أسبوع بعد أسبوع .  
ريتشارد : ( بوداعة ) على كده ابقى انسان ملعون .  
جيني : يله بينا ، يله بينا نخرج ، الخروج هيخلينا أحسن ، يله نروح الكافاير ونجربه مرة في حياتنا .  
ريتشارد : على رأيك ، خلينا نظهر بمظهر اللى قدها وقودود .  
جيني : وليه لا ، يله بينا ، ده هيخلينا أحسن احنا الاتنين .  
ريتشارد : بس فيه حاجة مهمة ، انت معاكي كام ؟  
جيني : أوه معاي يكفى ، ويله بينا على طول .  
ريتشارد : انت ست شاطرة ، ( ينهض ) مش يصح الواحد ياخذ حمام ؟ بقى معاكي يكفى ؟  
جيني : ( تنهض ) أبوه ، ودلوقت من الأفضل انك تحط الحاجات دى في الجنيينة قبل ما تنظف نفسك ..  
ريتشارد : ده صحيح ( يتجه ناحية الأبواب المفضية الى الحديقة ) انت ست شاطرة جدا ( يتجه الى الخارج ) .  
( ترى جيني انه قد أصبح بعيدا عن الأنظار تتجه ببطء ناحية المكتب ، تفتح الدرج ، تخرج رزمة النقود ، تنتزع منها عدة أوراق مالية ، تضعها على المائدة ، تتردد لحظة من

الوقت ، كما لو كانت تريد أن تفكر في الأمر ، ثم تضع  
باقي النقود في الدرج ، تفلق الدرج ، وتحفظ لنفسها  
بالمفتاح ، تتوقف لحظة ، تنظر في سلة المهملات ، ترفع السلة  
الى المائدة ، تأخذ نصف بطاقة مدام توت ، تضمهما  
معا وتنظر في البطاقة ، ريتشارد يدخل برأسه فلا تتراجع  
جيني ولا تحاول أن تخفي البطاقة ، مدركة أن ريتشارد  
لن يرى البطاقة ولن يسأل عنها )

ريتشارد : جيني ..

جيني : في إيه ؟

ريتشارد : ( بنوع من الاشتياق ) فين انت يا حبيبتي ؟ تفتكر  
بيت الزهور يتكلف كام ؟

مانتيش عارفة .. البيت الصغير يتكلف كام ؟

جيني : ليه ؟ بتسأل ليه ؟

ريتشارد : أنا بس بسأل ..

جيني : ( ناظرة الى أعلى ) يتكلف مبلغ مش صغير ..

ريتشارد : أنا بس بسأل ، مجرد سؤال ( يعود الى الخارج )

جيني : ( تنظر في البطاقة ثانية ، تهز رأسها بأسف زهيد )

يتكلف مبلغ مش صغير ..

( ستار )



## المنظر الثاني

( بعد مضي ستة اشهر في نفس المنظر ، الوقت بعد الظهر  
مبكرا ، ريتشارد جالس على المكتب يعد الكمبيوتر ويهز رأسه  
من حين لآخر يائسا ، صوت فتح الباب الأمامي ثم اغلاقه ، تدخل  
جينى ومعها لفائف )

جينى : ( مبتهجة ) هاللو .

ريتشارد : ( متجهما ) هاللو .

جينى : انت يعنى لازم ترتاح يوم السبت ؟ وكم ان مابتشتغلش فى  
الجنينة ليه ؟

( يضحك ريتشارد فى اتجاه ) ولا ، ولا انت بس قاعد هنا ..  
على طول الخط ؟

ريتشارد : ( يتسهم ابتسامة خفيفة ) أنا قاعد بإسدد الكمبيوتر .

جينى : اوه ( تضع اللفائف ) كثير مش كده ولا ايه ، أنا أروح  
الحل من هنا ، وانسى نص اللى أنا عايزاه من هنا .

ريتشارد : انتى مش كتبت اللى انت عايزاه فى ورقة ؟

جینی : ایوہ ، انا اشتريت كل اللى مكتوب فى الورقة ، لكن  
الى حصل انى نسيت اكتب فى الورقة كل اللى انا عايزاه .

ريتشارد : زى ايه ؟

جینی : زى ايه ؟ زى .. زى البيرة واللبن الزبادى ، ولوازم  
الطبخ و ..

ريتشارد : وعشان ايه كل ده ؟

جینی : عشان عندنا ابن .. مش كده والا ايه !

ريتشارد : ( مشغولا ) احم .. احم ..

جینی : ( لحظة صمت ) انت مش عارف انه جاى البيت النهاردة ؟

ريتشارد : ( فى حيرة وفى سرور ) روجر ؟ النهارده ؟ جى البيت ؟

جینی : ( كما لو كانت مضطربة التفكير ) ايوہ ، عنده اجازة

ريتشارد : ياه ، الواحد دماغه مش فيه ..

جینی : م . م . م وعيش وحاجات تانيه على ماظن .

ريتشارد : يظهر السنه دى مافيش معسكرات .

جینی : آه ؟ بتقول ايه ؟

ريتشارد : بقول السنه دى مافيش فيها معسكرات لروجر ،

مافيش معسكرات .. عشان مافيش فلوس .

جینی : ( غير منتبهة وكمين يفكر فى شىء آخر ) أوہ ، صحيح ؟

ريتشارد : ايوہ ، صحيح .

جینی : (تكتب قائمة بالاشياء التي ستشتريها ) فيه فلوس والا  
مافيش ، متهيالى يبقى احسن لو قضى معانا الصيف .  
ده يخلينا نفهمه اكثر ..

ريتشارد : ( بلهجة فيها شكوى ) احسن والا مش احسن ..  
ماباليد حيله .

جینی : اهو يساعدك .. ويساعدنى ..

ريتشارد : خلاص اذا كنت شايفه كده ، هاتى كام ظرف  
جواب ..

جینی : فيه شوية ظروف ..

ريتشارد : لا .. الورقة نفسها اللى بيتكتب عليها الجواب .

جینی : ( تكتب ذلك فى الكشف ) حاضر ، ويقدر يساعدك كمان فى  
الجنيه .

ريتشارد : م . م . م . والا نقدر كمان نفتح كشك جرايد .

جینی : (بشئ من القرف) صحيح ..

ريتشارد : يهيك قوى ان كل واحد تبقى له شغلانة هنا ..

جینی : ده لسه عيل صغير !

ريتشارد : مايكن ماشى زى غيره .. متعرف له على بنت فى  
المدرسة ، وجايز بيزوغ بالليل ويببات فى الجنيه .. و .

جینی : (معتزة وحائرة) ريتشارد !

ريتشارد : العيال بيكبروا قوام اليومين دول .

جینی : روجر عنده ١٤ سنه

ريتشارد : وليه لا ، اذا كانت المسائل ماشيه طبيعى ، يبقى ليه  
مايتعرفش على بنت من البنات ؟ ثم انه عنده ١٥ سنه .

جيني : كفايه .. مش عاوزه اعرف اكثر من كده .

ريتشارد : على العموم ده احسن من حاجات تانى كتير .

جيني : خلاص .. خلاص .

( تسود فترة صمت )

ريتشارد : ( يهز راسه واخيرا بيتسم ابتسامة تشي بشئ من  
الحزن ) اتعرفت مرة على بنت ايام ماكنت باخرج معاكى ،  
طبعا فاكروه ، ماكنتش وقتها مقطع السمكة ودليها ..  
لكن ..

جيني : (متبلده بعض الشئ) ماتضايقيش ..

ريتشارد : انا بتكلم جد ، وماكنتش فايق لها فى الايام دى ..  
عشان كنت لسه على علاقتى معاكى .. (جيني تتاوه) واظن  
قابلتها ، لكن ماقلتلكيش كانت تبقى مين . عشان كانت  
لسه .. لسه ليها على تأثير شديد ..

جيني : (بنوع من الضيق والانزعاج) ريتشارد .. ارجوك ..  
ريتشارد : لا .. واكثر من كده ، دى كانت زى اللى واهبة  
نفسها ، تبقى رفيقة سرير فى الحفلات ، ومصاصه دم فى  
الحرب ، بالضبط ..

جيني : سيب الست القلبانه فى حالها ..

ريتشارد : ( بقليل من الاحتدام ) انا مابمسهاش بحاجة ( فترة  
صمت ) انا كنت بفكر وبس ، كنت باقارنها بيكى ..



جيني : (ساخرة) صحيح ..

ريتشارد : وطبعاً المقارنة في مصلحتك ..

جيني : ( متهمكة ) أرووه ..

ريتشارد : أما في المجتمعات ، قصدى بره اوضة النوم ، تفتكرها  
زى الملكة .. جد جداً وهادية جداً ! حتى في كلامها كانت  
تقول احنا زى الملوك ، عشان كده كان ليها تأثير شديد ..  
ماتقدريش تفهميها ..

جيني : ( في حالة عدم سرور ) وأيه دخل ده بى أنا ؟

ريتشارد : اوه ، ده كان بمناسبة ان راجر ماشى في المدرسة  
كويس .

جيني : مانت بتقول انه بقى خسران .

ريتشارد : مع الفارق ..

جيني : الكلام ده تقوله لعلماء الاجتماع ..

ريتشارد : هم عارفينه ، وانا قلت ان راجر يمكن يكون ماشى  
كويس ، جيني انت مالك وشك عمال يحمر ويخضر  
وبصفر كده ليه ..

جيني : متهيألى انه مافيش داعى تزعق وتلم علينا البيت ..

ريتشارد : (بفضب) مين يعنى اللي راح يسمع ؟ الخدامين  
ياخية ؟

جيني : ماتصرخش في وشى بالشكل ده !

ريتشارد : ( فترة صمت ، هزة رأس ، وبضحكة حزينة ) كل اللي

كنت عاوز اقله ، انك انسانه مضحكة وسخيفة ، لكن  
انسانه هائله .

جيني : انت مجنون .

ريتشارد : ده انتى .. انت زوجة كويسه وهائله جوه البيت  
لكنك انسانة مضحكة .. وصعبة شويه ..

جيني : صعبة ؟

ريتشارد : ايوه ! صعبة !

جيني : انا متأسفة ..

ريتشارد : وبعدين كنت بفكر فى ايه .. اوه فى اسمها ايه دى ،  
اللى جت وكانت عاملة زى الملكة ، واftكرت قد ايه كانت  
تضحك ، وانتى ماكنتيش فاهمه اى حاجة .. و ..  
( يجز على انسانه ) اوه ، سيبك يا شيخة من ده كله ..  
( فترة صمت ) كنت باحاول أقولك كلمة حلوة ، كنت باحاول  
ابقى انسان ظريف معاكى ..

جيني : ( تفكر فى الامر ، ثم ترفض منطقته ) اولاً أنا مش عارفه  
انت ليه حبتها .

ريتشارد : ( بغضب يائس ) ولا أنا ..

( تسود فترة صمت )

جيني : متهاىلى انى اقدر اقول شوية نكت خارجه ، واقدر اقول  
للناس ع اللى انت بتعمله ، واقدر ..

ريتشارد : سيبك من الكلام ده ..

( فترة صمت )

جینی (محاولة ان تکتّم ضحکتها) کانت مین هی ؟  
(ریتشارد یمط شفّتیّه ویهز رأسه) ماتقول .. کانت مین  
هی ؟

ریتشارد : لا .. لا

جینی : (تزغزغه قلیلا) اوه ، یله قول !  
ریتشارد : ( أسعد حالا ) لا ، وبلاش الحکایة دی ! (تزغزغه اکثر  
یمسک بها ، یتصارعان ، یضحکان یلعبان فوق الکنبه ،  
وینتهیان بقبلة ثم أخرى تطول الی أن تصیح اکثر جدیه)

جینی : اوه ، اوه ، مش دلوقت ..

ریتشارد : اووهه

جینی : لا ، روجر جای دلوقت .. و

ریتشارد : ده احسن .. عشان یقدر یقول لاصحابه ان احنا لسه  
فینا حیل ..

جینی : لا ، مش دلوقت ..

ریتشارد : (یمیل الی الخلف ویتنهد) طیب .. بلاش ..

جینی (فترة صمت) کانت مین دی ؟

ریتشارد : (یهز رأسه) اوه ، اوه ، أنا ادیت وعد ..

جینی : (تضیق عیناها) لین ؟

ریتشارد : لنفسی ، ادیت وعد لنفسی ..

جینی : (مستخلصة نفسها) اوه ، بصحیح ..

ريتشارد : بصحيح ، ودى حاجة مائتشرش ..

جينى : ( تنظر الى نفسها فى المرآة ، متيمة بنفسها وراضية ) انت  
ماشفتش الجرنال النهارده ؟

ريتشارد : (مشغولا) احم احم احم

جينى : فيه اعلان ..

ريتشارد : (يعود الى المكتب) بيعملوا ايه ، بيدوا فلوس ؟ طبعا  
اقدر استعملها اذا كانوا ..

جينى : (مازالت تعدل هندامها) لا ، اعلان عن بيت زهور ، الاطار  
كله الومنيوم ومتفطى بالازاز ..

ريتشارد : (يضع ورقة على المكتب ، بعنف) بالله عليكى يا جينى!  
( تسود فترة صمت ، تنظر اليه بشيء من الكبرياء )  
انا لسه باقولك ان روجر مش حيرج المعسكر السنة دى  
عشان مافيش معانا فلوس ، ر ..

جينى : (بقليل من الاحتقار والاستعلاء) اوه ، الفلوس ، الفلوس ،  
الفلوس ..

ريتشارد : ايوه الفلوس (يربها الكمبيوترات) البيت ، المواصلات ،  
المحلات ، الشرخ الللى فى الجدار .. كل ده عاوز فلوس ..  
(ينق جرس الباب)

جينى : الجرس برن ..

ريتشارد : (يعود الى عمله) ايوه ، وماتقوميش تفتحى ليه ؟

جينى : (وقففة قصيرة) وماتقومش انت ليه ؟

ريتشارد : ايه ؟

جینی : باقول ، وماتقومش انت ليه ؟  
ريتشارد : (بصوت فيه رنة شكوى خفيفة) عشان انا باشتغل  
ياحييتي ، انت مش شايفه اني باشتغل ..  
جینی : واذا كان الجرس عشانك ؟  
ريتشارد : (دهشه خفيفه) في الحالة دي تقدرى تقولى مين ..  
وجاى عشان ايه ..  
جینی : (صمت ، ثم تردد) اوه صحيح ، عندك حق .  
(يلقى جرس الباب ثانية)  
ريتشارد : (يلقى بالقلم وينهض ثم يخرج) اوه ، حاضر ، حاضر ، حاضر  
والله العظيم ..  
(تكاد نسمع ريتشارد خارج خشبة المسرح يقول «ايوه» ثم  
وهو يقول اوه .. أو .. كى » وبينما هو خارج المسرح ،  
تتحرك جینی نحو الغرفة متظاهرة بعدم الاكتراث ، يدخل  
ريتشارد ومعه لفة صغيرة ، ورقة بنية اللون ، ملفوفة بخيط  
عليه عدة طوابع بريدية .. طرد خاص .. الخ ) .  
جینی : ايه فيه ايه ؟  
ريتشارد : (ينظر الى الطرد بفضول وعدم ارتياح) طرد .  
جینی : اوه ، عشانى ؟  
ريتشارد : لا ، ده عشانى انا (بهزه ، ينظر اليه مرة ثانية)  
جینی : (وقفه صمت) طيب (وقفه) افتحه ..  
ريتشارد : (يضعه على المائدة ، يحدق فيه ، ويداه وراء ظهره)  
مش عارف فيه ايه ؟

جینی : ( ضحكة خفيفة ) طيب ، افتحه وانت تعرف .  
ريتشارد : ( يلتقطه ثانية ، ويحدق فيه ) طرد خاص ، مش مكتوب  
عليه جاى منين .

جینی : طيب ، افتحه وخلصنا بقى .  
ريتشارد : ( يحاول قطع الدوارة ، ولكنه لا يستطيع ) آه ، مربوط  
بطريقه ..

( يأخذ مطواه ، ويقطع الخيط ، ويبدأ فى فتح الطرد ، جینی  
تبتعد قليلا ؛ ريتشارد يظهر محتويات الطرد بيضاء ممل فى  
حركته )

جینی : ( متظاهرة بعدم الاكتراث ) ايه ؟ ايه فى ايه ؟  
ريتشارد : ( متعجبا ) جینی ! شوقى !  
جینی : ايه ؟

ريتشارد : جینی ، دى فلوس  
جینی : دى ايه ؟  
ريتشارد : فلوس ..

جینی : ( متظاهرة بعدم التصديق ، وبفرح طفولى ) فلوس ،  
بصحيح دى فلوس ؟

ريتشارد : ( تبدو عليه الرهبة والخوف ) ايوه يا جینی ، فلوس ،  
مبلغ كبير من الفلوس ..

جینی ( تقترب منه خطوة ) ياه ، عال .. لازم ربنا بيعتها لنا ..

ريتشارد : جینی ، ده ورق من أبو عشر دولارات ، كل باكو فيه  
... دولار ..

جینی : (بحیرة جمیلة) طیب یبقوا کام ؟ یبقی کام کلهم ؟  
 ریتشارد : (بدا فی العد بصوت عال ثم بدون صوت) واحد ..  
 اتین .. ثلاثة أربعة ، خمسة ، ستة ، سبعة ، تسعة .  
 جینی : ( أثناء العد ، تتملل ، وقفات صمت ) ازای ، ده مش  
 معقول .. انا .. مش معقول ابدا ..  
 ریتشارد : استنی .. آدی ورقة بیمة دولار .. واحد ، اتین ،  
 ثلاثة ، أربعة ..  
 (اضطراب خفیف) ٤٩٠٠ دولار ..  
 جینی : ( بنوع من الاضطراب ) کام ٤٩٠٠ ؟  
 ریتشارد : جینی دول حوالی خمس آلاف دولار ، أربع آلاف  
 وتسعمائة یاجینی .. ٤٩٠٠ دولار ..  
 جینی : لا .. مش معقول .. مش ٥٠٠٠ دولار ؟  
 ریتشارد : ( یتتابه شك مفاجئ فی ان هناك خطأ ما ) مش قادر  
 أفهم حاجة ..  
 جینی : لكن .. لكن انت مش مبسوط ..  
 ریتشارد : ( بتعلیق لاذع علی کلماتها ) بتقولی مبسوط ؟ والله  
 مانا عارف ان كنت مبسوط والا لا .  
 جینی : ( لا تزال علی مبعدة من النقود ) وهی دی فلوس حقیقة ؟  
 یعنی فلوس بصحیح .  
 ریتشارد : (ینظر الی ورقة مالیة) طبعاً ، فلوس حقیقة ،  
 حقیقة وفیها ورقة ب ١٠٠ دولار مستعملة ..

جینی : ( بنوع من الاطمئنان ) رحمتك يارب ..

ريتشارد : لكن .. لكن ليه ؟ قصدى الحكاية كده مالهاش معنى !

جینی : ( بخطوة دفاعية للامام ) ايوه ، لكن دى فى النهاية فلوس ..

ريتشارد : ( ناظرا الى النقود بتجهم ) دى فلوس .. صحيح ، لكن الوحش فى الحكاية اننا مانقدرش ناخذها .

جینی : قصدك ايه بالضبط .. ؟

ريتشارد : ( بدون حماس كبير ) قصدى اننا مانقدرش ناخذها . وانى لازم اسلمها للبوليس .

جینی : لا .. اوعى ..

ريتشارد : لازم .. الحكاية فيها غلط ..

جینی : ايه ؟ بتقول ايه ؟

ريتشارد : ( لا يكاد يجد الكلمات ) يعنى .. قصدى .. ان

جینی : الفلوس دى مبعوته ليك .. مش كده والا ايه ؟ وحت فى طرد مخصوص عشانك ، يعنى انت مالقيتهاش ..

ريتشارد : ايوه ، عارف ، بس ...

جینی : ( بكل مانستطيع من تلقائية ) متهيالى ان فيه واحد معين باعت لك الفلوس دى ، وانا .. مش شايفه سبب تانى غير كده ..

ريتشارد : واحد باعت لى الفلوس .. ده صحيح ، بس هو مين ؟

جینی : أنا .. أنا معرفش ( تهز كتفها ) أهو واحد والسلام .



ريتشارد : شوفي الحكاية لازم فيها حاجة كده والا كده .. حاجة  
زى ..

جيني : زى ايه ؟

ريتشارد : زى عصابات المافيا .. او حاجة بالشكل ده .. او  
لصوص سرقوا بنك .. و .. بعثوها عشان يشيلوها هنا  
.. او ..

جيني : (تضحك في مزح) ماتيقاش عبيط امال ..

ريتشارد : ( يفكر في الأمر ثم يرضخ ) تفتكرى فيه حسد بعث لى  
الفاروس دى ؟

جيني : (كما لو كان اوضح شىء في العالم) بالطبع ..

ريتشارد : ايوه ، بس يطلع مين ؟

جيني : يمكن .. يمكن حد .. خدمته في حاجة .

ريتشارد : الحاجات دى مابتحصلش .. مابتحصلش أنا  
بالذات ..

جيني : ايوه ، لكن اهي حصلت ..

ريتشارد : (يمسك النقود ويمد يده بها نحوها تماما كالاطفال)

مش عاوزه .. تلمسيها والا ايه ؟

جيني : اوه ، ايوه ، بالطبع (تتجه نحوه تلمس النقود تبتسم  
ابتسامة خفيفة) ياترى مين اللى بعث لك الفلوس دى ..

ريتشارد : أنا .. أنا مش عارف ، فيه واحد دايمًا بيركب جني  
في القطر ، باين عليه مبسوط منى .. وهو اكبر منى في

السن ، من النوع بتاع البنوك ، ودايما يسألنى عن شغلى  
ماشى ازاي ، يمكن يكون مليونير .. ويمكن يكون مجنون .

**جيني : (تخرج سيجارة) كبريت ..**

**ريتشارد :** أوه ؟ آه أهوه ( يوشك أن يناولها علبة الكبريت ، ثم  
يعدل عن ذلك ويشعل لها السيجارة ) ممكن الفلوس دى  
تكون جايه من واحد بالشكل ده ..

**جيني : (بقليل من الشك) آه ، يمكن ..**

**ريتشارد : ( حائرا وبقليل من الضجر ) برضه مش ممكن ..**  
قصدي جايز الا ..

**جيني : (مطمئنة) أيوه ، بس لازم يكون فيه حد بيعتها ..**

**ريتشارد :** أيوه (يفكر .. يعطيها ورقة مالية) خدى دى ..  
عشانك ..

**جيني : ( وقفة قصيرة جدا ) أشكرك ، ويبقى معنى كده انك مش**  
حتسلمها للبوليس .

**ريتشارد : (وقفة ، احساس خفيف بالذنب لكن متشجعا) لا ،**  
ما افكرش ( وقفة قصيرة ) متهيأ فى حد عاوزنى آخد  
الفلوس دى ، لازم فى واحد ، ويبقى شىء سخيف ان  
الواحد ماياخدهاش (وقفة قصيرة) انت مش شايفه كده  
والا ايه ؟

**جيني : (ابتسامة رقيقة) أيوه ، ده اللي انا شايفاه ..**

**ريتشارد :** اقصد اننا نبقى اغيبا اذا رمينا الفلوس دى .

**جيني :** أيوه ، بالتأكيد ( مبهجة ) يله بينا نشرب لنا كاس ، يله  
بيننا نهيص .

ريتشارد : (بمزاج صافى الآن) ايوه ، يله بينا .  
جينى : (تتجه ناحية الصالة) انا حروح اجيب التلج .  
ريتشارد : (يتجه ناحية دولاى الخمى) هایل ، وانا راج اعمل  
كاسين كونياك فى صحة ال ٤٩٠٠ دولار .  
جينى : كاسين مخصوص ( تخرج ) خليه فى صحة ال ٥٠٠٠  
دولار احسن .

(يدخل جاك من الباب مباشرة بعد خروج جينى وريتشارد)  
جاك : ( يدخل الحجرة ببطء ، ويوجه كلامه الى الجمهور ) الايام  
بتجرى وتمر قوام ، والناس بتعيش وتموت ، وانا بس  
اللى عمال ألف وأدور ... وأقول لكم بصراحة ، فيه أيام  
بعترف فيها لنفسى انى مش عايش ولا عمرى عشت ، أنا  
متفرج على الحياة .. مجرد متفرج .. أبص ، وأبص  
(كمن يشرح حقيقة كبرى بطريقة موضوعية) .. أنا عمرى  
ماحسيت انى عايش فعلا ، وده مش نتيجة العزلة ، العزلة  
اللى بتفرضها علينا الفلوس ، زى مانتوا فاكيرين ؟ أبدا ..  
أبدا .. أنا اعرف ناس كثير معاهم فلوس أكثر منى وبرضه  
عمرهم ما عاشوا ، قتلوا نفسهم وقتلوا كل حاجة معاهم .  
آه بالمناسبة ، أنا عملت اللى قلت عليه ، اللى قلت أنا رايح  
أعمله ( يومى برأسه ) عملت الوصية بتاعتى ، ورجعت  
عملتها تانى ، حسب الوضع القانونى ، وسيبت كل ثروتى  
لجينى وريتشارد .. أكثر من ثلاثة مليون ، احسن انى  
ما أقولهمش برضه . وكويس انهم يحبونى زى ما هم بيحبونى  
داوقت .. أقصد انهم بيحبونى وكل حاجة لكن .. (يرى  
النقود فوق المائدة ) ايه ده .. ياسبحان الله ( يتكلم بصوت  
عال ، وقد دخل الآن فى الحدث المسرحى ) ياسبحان الله !  
ايه الفلوس دى كلها .

ريتشارد : (يدخل من المطبخ) اوعى تلمسها ..

جاك : ( يتصنع الغفلة ) أنا متأسف ..

ريتشارد : ( ما زال صارما ، يتجه ناحية النقود ) اوعى تلمسها  
مجرد لمس ..

جاك : طيب ، أقدر اخرج بره تانى واخبط ؟

ريتشارد : (يتنهد ويضحك قليلا) انا آسف يا جاك ..

(تدخل جينى ثانية ومعها جردل التلج)

جينى : آدى انا اهو .. ومعاي تلج يناسب ال ٥٠٠٠ دولار ،  
و ٠٠٠ أوه ، جاك !

جاك : ( يرى أنهما معرجين ، مخاطبا الجمهور ) اتفضلوا شايفين ،  
ياسبحان الله ..

جينى : ( وقفة قصيرة جدا ، وبسماحة خلق ) هيه ! تعالى ،  
اشترك معنا ..

جاك : ( يبتسم منتظرا أن تشرح له الأمور ) أو .. كى .

ريتشارد (مخاطبا جينى) جاك ، شاف الفلوس ، محطوطه هنا  
.. و ..

جاك (بسرور شديد) وبصراحة مانيتش فاهم اى حاجه ..

جينى : ابدًا ، ولا حاجة .. دى مجرد فلوس ..

جاك : (ناظرا اليها) طب والفلوس دى انتوا سارقينها ،  
ولا دقينها على ايديكم ؟

ريتشارد : ابدًا ، لا كده ولا كده ، احنا ...

جینی : احنا اسه مستلمینہا ، یادوب اسه واصلہ ..  
دلوقت ..

ریشارد : ( لکی یوضح اکثر ) وصلہ عن طریق البوستہ ..  
جینی : ایوہ ..

ریشارد : ( شارحا ) طرد خصوصی ..  
جینی : ایوہ ..

جاك : (وقفه قصيرة جدا ، وقد انفج له أن الامر يحتاج الى  
مزيد من الشرح) .

کویس .. ده کلام کویس خالص ..  
جینی : واحد بعثها لريشارد ..

جاك : اوہ صحیح ؟

ریشارد : ایوہ صحیح .

جاك : ويطلع مين ده ؟

جینی : مش عارفین ، متھیا لنا ، مين .. حد مستلطفہ ، حد  
معجب بيه ، يمكن حاجة بالشكل ده ..

جاك : قصدك انكم ماتعرفوش الفلوس دی جایہ منین ؟  
جینی : لا ..

ریشارد : أبدا ..

جینی : أبدا .. أبدا ..

جاك : هی فلوس كثير ؟ أقدر أمسكها ؟

ریشارد : (بحركة لا شعورية لحماية الفلوس ، ثم يسحب يده)  
بالتأكيد .

جاك : (يلمسها باحد اصابعه ثم ناظرا الى اصبعه) فلوس حقيقة .. ؟

جينى : طبعاً ، فلوس حقيقة ..

ريتشارد : (فجأة وبتفكير غير سعيد على الاطلاق) جاك ..

ما تكونش انت الى عملت كده ؟ اوعى تكون انت الى عملتها ؟

جاك : عملت ايه ؟ ايه هي الى عملتها ؟

ريتشارد : يعنى مش انت ؟ مش انت الى بيعت لنا الفلوس دى ؟

جاك : (وقفه قصيرة جداً ثم بضحكة) أبدا ، أبدا والله العظيم ..

ريتشارد : انت متأكد ، لانه لو كان انت الى ..

جاك : أنا متأكد ، متأكد جداً ( مخاطباً الجمهور ) مش أنا والله العظيم .. مش أنا والله العظيم الى بيعتها لهم ( لهما ثانية ) هم كام ؟

جينى : حوالى ..

ريتشارد : خمسة آلاف ..

جاك : اهو ده اللى يثبت انه مش أنا ، أنا عمرى ما تعامل بمبالغ صغيرة زى دى ..

ريتشارد : (مدافعا) يمكن بالنسبة لك مبلغ صغير ، لكنه بالنسبة للناس تانيين ..

جينى : ( لكى تغير موضوع الحديث ) ليه ماناخدش كلنا كاس كونياك ؟

**جاء :** وماله فكره مدهشه .. (يتحرك ريتشارد لاعداد الكونيك  
بينما تتجه جيني نحو الفرقة) انا ماكنتش اقصد انريق  
على .. على حظكم المفاجيء ..

**جيني :** اوه ، دلوقت ..

**جاء :** كويس خالص ، مدهش ( مخاطبا الجمهور ) حاجة غريبة  
جدا ، اذا حاولتم تعرفوا راى ( يعود الى المسرحية )  
متيالى بقى انكم حتملوا حفلة .

( ينظر كل من ريتشارد وجيني احدهما نحو الآخر  
وبحماسة )

**جيني :** ابوه صحيح ، ممكن نعمل حفلة .

**ريتشارد :** ( مترددا ) شوف ، متيالى ، اننا مش لازم نعلن ..

**جاء :** لا ، مجرد حفلة عشان نفرح بالموضوع ده شوية ،  
وتجيبوا فيها شوية كافياري ، وتقدموا شامبانيا ، وتأجروا  
سفرجى ، وتعملوها فى الجينة !

**جيني :** ( متشبهة ) حفلة فى الجينة !

**ريتشارد :** ( مستسلما ) طبعا ، وليه لا ..

**جاء :** طبعا وليه لا ( مخاطبا الجمهور وهو يهز كتفيه ) ليه لا ؟

**جيني :** فكرة هائلة ، وامتى نعمل الحفلة ؟

**جاء :** دلوقت ..

**جيني :** لا ، بلاش دلوقت ، نخليها الأسبوع الجاي ، و ...

**ريتشارد :** ( مطرفا ، وبشئ من الحزن ) انت عارف .. الناس  
لازم تخطط ، و ...

**جاك :** لا ، دلوقت ، دلوقت حالا فى حموتها ، ياله بينا على التليفون ، ياله خلى الحكاية تحلو ، ولا خليهـا تفرقع ( بلهجة أكثر رقة ) اعمل حاجة جريئة ، وغير عادية ، و .. الحاجة اللى كان فى نفسك دايما انك تعملها ..

**جينى :** أيوه ، خلىنا نعملها !! حتصل بالتليفون .. أتصل بعين ؟

**ريتشارد :** اذا كان كده ، يبقى اتصلى بشيك وبيريل ..

**جينى :** ( بحماسة بالغة ) أيوه صحيح ، شيك وبيريل ، وسنشيا وبيرى كمان .. بالطبع

**ريتشارد :** أيوه ..

**جينى :** و ... وجيلبرت ولوسى .. ومين كمان ؟

**ريتشارد :** ( بصحكة خفيفة ) ياله على رأيك ، مش معقول حنعيش حياتنا كلها على وتيرة واحدة

**جينى :** تفكر كده كفاية ؟ ستة ؟ أوه ، وياك بالطبع ، لازم حتيجى يا جاك !

**جاك :** لا ، يا حبيبتي ، أنا عندى ماتش بوكى فى النادي .

**جينى :** أوووو ، و ، ...

**جاك :** لا ، ده ماتش مهم قوى ، ما أقدرش اسيبه أبدا .

**جينى :** ( بفرح وخفة ) حاروح اتصل بيهم فى التليفون ، أو .. كى ؟

**ريتشارد :** ( مسرورا ) أو .. كى ..



جيني : ( مخاطبة ريتشارد ) احسب انت كل اللي جحتاج له ،  
قد ايه شرب .. وكل ..

ريتشارد : لازم شمبانيا ؟

جيني : آه ، طبعا ، ولو ان فيه ناس مايبجوهاش ، أنا رايحه  
اتكلم فى التليفون ..

( تشرع فى الخروج من حجرة الجلوس )

ريتشارد : حقيقى الساعة كام ؟

جيني : اوه ، ستة ، ستة ونص ، هى كام الساعة دلوقت ؟

ريتشارد : اربعة ..

جيني : ( وقفة قصيرة ) اوه ( بعزم ) ودلوقت ، احسن لنا  
نشتغل بسرعة ( وهى خارجة ) باى باى يا جاك ..

جاك : باى باى ( مخاطبا ريتشارد ) معنى كده انى لازم أكون  
خرجت لغاية ماتخلص التليفونات ؟

ريتشارد : ( يكاد يضحك وهو يعطى جاك كاس الكوئيساك )  
خد ..

جاك : ( ياخذها ) مثلج جدا ، وممتاز ، شكرا ..

( نسمع جيني وهى تتكلم فى التليفون ولكن بغير وضوح ،  
وذلك من الغرفة الأخرى ، ونلحظ مدى حماسها )

ريتشارد : دى متحمسة خالص .. فى صحتك ..

جاك : طبعا متحمسة ، وليه ماتبقاش متحمسة ؟ شىء رائع ان  
الفلوس تيجى بالطريقة دى

ريتشارد : أيوه ..

جاءك : من غير ضرايب ، اقصد فلوس معفية من الضرايب ؟ .

ريتشارد : هيه .. بتقول ايه ؟

جاءك : بأقول انك مش حتعلن عنها ، بالطبع ، وبالشكل ده مش حيبقى عليها ضرايب ..

ريتشارد : ( ولم يفكر اطلاقا فى هذا الأمر ) كلامك صح ، مافيش عليها ضرايب ، فلوس نضيصة .. مشفية .. يا سلام ..

جاءك : وجايز تيجى فلوس تانى ..

ريتشارد : ( متحيرا بعض الشيء ) تانى ؟ وليه ؟

جاءك : يعنى اذا كان حد بيعت لك فلوس بالطريقة دى ، ليه بيعت طرد واحد بس ؟ جايز بيعت لك طرد كل أسبوع ؟

ريتشارد : ( يحمر وجهه ) أوه ، وايه كمان ؟

جاءك : لا ، أنا بتكلم جد .

ريتشارد : ( بتقطيعة قلق ) جاءك انت مش حتجيب سيرة لحد .. أى حد .. مش كده ؟

جاءك : ( مسرورا ) يا عزيزى ريتشارد .. تأكد انى حانسى كل حاجة بعد دقيقة واحدة ، وبالطبع ، لا ، مش ممكن أقول أى حاجة ، أنا مش عاوز ابوظ لك الحكاية .

ريتشارد : قصدى ولا مجرد كلمة أو اشارة فى النادي أو ...

**جاءك :** أو لما أشرب لي كأس أو كأسين مش كده ؟ لا يا ريتشارد  
مش حقول أي حاجة أوعدك ..

**ريتشارد :** اشكرك ..

**جاءك :** ( يجلس في استرخاء ) الفلوس حاجة غريبة ، مش كده  
يا ريتشارد والا إيه ؟

**ريتشارد :** ( كما الصبي الصغير ) مش عارف ، عمرى ما كان  
عندى فلوس كتير ..

**جاءك :** لا : الشيء والرمز ! حنة ورقة عليها شوية حبر ، والحبر  
والورقة مع بعض مايساويوش تعريفة ، أو أقل من  
تعريفة ، ومع كده لو ماكانتش مع الواحد ، الواحد ده  
مايساويش تعريفة .. الدنيا تقفل فى وشه ..

**ريتشارد :** ممكن نرجع تانى لنظام المقايضة ..

**جاءك :** إيوه ، متهيالى ممكن ، عندك اللوحة .. حنة كانفاه  
وشوية ألوان ، وشوف تساوى قد إيه ؟ أربعة دولار  
خمسة ؟ بس حط انت عليها ثمن ، أو خلينى أحط لك  
عليها ثمن . وشوف بعد كده حتتباع بكام ، تصور ان  
لوحة لبيكاسو بتتباع بنص مليون ، يمكن تكون لوحة  
كويصة وتستاهل .. جايز ، لكن العبرة بالثمن ، بالفلوس ،  
تفتكر البقرة تساوى كام ؟

**ريتشارد :** مش عارف ، يمكن ٢٠٠ دولار ؟

**جاءك :** يجوز ، وعلى كده تبقى لوحة بيكاسو بتمن ٢٥٠٠ بقرة ،  
شوف كل اللبن ده ؟ تفتكر كام جالون لبن بيتأخذ من  
البقرة فى اليوم ؟

ريتشارد : كام ؟ ١٥ ؟

جاك : ( بعض الدهشة ) باقول جالون ! جالون !

ريتشارد : لا اقصد كيلو ليتر ، متهياى انى قرىت حاجة زى كده ..

جاك : او .. كى ( يحسب فى ذهنه ) يبقى ١٥ x ٢٥٠٠  
يساوى ..

ريتشارد : مانتاش عاوز لك ورقة وقلم ؟

جاك : ( وهو يحسب يشير اليه بالرفض ) نحسب ٣٦٠ يوم فى السنة بس ، وندى البقر اجازات يبقى ٣٧٥ x ٣٦ وشيل كل الأصفار دلوقت ، يبقى .. ياخبر ١٣ر٥ مليون لتر لبن فى السنة !

ريتشارد : انت بتهزر ..

جاك : ابدأ ما باهزرش ولا حاجة ، ١٣ر٥ مليون لتر فى السنة الواحدة .

ريتشارد : شىء مش معقول .

جاك : صحيح ، ومش صحيح ليه ؟ طب تمن لتر اللبن فى الجملة بكام ؟

ريتشارد : عشرة سنت . .

جاك : لا ، أقل شوية ، عشان بينضاف عليه تكاليف كثير لغاية مايوصل لنا ، قول ٥ سنت ١٣٥ x ٢٠ دى بقى حاجة أغرب .. تصور اللبن لوحده يقف بـ ٧٠ر٠٠٠ دولار فى السنة .

ريتشارد : انت عايز توصل لايه بالضبط ؟

جاء : عاوز أسألك تختار مين بيكاسو ولا البقر ؟

ريتشارد : ( يفكر ، يهز رأسه ، بغير تصنع ) مش عارف ،  
تاخذ كاس تانى ؟

جاء : ( يشرب كاسه ، ويهز رأسه تلقائيا ) لا ، لازم أروح  
النمادى ، الراجل العجوز بيستنانى ، وزمانه قلقان  
دلوقت .

ريتشارد : آه ، أو .. كى ..

جاء : ( الاثنان ينهضان ، ثم يتوقفان ) دلوقت هو ده المهم ،  
الراجل العجوز ، تعرف عنده كام سنة ، ٨٧ سنة ..  
بالمناسبة الراجل ده يعبد الفلوس عبادة ، مش الفلوس  
كرمز ، لا كشيء فى ذاته .. اراهن ان عنده ٦٠ مليون ،  
لكن الفلوس بالنسبة له شيء فى ذاته ، لا بيكاسو  
ولا البقر . ولا اى شيء تانى ، الورق يعنى الورق ، الفلوس  
كفلوس .

ريتشارد ( وقفة وبشيء من الاعتذار ) على كل حال .. انت  
عارف .. ان الفلوس هى الفلوس

جاء : ( معتبرا بركة ) عارف ده كويس ..

ريتشارد : ( بتاكيد هادى ) اهي حتدفع لنا أجرة البيت ،  
وتصرف على تعليم روجر ، وتخلى جينى سعيدة .. كل  
شوية والثانية ..

جاء : عارف .. عارف ..

ويتشارد : ( يشير إلى النقود فوق المكتب ) عشان كده ، لما حاجة زى

دى تحصل ، يبقى لها معنى .

جاك : أنا ماكنتش بتتريق عليك ولا باهزر معاك ..

ويتشارد : ماتقولش لجينى ، يمكن أجيب لها بيت ازاز تربى فيه الزهور ، بيت صغير .

جاك : أنا قلت لك مش حقول أى كلمة عن أى حاجة ، الفلوس ؟

ايه هى الفلوس ؟ لازم أمشى دلوقت ( يبدأ فى الخروج ) أول مرة أفكر انى عمرى ماخرجت من باب بيتكم القدمانى ، مش كده ولا ايه ؟

ويتشارد : الباب القدمانى .

جاك : ايوه ..

ويتشارد : ( لم يفكر فى هذا الباب من قبل ) آه ، صحيح ، متهيألى كده .

جاك : جعلها فى يوم من الايام .

ويتشارد : جاك ( يقف جاك بين الداخل والخارج ) ، لا ، مافيش حاجة .

جاك : ( عندما يتعد ويتشارد ، ثم للجمهور ) عنده حق ، وانا ماكنتش بتتريق عليه .. الفلوس .. هى .. الفلوس ..

مش كده والا ايه ؟ ( يخرج )

جينى : ( تدخل قافزه ) انتم هنا انتم الاثنين ؟ أوه ، هو جاك خرج ؟

ويتشارد : آه .. آه

جينى : ( لاهثة النفس ) شيك وبيريل حيحوا ، كانوا خارجين يقعدوا

فى مكان ، ولقيت سينثيا وبيرى ، أو بالضبط لقيت سينثيا حيخلصوا حاجه وحيجوا هم كمان ، ودلوقت باتصل بجيل ولوسى ، بس تليفونهم مشغول على طول ، لكن حرج له تانى وأخلص من الاتصال بيهم .

ريتشارد : أو .. كى ، ما انتيش عاوزه دلوقت كاس كونياك ؟  
جينى : لا ، مش دلوقت ، لما أرجع ( وهى خارجة مرة ثانية )  
المفروض ان روجر حيوصل دلوقت ، حيجى فى تاكسى من المحطة .

ريتشارد : فى تاكسى ؟  
جينى : ( تتوقف عن الذهاب مؤقتا ) أيوه .. تاكسى ( تشير الى النقود ) تفتكر مانقدرش ندفع أجرة تاكسى ؟  
ريتشارد : ( يستسلم يضحك فى غير ارتياح ) آه ، أيوه ! متهيل

نقدر ..

( تخرج جينى ، ريتشارد ينظر الى النقود ، يساويها يبحث فى جيبه عن سيجارة لا يجد شيئا ، ينظر حوله بحثا عن سيجارة ، يجد علبة سجائر فارغة ، يبحث عن علبة أخرى .. نصف مناديا ) جينى وديتى السجائر فى ؟ ولا أقولك ، أنا حدور عليها . ( يدها على شفثيه ليضع لحظات ، مفكرا ، لا يدري الى أين يذهب ؟ ربما الى مائدة جانبية ، ويفتح أحد الأدراج ، ينظر ، ويفتش ، وفجأة يتوقف متجمدا ، يضع يديه على شئ ، يخرج بهبط أنها رزمة نقود ، ينظر اليها ، وينظر الى كوم النقود فوق المائدة ، ينظر ثانية الى النقود التى فى يده ، يضع الرزمة الجديدة على كرسى أو على الكنبه أيهما أقرب ، وينظر حواليه فى الغرفة ، يرى سلة الحياطة الخاصة

بجيني ، يفكر ، ثم يذهب اليها ، يتردد لحظة ، ثم يفتحها ،  
يفتش فيها ، يخرج منها أيضا رزمة من النقود ، ينظر اليها  
بحدة وفضول ثم يأخذها ويضعها حيث وضع الرزمة الأخيرة ،  
يرى صندوقا فوق المفرش ، يذهب اليه ويفتحه ، فيخرج  
منه بقبضة يده مملوءة بالنقود ، يدع النقود تتساقط حوله  
كانها قصاقيص الورق الملون )

جيني : (تدخل عائدة) خلاص اتصلت بيهم ، جيلبرت ولوسى هيجوا  
هم كمان ، ويبقى العدد كامل ( تتوقف ترى ما وجده هو )  
اتصلت بكل واحد ..

ريتشارد : ( بنوع من ضباب الرؤية ) جيني ، بصى شوفى ، يطلع  
ايه ده ؟

جيني : فلوس ياريتشارد ..

ريتشارد : لكن .. الفلوس دى .. الفلوس دى بتاعتك ؟

جيني : مافيش وقت عشان أقولك كل حاجة ، أنا ..

ريتشارد : لا ، فيه وقت ، وانت لازم تقولى لى كل حاجة ..

جيني : فيه حاجات كتير لازم أعملها قبل ..

ريتشارد : استنى ! (مشيرا الى النقود فوق المائدة) انتى الى بمتى  
لى الطرد ده ؟

جيني : بصراحة ، أيوه ؟ وكان لازم أعمل كده ، كان معايا فلوس  
كتير ومالاقيتش طريقة غير دى عشان ..

ريتشارد : انت .. انت لعبتى قمار ؟

جيني : (تقفز لدى سماعها هذه الكلمة) أيوه ..



ریتشارد : فین ؟ وعلی ایه ؟ ومع منین ؟  
 جینی : الراجل ۰۰ الراجل ده الی اسمہ ۰۰  
 ریتشارد : اسمہ ایه ؟  
 جینی : ویهمك اسمہ لیہ ، اذا كنت عماله اكسب ؟  
 ریتشارد : اسمہ ایه ؟  
 جینی : دیزریو ۰۰  
 ریتشارد : كدابه ۰۰  
 جینی : ماتكلمنیش بالطریقه دی ۰۰  
 ریتشارد : كدابه والا مش كدابه ؟  
 جینی : حاجہ ، زی كده  
 ریتشارد : یعنی كدابه ۰۰  
 جینی : (نهز كنفیها) آیوه ۰۰  
 ریتشارد : الفلوس الی هنا قد ایه ؟ آلاف ! جبتیها منین ؟  
 جینی : (مدافعه) ماسرقتهاش ۰۰  
 ریتشارد : ( بقسوة ) جبتیها منین ؟  
 جینی : كسبتھا ۰۰  
 ریتشارد : اشتغلتی ، لقیتی شغل !  
 جینی : حاجہ زی كده ۰۰  
 ریتشارد : أنا قلت لك مش عایزك تشتغلی ، ومش معقول كمان

تكونى جيتى الفلوس دى كلها من شغلك ، دى فلوس كتير،  
ده فى هنا آلاف الدولارات ٠٠ و ٠٠

جيني : بقى لى ستة أشهر باشتغل ٠٠

ريتشارد : (يضحك فى أسى وبنوع من الهستيريه) لا ، شـوفى  
يا حبيبتي ، شوفى ، انت لازم تقولى لى بصراحه ، فيه ٠٠  
فيه حد سابلك الفلوس دى ؟ فيه حد مات لك وماقولتليش ؟

جيني : ماحدش مات ولا حاجه ، الفلوس دى انا كسبتها ( وقفة  
قصيرة) من شغلى بعد الظهر ٠٠

ريتشارد : شوفى يا حبيبته قلبى ، حتى لو اشتغلتى طول الوقت ،  
مش ممكن تكسبى كل الفلوس دى ، يله بقى ، دلوقت لازم  
تقولى لى ٠٠

جيني : (بعزى واضطراب) صحيح ؟ يعنى لازم ؟ متهيألى ان خدمه  
٤ أيام فى الاسبوع وأحياناً أكثر ، صرفت مبلغ بسيط على  
الملابس ، وماكانش عندى وقت عشان أصرف الباقي ، و ٠٠

ريتشارد : (يجز على أسنانه) جيتى الفلوس دى مين ؟

جيني : (تتهدد ، وبمهارة) أنا باخد ٢٠٠ دولار بعد الظهر  
البيت مش ممكن تكون هى كل حاجه انفع لها ٠٠

ريتشارد : ماحدش يدفع المبلغ الكبير ده ، خصوصاً وانت  
ماعندكيش خبره .

جيني : الشغله دى مش عاوزه خبره ٠٠

ريتشارد : (مندهشاً ، وغاضباً لغموض الامر) آمال تبقى عاوزه ايه؟

جيني : فين كاس الكونياك بتاعى ؟ انت مش وعدتني بكاس متلج ؟  
كاس مخصوص ؟

ريتشارد : (يمسك ذراعها) دلوقت لازم تقولى لى !  
 جينى : اوه ، سبنى دلوقت .. سبنى !  
 (تركها ، تمسك بذراعها بينما يحلق كل منهما فى الآخر ،  
 وكالمفلوب على امره )  
 مافيش حاجة تستاهل انى أقولك عليها ..  
 ريتشارد : يا ربى ! حتقولى لى والا أولع فى الفلوس دى ، والله أولع  
 فيها فى وسط الجينية  
 جينى : ( تستعطفه ) ماتبقاش مجنون ! دى فلوس ..  
 ريتشارد : عاوز أعرف الفلوس دى جت منين ..  
 جينى : ( ترتفع صوتها هى الأخرى ) جت من الشغل ..  
 ريتشارد : اى نوع من الشغل ؟  
 جينى : (مطاردة) ..... مضيضة ..  
 ريتشارد : مضيضة بالفلوس دى كلها ؟ (يتنهد بصراخ)  
 جينى : أصله مكان غالى جدا ..  
 ريتشارد : يطلع ايه نوعه المكان ده ؟  
 جينى : يطلع .. عيادة دكتور ..  
 ريتشارد : انت فاكراى حصدك .. أصدق انك تقعدى فى عيادة  
 دكتور ورا مكتب ساعتين بعد الظهر وتأخذى فى اليوم ٢٠٠  
 دولار ؟ انت لازم فاكراى مجنون ؟  
 جينى : أصلها عيادة خاصة جدا ، وغالية كمان جدا ..  
 ريتشارد : ( ضائقا كثيرا ومستاء بعض الشيء ) عيادة .. عيادة ايه  
 دى .. عيادة اجهاض أو حاجة بالشكل ده ؟

جینی : یاساتر ، انت مقرف ..

ریتشارد : لیه لا ؟ قریت فی الجورنال عن واحد اکتشف ان مراته  
بتشتغل عند اخصائی اجهاض .. کانت بتجیب زباین  
للدکتور ..

جینی : بقولک انت مقرف ..

ریتشارد : طیب ، أنا آسف ، لکن اذا کنت عاوزه تخلی الحکایة  
سر ، تفتکری لازم أفکر ازای ؟ هیه ؟

جینی : (محاضرة وثائرة) فکر زی مانت عایز تفکر (حادثة وقاطعة)  
یعنی مانتاش عایز الفلوس دی ؟

ریتشارد : (الاثنان ثائران الآن) الفلوس مالهاش دعوة بالمسألة دی .  
جینی : أوه ، لا لیها ، انت فاکرنی باشتغل عشان خاطر سواد  
عیون الشغل ؟

ریتشارد : طب بتشتغلی ایه ؟ قاعدة علی مکتب ؟

جینی : آیوه ، قاعدة علی مکتب .

ریتشارد : ایه هوه اسم المكان ده ؟

جینی : ( تتجدها ) مالوش اسم ، لیه نمره بس .

ریتشارد : طیب ، زی بعضه .. نمرته ایه ؟

جینی : نمرته سرية ..

ریتشارد : لکن ، أنا جوزک ..

جینی : وأنا کمان مراتک ! انت بتقولی علی کل حاجة ؟

ریتشارد : أنا لازم أعرف الحقيقة ..

جینی : تفتکر انت بتکلمنی عن شغلك أد ایه ؟

ريتشارد : عشان شغل سخيف .

جيني : وانا كمان شغلي سخيف ..

ريتشارد : الفلوس مش كده ، الفلوس مش شغل سخيف ،

رحمتك يارب ( باحتقار ) تقعدى على مكتب فى عيادة دكتور ..

زى ماتكونى فى بيت دعاره ، بيت دعاره من النوع الفاخر

جيني : أنا مابحش الكلمة دى .

ريتشارد : بيت دعاره ، أمال يبقى ايه ، ان ماكنش بيت دعاره !

(تسود فترة صمت ، تنظر جيني مطلة على الحديقة ، يبدأ

ريتشارد فى ادراك الهدف)

لأ مش على ، تعالى هنا ، قولى لى على الحقيقة ؟

جيني : (تنظر بعيدا ، وبنوع من القلق والحزن) أهو مكان والسلام

.. مكان بيدفعوا لى فيه أجر ..

ريتشارد : ( يمسك بذراعها مرة أخرى ) ياساتر يارب ، ويدفعوا لى

أجر ليه ؟

جيني : بيدفعوا لى أنا (فترة صمت طويلة ، وبضيق) انت عاوز

الفلوس والا ما انتاش عاوز فلوس ؟

ريتشارد : (يترك ذراعها ، يرجع الى الخلف قليلا ، يهز رأسه ،

يتكلم بصعوبة ، يكاد يضحك دليلا على عدم التصديق )

أنا .. أنا مش قادر .. مش قادر أصدق .

جيني : (بخفة تامة) خلاص ، بلاش تصدق ..

ريتشارد : (يرجع الى الخلف قليلا وبنفس الاضطراب) أنا ، أنا

مش قادر ، مش قادر أصدق

جینی : ( تنجہ نحوہ ، وبابتسامة حلوة ) یا جیبی ، الشغلة دی  
حتعمل لنا مستوى کبیر ۰۰ کبیر جدا ۰

ریتشارد : ( یضحک علی المفارقة دون سعادة ) أوہ ، یاسبحان الله ،  
صحیح ۰۰ !؟

جینی : ( لاتزال سعيدة ، ولكنها مشغولة ) کل الحاجات الی احنا  
كان نفسنا نعملها من سنين ۰۰

ریتشارد : احنا !

جینی : دلوقت نقدر نجیب عربیة ، ونقدر ۰۰

ریتشارد : مافیش ۰۰ وأنا ماقدرش أصدق !

جینی : مافیش ایه ؟

ریتشارد : مافیش مکان فی الجراج ( غیر مصلق ) ازای تقدری تعملي  
حاجة زی کده ؟

( لحظة صمت ) تعالی هنا ۰۰ الكلام ده صحیح ؟ ( جینی تومیء  
موافقة ببطء ) لا ۰۰ صحیح ؟ صحیح ؟

جینی : ( باصرار وبصبر نافذ ) ده عشاننا احنا ، عشان کل حاجة  
احنا عاوزینها !

ریتشارد : ( من بین أسنان مضمومه وبغضب هادی ، يجعل الكلام  
یتسرب من تحت أسنانه )

بقی انتی تبقی مراتی ، وتبقى أم روجر ، وتطلعی فی الآخر  
مومس ! مومس رسمی !

جینی : الكلمة دی فظیعة ۰

ریتشارد : آمال ایه هی الكلمة الی مش فظیعة ۰۰

**جيني :** مش أنا الست الوحيدة ، انت عارف انه مش أنا الست الوحيدة الى ..

**ريتشارد :** لكن انت الست الوحيدة الى تبقى مراتي ..

**جيني :** (بتفكير حزين) بس دي ماتفرقش كثير ، و ...

**ريتشارد :** بقي ماتفرقش ؟ (يتقدم نحوها ويصفعها بقوة على وجهها ) ماتفرقش ؟

وبتاخدي كام اجر على كده ؟ (تكتفي بمجرد التحديق فيه ، ثابتة ولكن تكاد تكون باكية ، يصفعها ثانية بنفس القسوة )  
باقول بتاخذى كام اجر على كده ؟

**جيني :** (لأنقول شيئاً ، سوى صيحة انين وهي ترد له الصفعه بنفس القوة التي صفعها بها )

**ريتشارد :** (بارداً بعد لحظة صمت) اخرجى بره ، خدى هدموك وامشى اخرجى بره ..

**جيني :** (بنفس البرود) أروح فين ؟

**ريتشارد :** أى مكان ، والا أنا الى خارج ، لكن لأ ، ليه أنا الى أخرج ، ده بيتى ، وانا الى بدفع أجرته ، أنا الى حسنتى هنا !

**جيني :** (بلون انفعال) ماقدرش أخرج .. بالطريقة دي ..

**ريتشارد :** أنا قلت امشى اخرجى بره ..

**جيني :** فيه هنا حاجات كثير بتاعتى ..

**ريتشارد :** خديها .. خديها !

**جيني :** (من تحت أسنانها) قصدك آخذ كل حاجة معايا دلوقت، و.

**ريتشارد :** حابعتها وراكى ! لكن .. لازم تخرجى دلوقت ..

جینی : لا ، لا ، أنت مش حتبعت حاجة ، أنا عارفك ، انست  
ماتقدرش تعمل حاجة زى كده ، أنا الى أقدر أرتب كل  
حاجة ، و ...

ريتشارد : حقيرة ..

جینی : أيوه .. صحيح ! فاكرك لما عميتك الى مش عارفه اسمها ايه  
طلبت حاجتها ، قلت لها انك حتبعتها فى عربية ، ومرت  
أسابيع وأسابيع ولا بعث لها أى حاجة .

ريتشارد : (بغضب هادى) خدى كل حاجتك ، واخرجى من البيت  
ده !

جینی : (وقد أرمقها الموقف كله) أوه ، ماتبقاش سخييف أمل ..

ريتشارد : (بغضب وعدم تصديق) ما أبقاش ايه ؟

جینی : ماتبقاش سخييف .. وبله ادينى سيجاره ..

ريتشارد : مومس .. فاجره ..

جینی : أنا مش فاجره ، قلت لك أنا مش فاجره ، وان ده كله  
عشان الفلوس ! الفلوس الى انت ماقدرتش تجيبها ، الفلوس  
الى احنا محتاجين لها ، انت فاكرك اننى باستمتع بالحكاية دى؟

ريتشارد : فاكرك .. أنا .. أنا .. أنا .. أنا مش فاكرك حاجة !  
أنا مش قادر أفكر أى حاجة ! اذا فكرت حتجنن ! الرجاله  
بيقتلوا ستاتهم عشان الحكاية دى !

جینی : (تضحك بطريقة بلهاء) أوه ، يا حبيبى ..

ريتشارد : (يشعر بأنه مثار تهكم وسخرية) انت فاكرك انهم



ما يقتلوش ستاتهم عشان الحكاية دي ؟ ( يتجه نحوها بنيه  
حقيقية) اقري الجرايد وانت تعرفي ، ياربى ٠٠ اقري بكره  
الجرايد وانت تشوفى ٠٠

( يوقفهما صوت الباب الامامى ، يدخل روجر من ممر الصالة )

روجر : هيبى ! جيت فى تاكسى ! مافيش معاكم فلوس ؟

جينى : ( كما لو كانت قد نسيت كل شىء عنه وبأسف ) روجر ٠٠

روجر : سواق التاكسى بيقول انه عايز خمسة دولار فوق العداد ،  
عشان المشوار كان طويل ٠٠

ريتشارد : ( يتجه بغضبه نحو السائق ) اوه ، بقى كده ؟ بيقول  
كده ؟ طيب أنا رايع له ابن الملعونة ده ( يخرج ريتشارد  
مندفعا آخذا روجر فى طريقه )

روجر : ( ينظر الى ريتشارد وهو خارج ، يضطرب ثم يعود الى جينى  
فى حب حقيقى )  
ايه ٠٠ يا ماما .

جينى : ( مضطربة ، لكنها تخفى ذلك الاضطراب ) يا حبيبى !  
انت جيت بدرى ٠٠ بدرى خالص !  
روجر : ( كهن يقرر حقيقة ) القطر وصل فى ميعادة ٠٠

جينى : ( مضطربة بعض الشيء ) اوه صحيح ؟ تبقى ساعتنا بقى  
هى اللى مآخرة .

روجر : لازم كده ( يتجه الى احد الكراسى ، يجلس فوقه ، ينظر  
الى الخارج مطلا على النافذة عبر السور ) ازاي حال  
التنس ؟

جینی : تنس ایہ ؟

روجر : ( مشیراً باصبہ ) التنس الی فی النادی ..  
( تنہای اصوات غاضبہ عبر الباب الامامی )

جینی : ( وہی تنظر الی الخارج فی خوف ) او ، أنا .. أنا مش  
واخده بالی .

روجر : بابا کان بیلعب فی النادی مش کده ؟ علی اللہ سواق  
التاکسی ما یقتلوش ؟

جینی : ( تنادی بقلق ) ریتشارد ؟ ( مخاطبہ روجر ) انزل من  
علی الكرسي قبل بابا مایشوفک قاعد کده .

روجر : او .. کی ( یقفز الی الأرض ، فیری النقود ) اوہ ..  
فلوس دی والا ایہ ؟

جینی : ( مشغولة ، ومدافعة ) آیوہ فلوس .. سیبہا دلوقت  
زی ماہی ..

روجر : یاه کسبتہا من السبق ؟

جینی : المهم ، ماتشفلش نفسك بالحکایة دی دلوقت ..

روجر : اقدر آخذ رزمة . ؟

جینی ( بفضب مفاجيء ) لا ! سیب کل حاجة دلوقت ..

روجر : ( مجروحاً بعض الشيء ) أنا متأسف ( بتهکم غلیظ )  
ماما ، انت فاکرانی مبسوط عشان جیت البيت .

جینی : ( مدافعة ) اوہ ، یاروجر ، یاحبیبی ، أنا ..

( يظهر ريتشارد مضطرب المظهر )

ريتشارد : ( بفخر وانتقام ) ضربته .

روجر : ( بخجل ) ايوه كده ، يا بابا ..

ريتشارد : ( مخاطبا جيني ، حيث انها السبب ) ضربته ابن الفاجرة ..

جيني : ( بتأنيب خفيف ) انت سلمت على ابنك وقتلت له اهلا والا لا ؟

ريتشارد : يعنى ؟

روجر : ( بخجل وسرور ) اهلا .

ريتشارد : ( يكاد يرى روجر لأول مرة بحزن وكبرياء ) اهلا .  
( يعود الى جيني بغضب هادئ وسرور ) ضربته ابن الفاجرة ..

جيني : ( يائسة ياسا هادئا ) ليه ؟

ريتشارد : ليه ؟ كان عايز ٩ دولار . ابن الحرام كان عايز ثمن المعداد وعليه ٥ دولار زيادة .. قال ايه عشان ..

جيني : لكن ده مش سبب عشان تضربه .

ريتشارد : امال كان لازم أضرب مين ؟ ( بصوت اقل ارتفاعا ولكن ليس اقل نرفزة ) كان لازم أضرب مين ؟

روجر : ( لكى يملأ فراغ الصمت ) ايه اخبار التنس يا بابا ؟

ريتشارد : ( مخاطبا روجر ) ايه ؟

روجر : ( خائفا ) التنس ؛ باقول ايه اخباره ؟

ريتشارد : ( متضايقاً ) انا ما .. انا .. انا .. مألعتش تنس ..  
 روجر : آه ، طيب ..  
 جيني : تعرف انه يقدر يرفع علينا قضية ..  
 ريتشارد : ( بضيق واضطراب ) انا بس ضربته على كتافه ،  
 واحنا .. احنا الاثنين مسكنا فى بعض شويه ..  
 جيني : ( لحظة صمت ، بخيبة أمل وارتياح ) آه ..  
 ريتشارد : ( ابتسامة ساخرة ) مش ده الى انا كنت عايزه .  
 ( يصعد روجر على الكرسي مرة ثانية )  
 روجر : هوه ؛ كورة المضرب ! جت فى محاشمه تمام ..  
 ريتشارد : جت ! فين ؟  
 جيني : روجر ، ما تستخدمش كلمات بالشكل ده .  
 ريتشارد : ( بتهكم ) أوه ؛ رحمتك يارب .  
 روجر : الكوره جت على طول ، وخبطته فى .. حاقول ايه يعنى ؟  
 ايه الكلمة الى حسستعملها ؟  
 ريتشارد : ما تسألش مامتك .. دى أصلها رقيقة قوى ( يترك  
 أين يقف روجر ) تسمح تنزل من على العفش الملعون ده .  
 ( روجر ينزل بالفعل )  
 روجر : ( راضخا وغير سعيد ) متأسف .  
 ريتشارد : انت فاكرنا غرقانين فى الفلوس والا ايه ؟  
 روجر : ( مدافعا عن نفسه ومشيراً الى الفلوس فى كل مكان )  
 انا شايف كده ..  
 ( ينتج عن هذه الجملة صمت مشحون بالاضطراب )

ريتشارد : ( يقصد تغيير موضوع الحديث ) الترم الأول فى المدرسة :  
كان كويس ؟

روجر : كويس .

ريتشارد : المتوسط بتاعك كام ؟ وايه النتيجة الأخيرة ؟

روجر : ٦٠٪ .

ريتشارد : وابتديت الترم بكام ؟

روجر : ٦٠٪ .

ريتشارد : ( بهراوة ) لازم تشد حيلك ، بالشكل ده حتتعب ؛  
ومش حتقدر تدخل كلية كويسة .

جينى : خليك لطيف . ( ريتشارد يفتح فمه ، لكنه لا يقول شيئاً )  
اضبط الساعة .

ريتشارد : الساعة مضبوطة .

روجر : ساعتكم متأخرة تلت ساعة .

ريتشارد : ( بغضب ) خلاص ، اضبطها انت !

جينى : ريتشارد !

ريتشارد : اخرسى !

( يتجه روجر الى ساعة الحائط وينزل بها )

روجر : أعمل فيها ايه ؟

ريتشارد : حرك العقرب ؛ حرك العقرب الملعون ده .

جينى : ريتشارد ، اذا ما كنتش قادر .

ريتشارد : ( من تحت اسنانه المزمومة ) قلت لك اخرسى ! ( مخاطباً

روجر ) لا ! مش قوى كده ! كده كثير . . . ماترجعوش . . .

( بقرق ؛ ياخذ الساعة بعنف من روجر ) أوه ، ادينى  
الساعة الملعونة دى ؛ اوعى ترجمها لورا أبدا ، اوعى ترجع  
الساعة لورا أبدا ..

روجر : ( بقلق واضطراب ) انا متأسف ؛ أنا ..  
جينى : روجر يا حبيبى ، انت ليه ما بتطلعش شنطتك فوق ،  
و ...

ريتشارد : ( مركزا انتباهه على الساعة أكثر من اللازم ، مخاطبا  
نفسه وروجر ) أوعى عمرك ترجع الساعة لورا أبدا ؛  
أوعى ..

جينى : باقول ما بتطلعش شنطتك فوق ليه ؟  
روجر : أو .. كى .. لكن ما دام عندكم الفلوس دى كلها  
ما تشترولكم ساعة جديدة بقى .  
ريتشارد : طيب خلاص !

جينى : اطلع فضى شنطتك ، وبعدين تبقى تنزل عشان  
تساعدنا .

روجر : عاوزانى اطلع فوق ؛ والا تفضلى انى أرجع تانى المدرسة ؟  
ريتشارد : اطلع فوق !

روجر : ( بضيق ) يا ساتر يا رب .  
ريتشارد : وما تتكلمش بالشكل ده .

روجر : ( يقف فى مواجهته ) وليه لا ؛ اذا كنت انت الى بتتكلم  
بالشكل ده ( يخرج )

( تسود فترة صمت قصيرة يلقى ريتشارد بالساعة على  
الأرض ) .

جینی : ( بهنوہ واستیاء ) کدہ کوئس .  
دیتشارد : ( ٹائرا یضرب صدرہ باصابعہ ) ایوہ کوئس ؛ مش  
کوئس لیہ .. علی الأقل کوئس عشائی !  
جینی : ( تغمض عینہا لحظۃ ثم بانشفال ) کنت افضل انک تکتب  
کشف بکل الی احنا عاوزینہ .. ایہ المشروبات الی حنحتاج  
لہا ..

دیتشارد : ( یحلق فیہا بہنوہ ) فاجرہ .  
جینی : ( تتجاهل الکلمۃ ) عاوزین شمبانیا ، ولو ان فیہ ناس  
ما بتحبہاش ، وعاوزین ..

دیتشارد : ( بنفس اللہجۃ ) فاجرہ !  
جینی : وأحسن لك تبطل .. واذا كنا حنحتاج کافیار طازہ ،  
وأظن اننا حنحتاج ؛ یبقی الأفضل انک تروح عند محل  
بلوستین وتشتري منه ..

دیتشارد : ( بنفس اللہجۃ ) فاجرہ ، وداعرہ ، وحقیہرہ ..  
جینی : ( بغضب ہادی ) اهدی ؛ وماتنساش ان روجر فی  
البيت !

دیتشارد : ( باعلی صوته ) البيت ده فیہ واحدة فاجرہ وداعرہ  
وحقیہرہ ..

جینی : ( وقفة قصيرة ؛ ثم تستأنف بہنوہ ) دلوقت تقدر تعمل  
الکشف ؛ عشان حیبقوا هنا فی ظرف ساعة ..

دیتشارد : ( یضحک فی غیر تصدیق ) حفلة ! احنا رایعین نعمل  
حفلة !

جيني : ( بتهيد ) ايوه ، رايجين نعمل حفلة !  
ريتشارد : ( تبسو الدموع في عينيه أخيرا ، دموع الغضب والياس ،  
وذلك هو ما نلاحظه من خلال ارتعاشة الصوت ) ايه ، ايه  
الى رايجين نعمله ؟ نعمل اعلان ؟ نقول للجيران ؟ نقولهم  
عشان يقولوا لاصحابهم ؟ يقولوا لبعض على الحكاية ؟ هيه ؟

جيني : بقول اعمل الكشف احسن لك ..  
ريتشارد هيه ؟ هو ده الى مفروض اننا نعمله ؟ هو ده ؟  
يا فاجره !

( الدموع الآن اقرب الى عينيه )

جيني : تقدر تطلب المشروبات بالتليفون ؛ بس لازم نعرف دلوقت  
ايه الى احنا عاوزينه ..

ريتشارد : ( الدموع اكثر اقترابا ) والا على ايه ؟ ما يمكن يكونوا  
عارفين ؛ يمكن .. يمكن شيك ويرى وجيل يكونوا ..  
يكونوا عارفين من زمان !

جيني : الكشف ..

ريتشارد : ال .. ال .. الكشف مش كده ؟ وهو .. وهو ..  
كذلك .. احنا عاوزين ...

( يبدأ في البكاء الآن ) فو .. فو .. فو .. فودكا ؛ و ..

جيني : نجيب فودكا روسي والا امريكانى ؟


ريتشارد : ( ينظر اليها راجيا ) وليه ما نجيش الاثنين ..

جيني : على رايك ليه ما نجيش الاثنين ..

ريتشارد : و ... و ... وويسكى اسكتلندى كمان ، و ..



وبربون ، و ٠٠ ( يبكى تماما الآن ) و ٠٠ جن ٠٠ و ٠٠ جن  
وجن و ٠٠ ( كلمة جن تستغرق وقتا طويلا ، كلمة طويلة  
مكررة ؛ تتخللها شهقات لالتقاط الأنفاس ومحاولة للسيطرة  
على الدموع ) ج ٠٠٠ ين و ٠٠ ( الكلمة الأخيرة طويلة جدا  
ينطقها مكسورة تصحبها صرخة كبيرة ) ج ٠٠ ين ٠٠  
( يسدل الستار ببطء طوال استمراره في نطق الكلمة )



## الفصل الثاني



( نفس المنظر ، بعد مضي ساعة ، يرى ريتشارد وحده فوق  
خضبة المسرح يجلس في مواجهة الجمهور ؛ وربما كان من المثير  
أكثر لو أنه واجه جمهور النظار مباشرة ، عينه في أعينهم ؛ ولكنه  
غائب عنهم لانشغاله بالتفكير في شيء آخر ، وليس ثمة داع لتقديم  
وجهة نظر ريتشارد ، لأن من شأن ذلك إعطاء بعض الناس احساسا  
بالاثارة ) .

\* \* \*

( تدخل جيني يتبعها روجر كلاهما محملا بالأكواب ..  
السخ ) ..

جيني : ( بسرور مريب ) انت بتعمل ايه ؟

ريتشارد : نعم ؟

جيني : بأقول انت بتعمل ايه ؟ روجر حط الكاسات دى فوق ؛  
وخذ بالك عشان ما تكسرش حاجة .

روجر : ( متبرما لهذا التحذير ) أو .. كى

جيني : ( تضع ما معها من حاجيات ) أنا بأسالك عن الى فكرت  
تعمله ، وعندنا ضيوف زمانهم جاينين بعد عشر دقائق و ..

ريتشارد : ( مكتئبا ولكن بهدوء ومهددا بالانفجار ) ايه الى مفروض  
انى اعمله ؟

روجر : ( يكسر كاسا من الكؤوس ) الله يلعنك !

جيني : أوه ؛ روجر .

ريتشارد : عندك حق ! كسر البيت كله ..

روجر : ده كاس واحد بس ، والله العظيم ؛ ده مجرد ..  
ريتشارد : واحنا كمان مش مجانين .. انت عارف الكاسات دى  
تساوى كام ؟

روجر : ( يستعيد نفسه ) لا معرفش ؛ تساوى كام ؟  
ريتشارد : ( مخاطبا جينى ) الكاسات دى تساوى كام ؟

جينى : آه ، أصلها جديدة ، وعشان كده ..  
ريتشارد : ( بنوع من العصبية ولكن بهراة ) بقى أصلها  
جديدة ؟

جينى : ( بهدوء ) أليه ، وكريستال كمان ؛ وأظن ان الكاسات  
دى .. آه .. الكاسات دى الواحد منها تمنه أربعة  
وخمسين ..

ريتشارد : ( بعد نظرة شاحبة الى جينى ، يتجه الى روجر هازا رأسه  
وساخرا ) أربعة وخمسين الواحد ، تبقى كسرت كاس تمنه  
غالى ؛ وعليك انك ..

روجر : ( يفتش فى جيوبه ) طيب ؛ مافيش مانع ، خد تمنه من  
معاى ..

ريتشارد : ( بضحكة غير سارة ) اديه لأمك .

جينى : ( تضحك وتطفى الموضوع ) ما تبقاش سخيف ؛ يا حبيبى ،  
لا يا روجر ، لا ..

روجر : ( يخرج يده من جيبه مرة ثانية ) أنا مستعد اعمل أى حاجة  
بس يكون فيه سلام فى البيت .  
ريتشارد : ما تبقاش فايق ورايق ..

جینی : ( مہذبہ الجو ومخاطبة روجر ) اطلع فوق يا حبيبي وغير  
مدومك ؛ الضيوف زمانهم جاين حالا ، وحبقي محتاجة لك  
علشان تساعدني .

روجر : أقدر البس كرافتة ؟

ريتشارد : ( غاضبا ) أيوه !

جینی : ( متخله جانب روجر باستهوار ) بالشكل ده انا خايفة  
يا حبيبي ، اطلع فوق بسرعة دلوقت .

ريتشارد : أيوه وتقدر تلبس كمان قميص وبنطلون وشراب ؛  
وجزمة ..

روجر : انا باسال على الكرافتة ؟

( يذهب روجر وهو يهز رأسه ) أووووه

ريتشارد : وماتفتحش الشباك وتقف تتفرج على التنس ، سامع ؟

روجر : ( يسلم بفتور ) أيوه يا سيدى ؛ سامع

( يخرج )

ريتشارد : وما تسلمش بالشكل ده ..

جینی : ( بعد وقفة قصيرة بهدوء وتعقل ) ده ماكانش كاس .

ريتشارد : ( يلتفت اليها ، بغضب عظيم ) ايه الى انت بتعملية ده ؟

بتشتري حاجات من وراي ؟ كريستالات ؟ وفضيات ؟  
وملابس ؟

جینی : دى حاجات بسيطة .

ريتشارد : ايه هي الى حاجات بسيطة .

جینی : ( تتنهد ) شوية ملابس ، الكاسات دى ، ملايات جديدة ؛  
انت ملاحظتش الحاجات دى والا ايه ؟

ريتشارد : ( لا يزال غاضبا ) ملاحظتش ايه ؟

جينى : ( بسعادة غامرة ) الملايات الجديدة ؟ أنا افكرت انك ..  
ريتشارد : لا ! ملاحظتش الملايات الجديدة ! وأقسم لك انى  
مش عاوز أنام عليها ، مش عاوز أنام حتى فى الأوضة الى  
بتنامى فيها !

جينى : ( هادئة ) طيب وحترح تنام فىن ؟

ريتشارد : بتقولى ايه ؟

جينى : باقول ! حترح تنام فىن ؟ فى أوضة روجر ؟ أصل مافيش  
مراتب فى أوضة الضيوف ..

ريتشارد : وليه لا ، أمال راحت فىن ؟

جينى : انت راميتها ! لما كنت عيان بالكبد ، وجت نمت عليها قلت  
دى فظيعة ، الى هى المراتب ، وبعد كده رميناها وتخلصنا  
منها .

ريتشارد : طيب : كويس ، وليه ماجبناش واحدة غيرها ؟

جينى : ( تهز كتفها وتشرع فى اعداد الأشياء ) أوه .. أظن  
الفلوس ! أو حاجة بالشكل ده ..

ريتشارد : آه : ومتهاىى اننا دلوقت نقدر نشترى غيرها فورا ؟

جينى : ( هادئة وبدقة ) مش شايفة داعى لده ، انت مش قلت لى  
اخرج بره .. ؟!

ريتشارد : ( توقفه حده العبارة برهة قصيرة ) آه صحيح ،  
وحترجى امتى ؟!

جينى : ( تتوقف عما تعمله ) دلوقت حالا : أيوه دلوقت حالا ..  
ريتشارد : لكن انت عاملة حفلة ، وفيه ناس زمانهم جاين !



جيني : ( متظاهرة بان ذلك مما يعقد الأمور ) أوه ، أيوه صحيح ،  
وعشان كده همشى بعد الحفلة ما تنتهى فوراً ؛ همشى فوراً  
بعد كل واحد ما يخرج ..

ريتشارد : عال .

جيني : ( وقد انكمشت تماماً ) والا ؛ استنى الأول لغاية ما انظف  
كل شيء ؟

ريتشارد : ( لا يكاد للحظة أن يفكر فى شيء وأخيراً ) تمشى ..

جيني : ما فيش داع لده دلوقت ..

ريتشارد : انا مش حقدر ارفع راسى قدام الناس دول ؛ مش حقدر  
ابص فى عين واحد منهم ، المفروض انى أصرخ ، أو أبكى ؛  
أو اعمل أى حاجة ..

جيني : حققدر ترفع راسك لفوق ، وحققدر تحط عينك فى عين  
شيك وبيرى وجيل ، يمكن لأول مرة .

ريتشارد : ليه ، عشان مراتى بقت فاجرة ؟!

جيني : ( بنوع من السخرية ) لا ؛ عشان لأول مرة مش حتبقي افقر  
منهم ، وبالشكل ده تقدر تتكلم معاهم ؛ تقدر تتكلم عن العربية  
الجديدة الى انت رايع تشتريها ؛ وعن الديون الى  
ما بنسدهاش للنادى عشان ما نخطلتش باللى أقل منا ؛  
وعن تفكيرك انت واننا فى اننا نقضى الشتا فى « انتيجوا » ،  
وكل الحاجات دى .

ريتشارد : ( بنوع من الازمئزاز ) انت ست ما عندكيش أخلاق ،  
وما فيش منك فائدة ..

جيني : مش بالضبط ، انا بتكلم عن الفلوس ، الحاجة الى تخلى  
زورنا فى زور بعض باستهزار ، الى تعمل لنا مستوى معين ،  
الى تخلى الراجل يساوى أو ما يساويش .

ريتشارد : طب ما فيه مستويات ثانية كثير !  
جيني : ده صحيح ؛ لكن مش فى الدائرة الى احنا بنتحرك فيها !  
مش فى الوسط بتاعنا ..

ريتشارد : وفيه انواع كثير من الفلوس !  
جيني : ايوه ؛ ثلاث انواع ! قليل قوى وكثير قوى ؛ ويا دوب  
يكفى !

ريتشارد : ساقطة ..

جيني : الفلوس الكثير قوى تخل أصحابها يسقطوا ؛ والفلوس  
القليلة قوى برضه تخليهم يسقطوا ، انما الفلوس الى تكفى  
هى الى ما تخليهم يسقطوا ابدأ ..

ريتشارد : ودى تبقى ازاي ! ازاي ..

جيني : أوه ، قلت لى تبقى ازاي ، ايه رأيك فى بيرى والأراضى الى  
هو بيعيها ؟ عشر آلاف فى الفدان الواحد الى ، أوه ؛ الى  
جنب السكة الحديد ؛ ومع كده ما يقولش للأغبيا الى  
بيشتروها ان مافيش ميه فى المنطقة دى ؟ وايه رأيك فى  
جيلبر ودار النشر الفخمة الى عاملها ؟ قد ايه بيتكلف الاعلان  
ولا حاجة !

ريتشارد : طيب ! طيب !

جيني : وانت .. انت فى معمل الابحاث بتاعك ؛ ايه لزمه الأوراق  
الحكومية دى كلها ؟ عمل قليل على كلام كثير ؟

ريتشارد : أنا قلت لك ايه ؟ قلت لك ما تتكلميش أى كلمة عن  
الأسرار الى باقولك عليها ..

جيني : انت مش قلت لى فى السر ؟ طيب ، وأنا كمان باقول فى  
السر ! انتم كلكم أوساخ ! كلكم قتلة وداعرين !

ريتشارد : ( يحنى رأسه بسرعة عدة مرات ) عيني يا عيني  
ع التمثيل !

جيني : معاك حق .. يا ملعون ..

ريتشارد : ( بسخرية هائلة ) برا .. فو !

جيني : على الأقل ! تقدر تتريق كمان .

ريتشارد : كان المفروض بنظرياتك دى عن الفلوس ، انك  
تنجوزى جاك !

جيني : ( متممة الى نفسها ) اوه ، اوه ، يمكن يكون كلامك  
مضبوط ..

ريتشارد : وعشان كده ، ما أعتقدش انه ممكن يلاقى واحدة  
فاجرة تنفع تكون زوجة احسن منك .

جيني : (بارتياح) ده صحيح ، لو أنا انجوزت جاك ماكنش حاجة  
من دى كلها حصلت .

ريتشارد : (يشرع فى التوجه نحوها فى الوقت الذى يعود روجر)  
ليه ، ليه ، انت ..

روجر : خلاص لبست هدومى ..

( تسودهما لحظة صمت ، خاصة وان نبرة روجر غلب  
عليها الفضول والرفض )

جيني : ( مفطية الموقف ) وفى الوقت المناسب ، كمان ! حبيتدوا  
بيجوا بين لحظة ولحظة ، اد ايه ببيان شكلك جميل ،  
وكمان كبير ..

روجر : انت ماشفتنيش بكرافطة قبل كده ! (مخاطبا ريتشارد)  
تكنش عاوز تضربها ؟

ريتشارد : خليك فى حالك وبس !

روجر : ( متحيرا بعض الشيء ) متيالى .. !

ريتشارد : انا الى متيالى انك ما استحمتش !

روجر : ماكانش عندي وقت عشان آخد حمام ، اذا كان ده قصدك ! لكن ليه اخلىنى فى حالى ؟ وليه ده مش شغلى ؟

ريتشارد : مش شغلك ، لانه مش شغلك ! ودلوقت ضوافرك نظيفة والا لا ؟

روجر : ( مخاطبا جينى بنفس الفضول الذى ينم عن الرفض )

هو صحيح عاوز يضربك ؟

( ينظر الى اظافره ) شوية !

جينى : ماتبقاش مجنون يا حبيبى ! ابوك مايضربش حد اكبر منه ، تعالى دلوقت وساعدنى فى توضيب الحاجات ! الكاسات اللى هناك دى ..

روجر : ( بنوع من التلمز ) الناس بتضرب بعض ، لما يكون فيه ناس تانيين بره الاوضة !

جينى : ( مستاءة تماما ) روجر !

ريتشارد : ( يصرخ ) مجرم صغير .

روجر : انا ماكنتش باشتكى ، انا كنت باقول حقيقة .

ريتشارد : خلى حقائقك لنفسك !

جينى : ماحدش بيضرب حد هنا .

ريتشارد : على أى حال ، مش تحت الحزام .

جينى : ( دون أن يكون ذلك امام روجر ) ريتشارد

ريتشارد : ( بهدوء ) آسف جدا ! آسف على كل شيء ! آسف  
على كل شيء !

روجر : ( جانبيا وهو يخاطب جيني ) ايه حكاية بابا ؟

جيني : ( ريتشارد يستطيع ان يسمعهم بالطبع ) اوه ، مافيش  
الحاجة ، اصل ، اصل الحفلات دايما تمكر مزاجه .

روجر : ( يتجه نحو ريتشارد ويصدق ) انا عاوز أساعدك ..

ريتشارد : ( ينظر اليه لحظة ، ثم يهز رأسه ضاحكا ضحكة  
غامضة مشوبه بالسخرية ولكنها ليست ساخرة ) اوه ،  
يا ابني ، اشكرك ..

روجر : ( ينسحب قليلا وبهدوء ) انا آسف !

ريتشارد : ( بهياج كامل ) روجر ! انا اقصد اللي بقوله ! اشكرك  
فعلا !

روجر : ( متحيرا بعض الشيء ) أو .. كى ..

( يذق جرس الباب )

جيني : ( تتنهد منددة بنفسها ) طيب ، انا جاية ..

ريتشارد : ( مخاطبا الصغير ) انا حبتلى أكرمك ..

روجر : هى ، امال اشرب ايه ؟

ريتشارد : اشرب بيرة ..

روجر : اوووه . !

جيني : ( تخرج ) انا خرج ..

ريتشارد : روجر ، ممكن تعمل لى خدمة ..

روجر : بالتأكيد ، ايه هير ؟

ريتشارد : انك لما تكبر تكون مستقيم .

( اصوات التحيات تنهى من الصلاة )

روجر : ( بمجلة ) أو .. كي .. بس أنا مفيش عندي اى فكرة ؟

ريتشارد : المهم .. انك تكون مستقيم ..

روجر : اذا كان كل شىء مستقيم زى ما يقولوا

( تدخل جينى ومعها شيك ويريل )

يريل : ( مخاطبة جينى وهى داخلة ) بالعكس ، دى تجنن ، ولو

انى بحب المطر ، النجيلة بتاعتنا كلها سمرة ومبقعة .

جينى : أوه صحيح ؟ احنا بنوضب بتاعتنا ..

يريل : خليها خضرا يا حبيبتي ..

شيك : ما اظنن انها حتمطر طول ما احنا هنا ، هاللو

يا ريتشارد ..

ريتشارد : ( بخجل ) اهلا بك يا شيك ، اهلا بيكى يايريل ..

يريل : احنا جينا بدرى ولا ايه ؟ أنا قلت لشيك احنا لازم نكون

أول ناس ..

جينى : ماتبيقش سخيفة امال ..

شيك : وأنا قلت كده كمان ؟ نكون أول الى ييجوا ، ونكون آخر

الى يمشوا ، ازيك يا روجر !

روجر : اهلا ، اهلا ..

يريل : ( مخاطبة روجر وبقدر من الدهشة ) كل ما أشوفك

الاقيك بتكبر ، مش كده ولا ايه ؟

روجر : يمكن ، ولو انى مش باشوفك كثير ..  
جينى : اقدر اقولك ، انه بيكبر ويحلو فى كل مرة تشوفيه  
فيها ..

شيك : ( بلهجة رسمية ) ازاي حال المدرسة يا روجر !  
روجر : عال ..

شيك : انت رجعت عشان الاجازة ؟ مش كده والا ايه ؟ طبعا  
سؤال سخيف ، وحتجابو عليه اجابة سخيفة ؟

روجر : انا سايبها للامتحانات .

( بعض الضحك )

ريتشارد : صح ، اكبر صح ، هى ! ايه رايكم فى الشرب ؟  
شيمانيا والا حاجة ثانية ؟

شيك : ( بالשתاء ) شيمانيا ..

بيريل : ( مخاطبة شيك ) انت عارف الشيمانيا بتعمل ايه  
( مخاطبة جينى ) بتخليه صاحى طول الليل ، خد حاجه  
تانية ؟

شيك : ( مخاطبا ريتشارد باسى ) اظن لو اخدت ويسكى يبقى  
احسن .

ريتشارد : صحيح يا بيريل ؟ ( يتجه نحوها )

روجر : اقدر اساعد فى حاجة ؟

بيريل : ( تتلوق الكافيار مخاطبة جينى ) طازه ، قد ايه لذيد ،  
انت جيتى حاجاتك من البلد ؟

جينى : ابدأ ، من محل بلوستين ، كل حاجة فيه طازة .

بيريل : ( مخاطبة ريتشارد ) جن اذا سمحت يا ريتشارد ومعاها

تلج ( عائلة الى جينى ) لكن الكافيار الطازة مبيعش كثير ،  
وأنا ماباتقش فى محل بلوستين .

جينى : ( بقليل من الاستشارة ) أوه ، ده طازة ١٠٠٪ .

بيريل : ( بضحكة واهية ) أنا متأكدة من كلامك ، لكنى متهيألى أن  
بلوستين ده غشاش شوية ، يحطه فى التلج يوم أو يومين  
ويقول عليه طازة .

جينى : ما انتاش عاوز شوية كافيار ياشيك ؟

شيك : بالتأكيد عاوز ( يتجه نحو الكافيار ) فين التوست ؟  
التوست فين ؟

جينى : لكن ، مافيش مكسارات .

بيريل : ( تبتعد عن مكان الكافيار وتنظر الى الحديقة بارتياح )  
انتم ازاي سايينها بالشكل ده ؟! ازاي بتقصوا الحشيش ،  
وتخفوا الشجر ، وتشيلوا التراب .. ؟

جينى : بايدينا ، بصابع ايدينا .

شيك : فى صحتكم ..

الآخرون : ( فى وقت واحد تقريبا ) فى صحتكم ..

بيريل : مادام اتقابلنا النهاردة ، ابقى حاعوزك فى بنك الدم .

جينى : ريتشارد ما يقدرش .

بيريل : ليه ؟ مايقدرش ليه ؟

جينى : عشان عيان بالكبد ، وروجر كمان مايقدرش عشان  
محتاج لكل الدم اللى عنده .

روجر : أنا مايهمنيش ادى دم .

جينى : ( بخفة ولكن بحزم ) ما اعتقدش انك تقدر ، ياروجر ..



بيريل : وعلى كده يا جينى تبقى انت الى تدى بدل العيلة كلها ..

ريتشارد : ما اعتقدش انها تقدر ..

بيريل : وما تقدرش ليه ؟

جينى : ايوه صحيح ، ماقدرش ليه ؟

ريتشارد : ( بتاكيد ) مجرد اعتقاد انك ما تقدرش .

جينى : ( بقليل من الكثر ) وعلى كده ، عندك سبب ؟ والا مجرد

حبس لدم الناس ؟

ريتشارد : ( يحاول جاهدا ان يجعل منها نكتة ، فيما عدا جينى

التي ستمى ما يقصده ) لا ، لا سبب ولا حاجة ، يمكن

يكون عندك مرض خبيث وانت مش عارفه .

بيريل : اوه ، صحيح يا ريتشارد !

( يلقى جرس الباب )

روجر : اقدر اروح افتح ؟

جينى : ( تخرج وبمنظرة سريعة الى ريتشارد ) انا حاروح افتح،

وتقدروا تساعدوا نفسكم لغاية ..

( تترك العبارة ناقصة ، وتخرج )

ريتشارد : ( بسخرية ضئيلة ) ازاي حال المسائل المالية ،

يا شيك ؟ ازاي حال السوق القديم ؟

شيك : اوه ، زى الجواز بالضبط ، مرة فوق ومرة تحت ، فوق

وتحت .. تحت وفوق ..

( بيريل وريتشارد يضحكان بفتور )

روجر : ايه معنى الكلام ده ؟  
ريتشارد : ما معناهوش حاجة .  
روجر : يبقى ليه بيقوله ؟  
ريتشارد : ( متضايقا ) انت عارف كويس جدا معننه ايه ؟ واذا  
كان كده يبقى بتسأل ليه ؟  
روجر : ( يهز كتفيه ) كنت فاكركه كلام مهذب ، وانت قلت لى  
أساعدكم .

( تعود جينى ومعها جيلبرت ولوسى )

جينى : ريتشارد ، جيلبرت ولوسى اهم !  
ريتشارد : اهلا ، اتفضلوا ، طبعاً عارفين بيريل وشيك ..  
لوسى : اظن احنا اتقابلنا فى النادى .  
جيلبرت : ايوه صحيح ، ده حصل .  
بيريل : قد ايه شىء لطيف انى اشوفكم مرة ثانية .  
شيك : الشرب متوفر هنا ، فيه شيمانيا ، وفيه كافيار .  
لوسى : قد ايه شىء لطيف انك تسألنا ، أوه ، انت بتتهمنى  
بجنيتك بنفسك ؟ والنجيلة ! ازاي بتعملها ؟  
بيريل : انا كنت مشغولة قبل كده ، وما اعرفش هم بيعملوها  
ازاي .  
جيلبرت : مين الجنائنى بتاعكم ؟ شروبي ؟  
ريتشارد : مين ؟  
جيلبرت : شروبشاير ، ده عنده فرقة كاملة ، و ..  
جينى : لا ، احنا بنشوفها بنفسنا .  
لوسى : احنا بتتعامل مع شروبشاير ، وبيبعث لنا رجلين ، اصل

احنا عندنا ست فدادين ، وعشان كده المسألة بتفرق .  
**جلبوت :** بيشغلوا بأيديهم ورجليهم ..  
**بيريل :** ولكن صحيح هم كويسين ؟ أنا وشيك كنا بنفكر اننا  
 نستعين بيهم ، و ..  
**شيك :** على الأقل مايخلونيش اشتغل في الجنيينة في اجازة آخر  
 الاسبوع ..  
**جيني :** لكن ده مكسب كبير انك تستمتع بزراعة الجنيينة ،  
 الشغل ..  
**ريتشارد :** ( بقليل من الاختبار ) احنا ، احنا تقدر نستعين  
 بواحد في الجنيينة .  
**جيني :** ( بابتسامة غامضة ) اوه ، صحيح ؟ طب وليه مابتعملش  
 كده ؟  
**ريتشارد :** ( بمرارة لانه قد حوصر ) حب الاستمتاع .  
**جيني :** ( مخاطبة الآخرين ) فكرنا اننا نخط بيت زهور في  
 الجنيينة .  
**ريتشارد :** احنا فكرنا في كده !؟  
**لوسى :** اوه ، المفروض ، قد ايه احنا سعداء ببيت الزهور .  
**جيني :** انا دايمًا كان نفسى في بيت زهور ..  
**شيك :** انتم لازم ظروفكم كويسة ، والا ايه يا ريتشارد ..  
 يا صديقى القديم .. بيت زهور ، وشمبانيا ، وكافيار ..  
**ريتشارد :** ( يصحك بسخرية ) لا ، ابدأ ، ده مجرد .. ( يهز  
 كتفيه ويترك العبارة ناقصة )  
**جيني :** لا ، ده مش مجرد بخل ..  
**بيريل :** ( ضيق عينيها استخفافا ) اوه ، قد ايه أنا سعيدة ..

روجر : ( وقد انهكه السؤال ) اقدر اساعد في حاجة ؟  
لوسى : روجر يا حبيبى ! دا انا حتى ما قنلتكش هاللو ، جيلبرت  
روجر اهو !

جيلبرت : روجر يا ابنى .. جيت من المدرسة ؟

روجر : ( باخلاص زائف ) نعم ، بتقول ايه ؟

جيلبرت : ماشى كويس ؟

روجر : محافظ على مركزى ، زى ما بيقلوا ..

جيلبرت : شاطر يا ابنى ، شاطر ، هى .. ايه الفنى ده كله ،  
الكافيار ده ممتاز ! جيته منين ؟

ريتشارد : جينى هى اللى جيته ، ده من اختصاص جينى !

جينى : جيته من محل بلوستين ، طازه زى مايكون لسه جى من  
البلد ، و ...

جيلبرت : بلوستين ده بيحط فى الكافيار حاجات ملمونة ،  
حاجات صغيرة كده انما ملعب ، و ..

روجر : احنا هنا مابنستخدمش الفاظ بالشكل ده ..

( الجميع ينظرون اليه غير متأكدين تماما مما يقصده )

على الأقل ، مش فى العيلة ..

( يلقى جرس الباب ثائية )

جينى : ( سعيدة بالمناسبة ) انا حاشوف مين ( تخرج )

( بيريل ولوسى لمجرد انهما يريدان ان يقولوا اى شىء )

بيريل : لسه كنت باقول لو جابته من البلد كان بقى طازه اكثر .

لوسى : اول سنة جبنا فيها بيت الزهور ، انا كنت فى حالة  
ذهول ..

ريتشارد : جه وقت الشرب ! يله بينا يا جماعة ! البار اتفتح !  
جيلبرت : ( مخاطبا ريتشارد وهما يقتربان من البار ) أنا كنت  
باقول ايه ؟

ريتشارد : ماتقولش حاجة ، ماتقولش حاجة ..  
شيك : ابنك ده بيتفلسف شوية ، مش كده والا ايه ؟  
جيلبرت : ( يتالم ) أنا كنت باقول ايه ؟  
( كل اثنين فى وقت واحد )

ريتشارد : مافيش حاجة ، انسى بقى !  
بيريل : لكن اشغال البيت دى مش تبقى مزعجة ؟  
شيك : أنا مابشر بش السيمانيا وأشربها ليه ؟ وعشان ايه ؟ وايه  
فايدتها ؟  
لوسى : لا ، أبدا ، اذا افكرت حاجات زى المية ، والهوا ،  
والحرارة ، و ...

( كل اثنين فى وقت واحد )

ريتشارد : ايه فايدتها ؟ ولا حاجة ..  
بيريل : ( ضاحكة ) آه ، مجرد حاجات بسيطة زى دى ..  
شيك : شكلها بيبان مهيج فى عيني ..  
لوسى : كل اللى فى الأمر ، انك تتعودى عليها ..  
روجر : ( حتى يهتم به أحد ) أنا عاوز اعتذر ..  
( تدخل جينى ثانية ومعها سنشيا وبيرى )  
جينى : المتشردان ، سنشيا وبيرى .  
بيرى : هى ، يا جماعة ..  
روجر : ( مخاطبا نفسه ) يا جماعة ..

جیلبرت : اوه ، اهلا بیری العجوز ، اهلا بیک یا وغد ..  
سنشیا : ( مخاطبة الجميع ) هاللو جميعا ، هاللو !  
ريتشارد : البار قدامکم یا جماعة ..  
سنشیا : ودلوقت ، حاتاخذ بالك من ده كله !  
شیک : صحیح اللى سمعته ده یا بیری ؟  
بیری : سمعت ايه ؟  
شیک : انک بتبيع تحت أرض للزواج ، بمجرد ما يدفعوا ضعف  
ثمنها ؟  
بیری : ولا كلمة من الكلام ده صحیحة ، وحتى لو دفعوا ثلاث أضعاف  
ثمنها ما أقدرش أدی لواحد منهم ولو حنة أرض صغيرة .  
( مزیدا من الضحك )  
روجر : فيه عندنا فی المدرسة ولدين من الزواج ، واخدين منح  
دراسة !  
جیلبرت : ( دون أن يبدو علیه السرور ) اوه ، صحیح ؟ ( مخاطبا  
ريتشارد ) كان مفروض تودی ابنک مدرسة كورت دیک ،  
دی مدرسة ممتازة ..  
روجر : فيها اولاد زواج هی کمان .  
جیلبرت : انت بتکذب ..  
روجر : واکذب لیه ؟ اقصده ، لیه أكون بکذب ؟  
یریل : ( بنون توقع ) يظهر انها حتبقى مشكلة .  
سنشیا : متهیالی کده .  
لوسی : ( بجدية شديدة ) ودلوقت .. لازم نغير الموضوع .  
جینی : دلوقت لازم نشرب ! جه الوقت اللى لازم نشرب فيه !  
مش کده یا سنشیا ؟ مش کده یا لوسی ؟

روجر : الواقع ان مافيش اى حل لمشكلة الملونين ، مهما كان  
الحل ده ، الا اذا بقينا كلنا ملونين .

بيريل : روجر !

جيني : حبيبى .

جيلبرت : انت جيت النظرية دى منين ؟

روجر : من كتاب .

بيرى : المعلومات الناقصة شىء خطير باروجر .

شيك : النظريات اللى تيجى من الكتب ، احسن لها تفضل فى  
الكتب .

ريتشارد : ( مخاطباً روجر ) انت ليه مابتقدمش كافيار ؟ مش  
قلت انك عاوز تساعدنا ؟

روجر : انا فضلت اسالكم ! فضلت واقف على رجلى الاتنين  
اسالكم اذا كنت أقدر اساعدكم فى حاجة ، لكن كل واحد  
منكم كان بيتجاهلنى .

ريتشارد : ( يوقفه عند حده ) كنت واقف على رجلك الاتنين  
عشان تهين كل واحد ، ده اللى كنت واقف على رجلك  
الاتنين عشان تعمله .

روجر : ( بنوع من التجهم ) انا ماعملتش كده الا بعدين .

سنشيا : اوه ، سيبه فى حاله عشان خاطرى ! ده ولد لطيف ،  
عندك كام سنة يا روجر ؟

روجر : عندى ١٢ سنة .

جيني : عندك ١٤ سنة .

ريتشارد : لا مش صحيح ، عنده ١٥ سنة .

جيني : ده ابني والمفروض اننى عارفه عنده كام سنة .  
ريتشارد : المفروض .. ايوه صحيح .  
شيك : انتم رايعين تحطوا بيت الزهور فين ؟  
جيني : ( بهزيد من التحديد ) وريهم يا حبيبي حنطه فين !  
ريتشارد : ( كهن وقع في الفخ ) نعم ؟  
لوسى : اوه ، احب اشوف فين ! يله ورينا .  
سنشيا : ايوه ، وكمان عاوزه اشوف الزهور بتاعة جيني .  
( سنشيا ولوسى يشرعان في الخروج عبر الابواب الامامية ،  
يرى تتبعهما تلفائيا ) .  
شيك : ودلوقت حنروح كلنا ع الجنينة ، واحد يجيب لنا معاه  
قرازة شمبانيا .  
جيلبرت : ( فى اثر شيك ) مافيش حد بيشرب شمبانيا .  
جيلبرت : طيب .. هات قرازة ويسكى ..  
( يضحك الرجلان ، ويتبعان الآخرين الى الخارج )  
جيني : ( مخاطبة ريتشارد ) ودلوقت .. ؟  
ريتشارد : ( ياخذها بجديّة ) وريهم احنا حنط بيت الزهور  
فين .  
جيني : ( مرتبكة وبابتسامة تخلو من السرور ) حاضر .  
( يلقى جرس الباب ، تتجه جيني نحوه ) مين ده ؟ احنا  
ماعزمناش حد غير دول .  
ريتشارد : ( يخرج الى الحديقة ) دى حفلتك ، وانت اللبى  
نظمتيها !  
جيني : (مخاطبة بيريل ) مش قادره انخيل مين ده ، روجر  
يا حبيبي ، روح شوف مين (روجر يخرج من خلال الطريق  
المقوس ) الا اذا كان جاك ، هو اللبى دايمًا يطب علينا ، و .



بيريل : ( تبدأ في الخروج الى الحديقة ) اذا كان هو ، يبقى لازم  
أسيبكم انتم الاثنين مع بعض .

جيني : ( يسدو الضيق من خلال كلماتها ) ايه الى تقصديه  
بالكلام ده ؟!

بيريل : ( تفحك من حلقها وهى تخرج ) ولا حاجة يا حبيبتي ،  
ولا حاجة خالص .

( بالكاد نستطيع ان نرى واحدا او اثنين من المدعوين خارج  
الحديقة ، بينما يبدون اعجابهم بها ، وبينما يشرح لهم  
ريتشارد اين سيوضع بيت الزهور ، ولكن ظهورهم  
ستكون فى مواجهتنا ولن نراهم بالداخل حتى يرجعوا ) .

روجر : ( يعود الى الداخل ) دى واحدة ست عاوزه تقابلك .  
( تدخل مدام توث ، تواجه بها جيني بقم مفتوح )

مدام توث : مساء الخير ، يا عزيزتى .  
( جيني تعلق فيها ) بقول مساء الخير يا عزيزتى .

جيني : ( تظل تحقق فيها ) روجر ، روح انت ع الجينة .  
روجر : ( بلطف ) ليه ؟

جيني : ( تستدير وبغضب ) انا قلت انك تروح الجينة !  
روجر : ( مستاء بعض الشيء ، يستدير على كعبيه ويخرج )  
يا ساتر يارب .

جيني : ( منعورة ) ايه الى انتى عاوزه ؟  
مدام توث : عاوزه اتكلم معاكى ( تجلس ) آه ! كده اريح ، قد ايه  
انا بكره المشى .

جيني : انت ماتقدريش تيجى هنا ، وماكانش مفروض كمان  
انك تيجى .

مدام توث : انا عارفه يا حبيبتي ، عارفه ان ده جنون ، لكن الموضوع مهم جدا .

جيني : ( غاضبة ومفزعلة في داخلها ) انا عاملة حفلة ! وعندى ضيوف .

مدام توث : ايوه ، ما انا شايقة ، شىء رائع ، اعتبرينى واحدة من الضيوف .

جيني : لا ، انا آسفة ! آسفة !

مدام توث : وليه لا ؟

جيني : لانهم أصدقاء ، وريتشارد حيفتكر انك من مجلس ادارة المستشفى ، و ...

مدام توث : رائع ، اعتبرينى من مجلس ادارة المستشفى .

جيني : لكن الناس دول جيران ، وبيريل من مجلس ادارة المستشفى ، و ...

مدام توث : بتقولى بيريل ؟

جيني : ايوه ، ولوسى هى كمان ... و ، و ...

مدام توث : طيب ، يبقى لازم تقولى حاجة تانيه ، قولى انى مش من هنا ، وانى مش من ...

جيني : ارجوكى ! تمشى ..

مدام توث : ( بعزم وبأدب بارد ) قلت لك يا حبيبتي ان الموضوع مهم جدا ، جوزك عارف والا مايعرفش ؟

جيني : ايوه ، قلت له النهارده ، اوه ، ياربى لو شافك وعرف انت مين ، مش عارفه حيعمل ايه ...

مدام توث : اوه ، حيعمل أحسن ما عنده ( وقفة وابتسامة ) مش كده والا ايه ؟

جینی : (کما لو كان آخر توسل في حياتها) أرجوكي ! أرجوكي !  
أرجوكي !

(بيريل وشيك يشرعان في العودة الى الداخل)

مدام توث : ضيوفك راجعين ..

( جيني تلف وتلور )

بيريل : (دون أن تلاحظ مدام توث بعد) جيني يا حبيبتي أنا وشبك  
موافقين ، جوزك ده ملاك ، بيت الزهور حبيبي ممتاز خالص  
وانت ح ...

جيني : (تقطع عليها الكلام) بيريل وشيك أقدم لكم مدام توث ،  
أنا وريتشارد اتقابلنا معاها في سانت توماس السنة اللي  
فاتت ، وحت دلوقت عشان تقول ..

مدام توث : ( بابتسامة هادئة ) هاللو بيريل ، هاللو يا حبيبتي ، أنا  
لي معاكى ماتش بوكر .

شيك : (يغمز فمه ، في الوقت الذي تلاحظ فيه جيني ) يا ساتر  
يارب ، ايه اللي جابها هنا ؟

بيريل (هادئة وباردة) أوه ، صحيح ؟

مدام توث : أيوه ، صحيح ، بتكلم جد .

جيني : (اخيرا الى بيريل باندهاش) وانت كمان ؟!

بيريل : ( بهلوه تام وابتسامة خافتة بينما مدام توث تجيل  
النظر بينهما)

أيوه وانت كمان ، زى ماهو واضح .

جيني : (بفرع) ياربى !

(يدخل الآخرون الآن ، لوسى وسنثيا وبيري وجيلبرت  
وريتشارد ويظل روجر بالخارج)

لوسى : ومتهىالى اذا كنت عاوز تستمتع بالشمس بعد الظهر ،  
يبقى لازم تعمل حاجة تدخل منها ، و . . . . (تري مدام  
توث)

ريتشارد : (الجميع يشاهدون مدام توث فيما عدا ريتشارد ،  
والكل يحلق فيها فيما عداه ايضا) بس انا متهىالى انها  
حتهتز ، وعشان كده لازم تعمل لها حاجة ..

(براها ويرى الصمت فيتجه الى مدام توث) هاللو ، تفتكرى  
انا شغتك قبل كده ؟

مدام توث (بلطف شديد) ايوه ، بس احنا مانتقابلناش فى الواقع ،  
انا مدام توث هاللو سنثيا ، هاللو لوسى .

(بردان التحية)

ريتشارد : (لم يتدارك الامر بعد ) طيب ، على كده تبقوا كلكم عارفين  
بعض ، و . . .

مدام توث : حببتي بيريل ، كنتى فىن يوم التلات ؟

بيريل : انا ، انا كان عندى صداع ، و . . .

مدام توث : آه ، الصداع ده كلفك ١٠٠ دولار ، كان فيه واحد  
منتظرك .

ريتشارد : (ولم يدرك الامر تماما) انتم ، انتم كلكم عارفين بعض ؟

مدام توث : ايوه ، فعلا ، انا عارفه كل الستات دول ، وقابلت  
ازواجهم ، وعرفتهم كمان ، ودلوقت اقدر اقول ايه ، اظن  
اننا كلنا لسه مانتعرفناش ببعض .. لغاية كلنا مانتعرف  
ببعض !

جينى : (مستاءة وواهنة) اقدم لك .. مدام توث ..

جیلبرت : (اقل سروا) انت ماقتليش حاجة أبدا يا بيرى ..

لوسى : سينثيا يا حبيبتى ، انا مندهشة ازاي ماقبلناش بعض فى  
البلد .

ريتشارد : (رابط بين كلام الاثنين) ودلوقت ، هل معنى كده ،  
ان ..

بيرى : (وهو أيضا أقل سرورا) آه ، ياسبحان الله .  
مدام توث : (مخاطبة ريتشارد) مش يبقى شىء رائع ان الستات  
بتوعى اللى فى الضاحية دى ، يبقوا كلهم تحت سقف  
واحد .

ريتشارد : الستات بتوعك ، كل الستات بتوعك و ... ( الى  
النساء ) كلكم ؟ ( الى الرجال ) وانتم كنتم عارفين ؟  
جيلبرت : (ليس مسرورا تماما) أبوه ، بالطبع .

بيرى : (يتلطف باستخفاف) آه ، شىء طبيعى .  
بيريل : لكن الشىء الغريب فعلا ، ان ماحدش منا كان عارف حاجة  
عن التانى .

سينثيا : (مخاطبة لوسى) (بتوبيخ ساخر) بقى دى جولانك الحرة  
فى السوق .

لوسى : (تفقهه قليلا ثم الى بيريل) وهى دى كل زيارتك للمتحف .  
مدام توث : ( بنبرة تشبه سيدة الأعمال ) المهم اننا كلنا هنا  
دلوقت .

ريتشارد : (يتراجع الى الوراء قليلا ، هادئا ، ثم كما لو كان يواجه  
حائطا من الأشكال الغريبة ) .

انا مش مصدق ، انا ... انا مش مصدق ، انا ...  
شيك : (يهز رأسه ثم مداعبا) أوه ، ياراجل ! أوه ، سبحان الله  
على طبعك ( بضحكة كاملة ) .

ريتشارد : ( مخاطبا بيرى ) بقى انت .. بقى انت كنت عارف ؟  
وطول الوقت ..

جبلبرت : ( مؤيدا باستخفاف ) وايه يعنى اللي كنت حتمله ، مجرد  
انك تعرف ؟

ريتشارد : ( وقفة قصيرة ، ثم بصرخة حقيقية ) ايوه !!!  
شيك : ( هادئا وبصراحة مهذبة ) خدلك كاس يا راجل ، وهدى  
نفسك .

(شيك يربت على كتف ريتشارد ، يأخذه ناحية البار)

ريتشارد : ( أكثر هدوءا وكمين يشعر بالضيق ) حاضر ..  
جبلبرت : (كهن يقرر حقيقة واقعة) عال ، دلوقت اديك عرفت ،  
ودلوقت كلنا بقين عارفين .  
(يدخل روجر)

روجر : هي ! انتم عرفتم والا لا ، فينوس رجعت للحياة ،  
والشمس لسه ماغربتش ، و ...

جيني : روجر ، روح هات اى حاجه .

روجر : ما ... ما ؟

جيني : ريتشارد ؟ مش تعمل اى حاجه ؟

بيرى : (يفتش فى جيبه) روجر ، ممكن تبقى ولد شاطر ونروح  
جرى على النادى تشتري لى علبة توباك عشان البايب ؟

روجر : (يستشعر الصمت) ايوه .. حاضر .

بيرى : واشتري لنفسك شيكولاته ، او اى حاجه .

جيني : ده ولد شاطر .

روجر : (متحيرا ومتبرما باستخفاف) او .. كي .. اي .. اي نوع ؟

بيري : بتقول ايه ؟

روجر : اي نوع من انواع التوباك ؟

بيري : حتلاقي بن واقف هناك .. وهو عارف .. قول له ده عشاني .

روجر : ( مرتابا ومرتبكا يمسك زمام نفسه ) او .. كي ، حروح وارجع على طول .

ريتشارد : ارجوكم ، ارجوكم جميعا ، تفضلوا تخرجوا .

مدام توث : اقدر اقول انا آسفة بشأن جيت ، لكن الموضوع فيه مشكلة .

بيريل : ايه هي المشكلة ؟

مدام توث : لدرجة اني ماقدرتش استعمل التليفون ، ولاقدرتش اطلبكم !

بيري : تقصدى البوليس ؟

مدام توث : ايوه .

جينى : (مفزعنة تماما) اوه ، ياربى !

مدام توث : راجل اسمه لورى يظهر انه خدعى .

شيك : وماقدرتيش تشتريه ؟

مدام توث : مارضىش .

جيلبرت : راجل شاذ وجبان .

مدام توث : أيوه ، صحيح ، شاذ وجان ، لكن مارضيش .  
(ريتشارد يراقب هذا كله من على مسافة ويجوز أن يجلس)

بيرى : وجه لك أسئلة ؟

مدام توث : لا ، لكن قال لى أسيب المكان .

لوسى : وماسألكيش عن أسماء .

مدام توث : ماكانتش كبسه ، وعلاوة على كده ، مايقدرش  
يمسكهم .

بيريل : (تنهد بارتياح) أيوه ، كلامك صحيح . مايقدرش  
يمسكهم !

مدام توث : ( بذهن ناصع ) ما أظنش ان فى حد سألنى أحب أشرب  
ايه (وقفه) مش كده ؟

جينى : ( مشغولة تماما ٠٠٠ والأغلب فيما يفكر فيه ريتشارد ) أوه  
ألا ، ماظنش انك شربتى حاجة .

مدام توث : (مخاطبة ريتشارد) اذا ماكانش عندك أى اعتراض ..  
أقدر أدوق حاجة فى بيتك ؟

ريتشارد : ( على وتيرة واحدة أغلب الوقت ومذهولا ) لا ، أبدا ،  
على راحتك ، خدى اللى تحبيه ، فيه شمبانيا ، و ...

مدام توث : (بضحكة صغيرة) أوه ، ياسبحان الله ، ماظنش كده .  
(مخاطبة شيك الذى لا يزال الى جوار البار) فيه عندك  
ويسكى ؟

شيك : بالتأكيد ، ويسكى سيك ؟

مدام توث : سيك ، ومعاه حنة تلج .



شيك : حالا ، ( مخاطبا ريتشارد بعد لحظة تفكير ) أو .. كى ، اذا  
ماكنتش أنا أقوم بواجب الضيافة ؟

ريتشارد : ( ناظرا اليه ) لا ، أبدا .. خليك على راحتك ..

سينثيا : اظن انا عاوزة كاس كمان يابىرى ؟

بىرى : حاضر ..

(تتناهى حركات عامة للماء الكئوس وأصوات ضربات  
الأيدي و ..)

جىلبرت : (مخاطبا مدام توث و كمن يسأل أكثر مما يحق له) اظن،  
اظن ان المفروض عليكى انك .. تسيبى المكان .

مدام توث : انا سبيت المكان ، سيبتته فعلا ، وفيه طيبب نفسانى  
حىروح فيه !

بىريل : ( تقهقه ) أما حتكون حتة دين مفاجأة بالنسبة للزباين  
المنتظمين !

سينثيا : ( تضحك هى الأخرى ) أوه ، يابىرى ، فعلا .

بىرى : (بتمطأ ويتنفس الصعداء) هايل وعلى كده متهيالى انك  
تسيبك من بيت الزهور ده بقى .

سينثيا : أيوه ، وسيبنى كمان من الكافيار .

لوسى : يادى العار ( بعد تفكير ) يادى العار علينا كلنا !

ريتشارد : (بتساؤل صريح) نعم ؟ نعم ؟

جىلبرت : ( بأحكام واضح ) يظهر الأمور بدأت تتعقد شوية بالنسبة  
لنا كلنا .

مدام توث : ( وهى ترتشف كأسها ) وعشان ايه ؟ ( بروح عالية )  
الحكاية دى بتحصل كتير ، ماهياش الاولى ولاهياش  
الاخيرة .

بيريل : الموضوع بالنسبة لك مختلف خالص ، انت اتعودتى على  
كده .

مدام توث : ( بتفكر ) أوهو هو ، الانسان ممكن يتعود على أى  
حاجة ، ده اللى أنا دايمًا باقوله ( مخاطبة ريتشارد ) ومش  
ده اللى انت كمان بتقوله ؟

ريتشارد : اوه ، ياربى .

لوسى : ايوه صحيح ، بس الانسان مش ممكن يتعود على فكرة  
السجن ، ولا على فكرة انه يستغنى عن الجرايد ، ولا ..

شيك : البوليس زمانه بيطاردك .

بيرى : وحتروحى على فين ؟

مدام توث : ( وقفة صمت قصيرة ) ليه لا .. هنا ؟

الكل : ( تصدر عنهم همهمات تدل على أنهم قد صدموا كما تدل  
عدم تصديقهم ) هنا !

مدام توث : وليه لا ؟

لوسى : ( بتعظم كامل ) بالتأكيد انت مش بتتكلمى جد .

مدام توث : القطر الخدمة فيه هائلة ، والضواحي حتت ..  
محترمة ..

شيك : ( غير واثق ) ايوه ، صحيح ، القطر الخدمة فيه هائلة ،  
لكن ..

مدام توث : لو أقدر ألقى مكان مناسب ( تنظر الى بيرى )  
ايه رأيك ؟

بيرى : لا .. لا .. المكان ده ماينفعش أبدا ..

جيلبرت : ماينفعش على الإطلاق ..

مدام توث : (تبدو كما لو كانت تهم بالانصراف ، وفي هيئة امرأة  
الاعمال) .

طبيب ، على كده بقى لازم أشوف لى بلد أحسن من البلد  
دى ، او مكان تانى البوليس فيه يكون نايم على ودانه ، او  
أقدر أتفاهم معاه ، حتوحشونى قوى يا ستات .. انما بقى ..

بيريل : (تختبرها) صحيح .... (تتوقف)

( بيرى وسينثيا وجيلبرت بشكل أو بآخر فى وقت واحد )  
نعم ؟

بيريل : (خجلة بعض الشيء وقد سرها انها جذبت الانتباه)  
يعنى ، أنا كنت عاوزه أقول .. ان ... ان مش ده المكان  
المناسب ، أقصد المناسب بالضبط ، انما يمكن يكون ..  
فيه مكان تانى قريب من هنا !

جينى : (التي لم تتحدث حتى الآن) ، أيوه ، يمكن يكون .. (تترك  
العبارة ناقصة)

ريتشارد : (كما لو كان يسمع من خلال الضباب) كنتى بتقولى ايه  
يا جينى ؟

جينى : (عارية وخجولة وكما لو كانت فى ناد للعراف) كنت بقول ..  
ريتشارد : أيوه ، قولى ...

**جينى :** (وان كانت خجولة مظهرها الا انها تتكلم بحسب لطف)  
كنت بقول انه لو كان المكان قريب من هنا .. كان يبقى ..  
يبقى أسهل .

**ريتشارد :** ايه الكلمة الاخيرة ؟

**جينى :** (لحظة صمت قصيرة) أسهل .. بقول كان يبقى أسهل .  
**ريتشارد :** ( يومئ برأسه مفهقها ) الله .. الله .. بقى كده .  
( يقهقه أكثر ) أوه ياربى ، سبحانك ! ( كمن يبكي من خلال  
الكلمات ) وبالأخص فى أوضة روجر ، تقدرى عملها ، وترجعى  
تعملى الجيللى والسندوتشات ... ودلوقت يبقى مش  
حيروح المعسكر عشان حنحتاج له هنا .. مش عشان  
مانقدرش ندفع له فلوس المعسكر ..

**مدام توث :** انت مش شايف اننا لازم نتكلم فى حدود العمل ؟

**بيرى :** أيوه ، أنا شايف كده .

**شيك :** ده كلام صحيح .

**مدام توث :** وان الموضوع الى حنتكلم فيه لازم يكون مع الرجالة ،  
وعشان كده يا جينى ليه ماتطلعيش بره وتفرجى الستات  
على الزهور بتاعتك ؟

**جينى ( مشغولة بملاحظة ريتشارد )** نعم ؟

**مدام توث :** فرجى الستات على الزهور بتاعتك .

**بيريل :** ( وهى تفتح الطريق ) أيوه صحيح ، ليه مانتفرجش على  
الجنينة مرة ثانية ؟ دى فيها حاجات كثير ، حاجات كثير  
نقدر نتفرج عليها .

**سنتيا :** أيوه ، مش حتروحى يا لوسى ؟

**لوسى :** ( توافق على الاقتراح بجدية ) طبعا .. طبعا .

مدام توث : جينى ؟

جينى : ( تردد فى ترك ريتشارد .. ولكنها تذهب ) طيب ،  
حاضر .. أنا .. حاضر ( تخرج )

( الرجال وحدهم الآن .. مع مدام توث )

ريتشارد : ( يتحدث من حيث يجلس وفى غير حماس ) انت تعبانة  
شوية .. مش كده والا ايه ؟

مدام توث : ( تهديه بهرح ) مناقشة الموضوع من غيرهم تبقى أسهل  
بكثير .

ريتشارد : بس البيت ده بيتى .

جيلبرت : أوه ، اطلع منها يا ريتشارد ..

شيك : احنا محظوظين ، عشان محناش كلنا فى السجن .

مدام توث : لا ، الحكاية ماتوصلش للدرجة دى ، مين اللى حيناولنى  
كاس تانى ؟

بيرى : ( يأخذ منها كأسها ) عاوزه ويسكى وتلج ؟

مدام توث : أيوه ، أشكرك ، حنة تلج واحدة .

جيلبرت : ( مخاطبا شيك ) انت متوقع تخسر قد ايه ؟

شيك : ( بضحكة آسفة ) أخسر كثير ، كثير جدا ، أكثر مما تتصور .

جيلبرت : ( متمعنا ) أيوة .. فلوس معفية من الضرائب ؟ عندك

استعداد انك تنسحب فورا اذا كنت عايز ؟ لكن أنا حستمر ؟

أنا ولوسى ناقشنا الموضوع . واتفقنا اننا نستمر .

ريتشارد : ( داخلا فى الموضوع وهو الآن كحديث عهد فيه ) بقى

كدة ؟ بقى اتناقشتوا فى الموضوع ؟ مجرد ... مناقشة فى

الموضوع ؟

**جیلبرت :** بالطبع ، آمال ، أنا عارف انت شاعر بايه ، أنا شعرت

بيه قبلك شوية صغيرة .

**شيك :** أنا كنت عاوز أكسر البيت كله .

**بيرى :** ( يعود ومعه كأس مدام توث ) وأنا كسرت البيت بالفعل ،

لكنى لقيت مبرر عشان أصلحه تانى .

**شيك :** ( بلهجة تقريرية ) مافيش أحسن من انك تتعود على الموضوع  
بسرعة .

**بيرى :** أيوة ، صحيح .

**شيك :** وبعد كده ، قدامك الفلوس .

**جیلبرت :** لكن الفلوس بالشكل ده حتقل .. ودلوقت

**بيرى :** أنا ماقدرش أطلع « ابنى » من المدرسة فى المرحلة دى ..

**جیلبرت :** نفس الشئ بالنسبة لابنى ، وکمان فيه الفرصة بناعة

البنت .. أنا بدفع لها أجرة الاسطبل من مناخيرى ، ومع كده

ماقدرش أبعتها ، والا كانت تقتلنى .

**شيك :** ( بتجهم واضح ) حد منكم عاوز يتخلى عن الموضوع ؟

**بيرى :** هى دى المشكلة ، كلنا متورطين فى حاجات ، وماقدرش ..

ماقدرش مجرد اننا نتوقف .

**جیلبرت :** وبيننا وبين بعض ، أنا ولوسى ماقدرش نعيش بأقل من

كدة فى الأيام السوداء دى .

**بيرى :** وکمان أنا وسنثيا خناقنا كلها حوالين الفلوس .

**شيك :** ده صحيح ..

**مدام توث :** ( مخاطبة ريتشارد ) دلوقت ابتديت تفكر بشكل أحسن  
من الأول ؟

ريتشارد : ( لا يزال مغرر الاحساس ) أوه ، أيوة ، أنا فاهم .  
مدام : ( تسمع النساء وهن يتحدثن في الخديقة ) سامعين ، سامعين  
الستات بتوعى عمالين يفضفضوا .

بيرى : ( يتسسم ) أيوه .

مدام توث : مش حنتكلم فى الشغل والا ايه ؟

جيلبرت : أيوة صحيح ، والا ايه يا ريتشارد ؟ مش ممكن انت تبقى  
رئيس الجلسة ؟

ريتشارد : ( بتجهم ) أنا أبقي ايه ؟

جيلبرت : تبقى رئيس الجلسة ! عاوزين نخليها جلسة شغل بالمعنى  
الصحيح !

شيك : ( يتحرك متداخلا ) انت تقعد هنا .. وعلاوة على كدة يبقى  
الكرسى ده بتاعك .

جيلبرت : ومن الى حيعارض ؟

شيك : أنا ..

بيرى : وأنا أأيد .

جيلبرت : وأنا أسجل .

شيك : يله يا ريتشارد أأمر ببدء الاجتماع .

ريتشارد : ( بتردد قصير ثم .. ) لنبدأ الاجتماع ( لحظة صمت )  
ودلوقت ايه الموضوع ؟

بيرى : سيدى الرئيس ، فيه عقار فى الضاحية بتاعتنا ، يمكن يكون  
ملائم لاحتياجات مدام توث ، واحتياجاتنا ، وهو ممتاز فى

الواقع .

جيلبرت : لكنه مش هنا .

بيرى : لا ، على بعد خطوتين من هنا ! بيت كبير وكمان تمنه رخيص  
.. وما فيش أكثر من دقيقتين مشى بينه وبين المحطة .

مدام توث : ده يبقى ممتاز ، فيه كام أودة ؟

ريتشارد : تقصدى فيه كام أودة نوم ، مش كدة والا ايه ؟

مدام توث : انت حتسكت والا لا ؟ ( تعود الى نبرتها الطبيعية ) اذا  
كان التمن معقول ...

بيرى : ستة وتلاتين .

مدام توث : لو ٢٨ .. كان يبقى ممتاز .. على كل حال أتفرج عليه  
بكرا ، بس مش عاوزة ده يوجد حزازات فى ... ( تبسم )  
فى نفوسنا .. ( ريتشارد يتأفف ) بص لى هنا .. أنا ضيعت  
وقتى وفلوسى ، ومجهودى بشأن أبنى المشروع ده .. وأجيب  
له زبائن من الطبقة الراقية و ...

ريتشارد : ( بهمس ) واضح ، واضح ..

مدام توث : طيب ، ودلوقت فيه أى أسئلة ؟

شيك : ( بارتياح ) رائع ..

جيلبرت : عال .. العال .

مدام توث : ( مخاطبة ريتشارد بدون ارتياح كبير ) وانت ايه رأيك ؟

ريتشارد : ( يحاول ثانية أن يبدو ساخرا ) أوه ، حبقى ثنائى  
عظيم .

مدام توث : ( نافذة الصبر .. ولكن بدون استعجال ) طيب ،  
ودلوقت نقدر نبتدى .

شيك : ( بتوبيخ ) أوه ، وبعدين معاك يا ريتشارد ..



ريتشارد : يظهر ان الموضوع ده مش مضايق حد فيكم .. ياسبحان الله .. كل الناس رايحة تعرف ! فى خلال أسبوعين الموضوع

ده راح .. وده مش مضايق حد فيكم ؟

مدام توث : احنا مش حنعلن عنه فى الجريدة المحلية .

ريتشارد : فيه حاجة اسمها كلام الناس .

مدام توث : ستاتكم حيشعروا اذا كان فيه أى خطر ، صدقنى ..

أنا عارفة أنا بعمل ايه .

ريتشارد : يعنى تحتطى علامة مميزة على عتبة البيت بتاعك ؟

جيلبرت : ده شىء سخيف الى انت بتقوله .

ريتشارد : فعلا شىء سخيف .

جيلبرت : فيه حاجة تانية فى جدول الأعمال ؟

شيك : ( بتخمين ) لا ...

بيرى : ما أظننى .

ريتشارد : ( بسخرية ثقيلة ) طيب ، فى الحالة دى .. أعلن انتهاء

الجلسة .

مدام توث : فيه حاجة واحدة كمان ..

جيلبرت : نعم ؟

بيرى : ايه هى ؟

مدام توث : حاجة مهمة ويمكن تفتكروها بسيطة ، مش مفروض

انكم تتكلموا عن ده كله بعد كده ، أفصد ماتتكلموش عن الى

حصل حتى مع أنفسكم .

جيلبرت : تقصدى .. المفروض اننا ننسأه .

بيرى : أيوه صحيح ، المفروض اننا ننسأه .

شيك : مضبوط ، كلام مضبوط .

ريتشارد : ( بضحكة قصيرة مرتعشة يتمادى فيها ) أنا مش عارف

بالضبط ازاي نقدر ... مجرد اننا ننساه .

مدام توث : ( بمشورة عاقلة ) أوه ، أيوه نقدر .. الانسان يقدر

ينسى .. اذا كان فيه حاجة مش قادر تهضمها أو تقتنع بيها

نقدر تنساها ، وعلى كل حال .. فيه حاجات لازم تنساها

بالمرة ، اذا كنت عاوز تعيش .

ريتشارد : أيوه .. لكن ....

مدام توث : لكن كلكم عارفين الكلام ده ، انتم رجاله من عائلات ..

محترمين ومتعلمين .. وما انتوش أغبيا ..

شيك : لا ، بالطبع ما احناش أغبيا ..

بيرى : مضبوط ، كلام مضبوط ..

مدام توث : ( تنهض تتجه نحو الحديقة ) أظن لازم أروح دلوقت

ألم الستات بتوعى ، (تتوقف مخاطبة ريتشارد ) فيه حاجة

واحدة كمان عشانك لازم تفتكرها ، حاجة واحدة ممكن

تساعدك عشان تنسى ، أو تقدر تقول حاجتين .. احنا

ما بنضرش حد ..

ريتشارد : والحاجة الثانية ؟

مدام توث : ان الفرصة ضعيفة جدا قدام مراتك عشان تاخذ لها

عشيق من ورا ضهرك .

( تخرج )

جيلبرت : ( بعد وقفة صمت قصيرة ) عال ، دلوقت كل شيء اتحط

فى مكانه ..

شيك : ( يتجه نحو البار ) ونشرب لنا كاس على كده ؟

بيرى : ( يرفع كاسه ) أيوه ، فى صحتكم  
جيلبرت : فى صحتكم ( يلاحظ ريتشارد وهو يكتفى بالنظر فى  
كاسه ) ريتشارد ؟ فى صحتك ؟ فى صحتنا جميعا .

ريتشارد : ( لحظة صمت يفتصب ضحكة قصيرة يرفع كاسه )  
بالتأكيد فى صحتنا جميعا .

جيلبرت : ( بنبرة الأخ الأكبر ) دلوقت حتبقى عال العال ، يا صديقى  
القديم .

شيك وبيرى : ( بنعومة ) فى صحتكم .. تشيرز ..  
ريتشارد : ( كالطفل الصغير وقد افتقد شيئا ما ) تشيرز ..  
( تبدأ النسوة فى العودة الى الداخل )

بيريل : أنا شايفة ان مافيش أمل خالص فى انك تزرعى الداليا ..  
هنا ، ومانيش شايفة لها داعى كمان ..

جينى : يظهر انها حتبقى زى الخير فى التربة ، وكمان انتى بتقدرى  
تربيتها وتعتنى بيها

بيريل : آه ، وحتزرعيها بايديكى ..  
مدام توث : ومين الى حيعتنى بالجينية بناعتى ؟ فيه هنا ناس  
مخصوص ؟

شيك : أيوه ، فيه ناس ممتازين .. لكن أجورهم غالية .  
مدام توث : آه ، وماله ، يخدوا الى عاوزينه .. اذا كان كل شىء  
حيمشى تمام .. جينى يا حبيبتي أقدر أستعمل تلفونك ؟

جينى : بالطبع ، تعالى أوريكى مكانه .  
( جينى و مدام توث تخرجان )

بيريل : ودلوقتى يله بينا ياستات ناخذ لنا كاس ، وبعد كده نمشى  
على طول . أنا شايفة ان كل شىء اترتب .

شيك : ( يتجه نحو البار ) أنا حقوم بواجب الضيافة ، خليكم زى  
ماانتم .

بيرى : اقتراح عظيم .

لوسى : هايل ..

سنثيا : مش عاوزة أكثر من كده .

بيريل : ريتشارد .. وبعدين معاك ، ماحدش حيشرب الشمبانيا  
بتاعتك ، ولو انى حاخذ شوية من الكافيار والمكسرات  
بتاعتك ..

ريتشارد : ( بسخرية متعمدة ) أنا محتفظ بالشمبانيا بتاعتى ،  
يمكن نحتاج لها فى تدشين بيت مدام توث الجديد .

(ترد عليه بضحكة كبيرة ، تخفى وراءها الاحساس بالسخرية)

سنثيا : ( بقهقهه ) أوه ، ياريتشارد ، صحيح ؟

( تعود جينى )

جينى : أيه الى فاتنى فى الكلام ؟

لوسى : ( بضحكة محتضرة ) أوه ، ولا حاجة ، ريتشارد قال لنا خبر  
يجنن ..

جينى : ( كمن يأخذ بيدها ) أوه ، هايل هايل جدا .

( روجر وجاك يظهران على باب الحديقة ، جاك مخمور تماما .

ولكنه رغم هذا يبالغ فى فقدانه للوعى )

جاك : هاللو ! هاللو ! خرابة البيوت هنا ، بأقول هاللو لخرابة  
البيوت .. بأقول هاللو لخرابة البيوت ، بأقول هاللو ..  
( الجميع يلتفتون وينظرون الى جاك وقد أطبق الصمت على  
الجميع )

روجر : ( يعطى التبغ ليرى ) خذ التوباك بتاعك ، أرجو انه يكون  
هو اللي عايزه .

جاك : روجر قابلنى فى النادى ، أيوه فى النادى ، فى النادى جنب  
البار .

بيريل : ( باردة ) واضح .. واضح .

جاك : أووه ، صحيح يا بيريل ( يتحدث بوجه عام مرة أخرى )  
وبعدين ، قلت له ازاي حال الحفلة ، وقال لى على أخبار الحفلة ،  
وافتكرت انى أقدر آجى فى أى وقت ، وآدينى جيت ، وآدى  
كمان كل أصدقائى ، مش ده يبقى شىء رائع ..

جينى : ( غير مرتاحة ) أنا .. أنا افتكرت انك عندك ماتش أو حاجة  
زى كده ..

جاك : ماتش بوكر مع الراجل العجوز .. لكن الراجل العجوز مات  
.. أيوه مات .. الجرسون فضل نازل فيه ضرب على الطرابيزة  
القديمة .. وبعد ماخلص عليه ، حطه بشوئش فوق ظهر  
الحمار .. وقال له « سيدى .. انتهى كل شىء » ومن ساعتها  
وهو لسه راقد هناك . خلصت الفودكا الممتازة ياريتشارد ؟  
والا تكونش خبثتها ؟

يرى : ( بينما يتجه جاك ناحية البار ) خليك خفيف على الفودكا ..  
يا جاك .

**جاك :** ( بجرأة ) يكونش دا بيتك ؟ والا تكونش الفودكا دى

بتاعتك ؟

**برى :** لا ، بس ، لسه ...

**جاك :** حاقولك أنا رايح أعمل أيه يا بى .. الحكاية القديمة ! المرة الجاية حتعمل حفلة هايلة فى الجنيانة ، وحاجى فيها من غير دعوة ، ودى الطريقة الوحيدة اللى بتبعها ، الا اذا كانت صديقتى جن عندها اعتراض على الطريقة دى .. عندك اعتراض؟ .. يبقى ، خخلينى خفيف على الفودكا .. أو .. كى .

**لوسى :** أوه يا جاك .. وماجبتش معاك .. أخبار تانية سارة من النادى ؟

**جاك :** أخبار تانية غير أخبار الراجل العجوز المسكين ؟ حاضر .. آه ! أيوه ! تخلصوا من هارى بيرنز ..

**جيلبرت :** تخلصوا منه ؟ تخلصوا منه ازاي ؟

**جاك :** ضربوه من ورا ظهره ، شخص مجهول هو اللى عملها ، شاف ان برنستين مش قادر عليه ، قال أنا أقدر ..

**شيك :** ( غير مصدق ولكنه غير مستاء ) أوه ، صحيح الكلام ده ؟ !

**جاك :** صحيح .. صحيح جدا ..

**لوسى :** ( مخاطبة بيريل ) هى مونىكا بيرنز يهودية ؟

**بيريل :** أيوة .. أفنكر كدة ..

**لوسى :** ( بقليل من الاندهاش ) أنا مافكرتش فى كدة أبدا ..

**سينثيا :** ما أعلننش الحكاية دى خالص ..

**لوسى :** تقدرى تتصورى ..

جاك : ويمكن كمان ، تكونوا عارفين انها كانت مومس ، أو حاجة  
زى كدة .

( فترة صمت )

بيريل : ( باردة ) كانت ايه ؟

جاك : ( يهز راسه مترنحا ) مومس .

( فترة صمت قصيرة أخرى )

سيمثيا : ماقدرش أقول ان هارى ومونيكا بيان عليهم .

لوسى : لا . لا . لا . مايبانش عليهم .

بيريل : الظريف انك قدرت تعرف ، رغم .

جاك : رغم الحكاية اياها ؟ . تقصدى .

بيرى : ( بقليل من الانقباض ) ورموه برة النادى ؟

روجر : بعض الناس بيقولوا ان الأمريكان فيهم يهود .

جينى : ( غير منزعة ولكن باندهاش ) ايه ؟

روجر : القبائل العشرة المفقودة .

جيلبرت : بعض الناس بيقولوا أى حاجة .

روجر : وان فيه عدد كبير منا متختن .

( تسود فترة صمت يقطعها جاك الذى يضحك بهدوء )

ريتشارد : ( باقتضاب وبرود ) روح على أدتك .

روجر : بتقول ايه ؟

ريتشارد : باقول روح على أدتك !

روجر : وعشان ايه ؟

جينى : ماكانش يقصد يقول أى حاجة .

روجر : وأنا يعنى قلت ايه ؟  
ريتشارد : أنا قلت تروح على أودتك !  
روجر : ( يتشبث بمكانه ) أنا عاوز أعرف ايه الغلط الى أنا غلطته !  
ريتشارد : ( يشعر بالحق فيدفعه ذلك الى المزيد ) اوعى تقف قدامى  
بالشكل ده وتتحدانى !  
روجر : ده مش عدل ! ما انت عمال من الصبح تقول كلام العن  
من كده !  
ريتشارد : أنا أبوك ، وبقولك تروح على أودتك ، انت مش مؤدب  
عشان تقعد مع ناس محترمين .  
جاك : ( يضحك ولكن بجدية ) أوه ، أعصابك يا ريتشارد !  
ريتشارد : ( مخاطبا جاك ) اقفل بقبك ٠٠ ده بيتى وده ابنى ٠٠ أنا  
قلت له ع الى يعمل ( مخاطبا روجر ) يله امشى !  
روجر : ( متوسلا الى باقى المجموعة ) لكن اذا كان ده هو الى جه  
فى التوراة !  
ريتشارد : وايه الى جه فى الوصايا العشرة ، تعرف الوصايا العشرة  
والا ماتعرفهاش ؟  
روجر : أيوه ٠٠  
ريتشارد : ايه هم ؟  
روجر : دلوقت ٠٠  
جيني : يا جيبى ٠٠  
ريتشارد : ( ينزل فوقها ) سيبى لى حاجة أعملها ! ( مخاطبا روجر )  
أيوة دلوقت ٠٠



روجر : اذا كان كده ، تبقى « يجب عليك ألا تقتل » .

ريتشارد : دى واحدة ، استمر

روجر : ( ينظر الى جينى عساها تنقذه ولكنه لا يجدها احدا )  
يجب عليك الا ( يتلثم ) .

ريتشارد : ( الى الجميع ) شايفين .. وطلع كداب كمان .. اطلع  
فوق على أودتك ..

( يصمت روجر .. ينهض يستدير يبدأ فى الانصراف وهو  
يؤز رأسه )

جاك : الولد المسكين ماقلش حاجة .

ريتشارد : ( متبعا روجر ) انت حتروح على أودتك .. والا آجى  
أخدك وأطلعك على فوق ؟

جينى : ( مخاطبة ريتشارد ) سيبه يا جيبى .. سيبه يروح لوحده  
.. ولا سيبه يروح على النادى ، المهم ( من تحت أسنانها )  
انه يخرج من هنا .

ريتشارد : ( يتنهد ) أوه .. طيب خلاص ( يخرج مناديا على روجر )  
روجر .. روجر ..

بيريل : الولاد الى فى سنه لازم يتعلموا الأدب ..

جيلبرت : ما هو لو كان خد له كام جلدته بالحزام من أبوه ماكانش  
حصل منه كده ..

بيرى : أنا شاييل عندى كرباج بتاع أحصنة ..

جيلبرت : وتلاقيك عمرك ما اتضايقتش من استعماله ؟

بيرى : ( لا يقدر على أن يتذكر ) أنا .. أنا مش متهيألى ..

جاك : انتم مالكم النهارده كلکم كده متوحشين ، متوحشين  
وتصرفاتكم غريبة .. كلکم مرتبکين ، وعدرايين .. أكونش  
اتسببت لکم فى حاجة ؟

بیريل : تقصد أیه ؟

جاك : ( مخاطبا جمهور النظارة ) فيه حاجة بتحصل هنا .

شیک : تاخد کاس کمان یا جاک ..

جینی : أوه ، یا بیرى ، سببى کل واحد على راحته .

( موافقة عامة وحركة من الجميع )

جاك : ( يمسك جینی من ذراعها بينما تتحرك نحوه ) جینی  
ياحبیبتى ! انتم کلکم بتكرهونى لیه ؟ انتم لیه کلکم عاوزنہ  
أسکر ؟

جینی : ( بضحكة قصيرة مصطنعة ) جاک !

جاك : أیه الى بيحصل يا حبیبتى ؟

جینی : ( تكذب ببراءة وشفافية ) مافيش حاجة یا جاک ، مافيش  
حاجة أبدا ..

جاك : انت لسه بتحبینى یا جینی ؟

جینی : ( كمن یرضى الطفل الغریب ) أیوه یا جاک ، بالطبع ..

( ريتشارد يعود الى الداخل )

جاك : آه .. أحمدك یاربى ! ( ينهض ) ادینى بوسة ( یقبلها )

ريتشارد : بعته بره عشان .. ایه الى انت بتعمله ده ؟!

جاك : أنا ببوس مراتك الجميلة .

ريتشارد : طیب بطل الحکاية دى !

جاك : بطلت الحکاية دى .

ريتشارد : أنا ماحبش السلوك الى من النوع ده •

جاك : أوه ، ماتاخدش في بالك ياريتشارد •• ممكن يكون ده أى واحد ! يعنى تفتكر جينى ماتتاستش قبل كده ؟

ريتشارد : مش انت الى تبوسها !

جاك : أية حكايتكم كلكم الليلة دى ؟

بيريل : الحكاية ان مافيش حكاية •

جاك : لا ، فيه حكاية ••• فيه غلط كبير ••

( تعود مدام توث الى الداخل )

مدام توث : ( مخاطبة الآخرين ) أظن انا لازم أمشى دلوقت ، كان شىء لطيف انى أقابلكم كلكم ••

جاك : ( يتذكر فجأة ) أيوه •• ( يستدير وبابتسامة خالصة ) انت انجليزية ، مش كده والا ايه ؟

مدام توث : ( تداعبه ببرود وطبيعية ) انجليزية جدا •

جاك : وكنت عايشة فى لندن •• من ، من وقت قريب ؟!

مدام توث : ( تحاول أن تتستر ) أيوه ، •• وكنت •• عايشة فى لندن من وقت قريب ••

جاك : ( مسرورا جدا ) افتكرتك دلوقت •• افتكرتك ياسيديتى العزيزة •• ياربى ، لو كنت فايق وماانيش سكران ، كنت قلت ( يضحك بانسراح ) أوه ، أيوه صحيح ! دلوقت افتكرتك ••

مدام توث : ( مستمرة فى المداعبة ) انت لازم تكون غلطان ، أنا ما أنساش الوجوه أبدا ، و •••

جاك : أوه ياسيديتي .. أنا فاكرك كويس ، أنا فاكرك كمان ..  
( نوبة أخرى من الضحك ) الستات بتوعك ، أنا ..  
( ينظر حوله في الغرفة يطالع الوجوه المرتبكة الحائرة ينخرط  
في مزيد من الضحك ) أوه ، لا ! لا ! قولوا لي ان ده مش  
صحيح ! والا صحيح ! والا صحيح ! ( مزيدا من الضحك )  
بيريل : أنا مش عارفة انت بتفكر في أبيه يا جاك ، لكن أشك في  
انك تكون شربت أكثر من اللازم ، و ..

جاك : مانكنش المدام لاقت لها مجموعة تانية من الستات ؟  
( يضحك وهو يتكلم ) ومانكنش دلوقت شغالين في الضواحي ؟  
( يضحك ويعطف ساخرا ) آه ، مسكينة يا بيريل ! آه ياعزيزتي  
سينثيا ! آه يالوسي العظيمة ! ( يرى جيني فتمتزج في صوته  
خيبة الأمل والتفكير في احتمالات المستقبل ) و كمان آه  
ياحبيبتى جيني !

ريتشارد : خليك واقف بعيد عنها .

جاك : وكل دي .. كل دي فلوس مرمية على .. ( ينخرط في مزيد  
من الضحك ) « واحد بيعتها لنا عن طريق البريد » ؟ ( يضحك )  
أيها السادة .. أنا مش عارف مين اللي رتب ده كله ، لو كنتم  
انتم اللي عملتوه ، تبقوا رجال أعمال أبرع بكثير مما كنت  
أتصور .. ( يضحك يشرع في التوجه نحو الباب الأمامي )

مدام توث : ( وقد ضاقت حدقة عينيها ) وقفه ..

بيرى : انت فاكرك انت رايح على فين ؟

جاك : ( لا يزال يضحك ) نعم ؟

بيرى : بأقول انت فاكرك انت رايح على فين ؟

جاك : ليه ، اظن اننى حرجع أروح على النادى ( ينخرط فى الضحك  
ثانية )

مدام توث : حيتكلم ( كما لو كانت تصدر أمرا )

جبنى : أبوه ، حيتكلم ..

مدام توث : ( بلهجة أكثر وضوحا من ذى قبل ) قلت لكم حيتكلم ..  
( يرى يمسك جاك من ذراعه ، شيك يقف فى مواجهته يقطع  
عليه الطريق )

يرى : امسك معاى ، ساعدنى .. ساعدنى ..

شيك : بشويش .. بشويش ..

جاك : ( مفزعا يرفع صوته بغضب ) سيبنى ، سيبنى أخرج ،  
الله يلعنكم ، سيبنى ... ( يبدأ فى مقاومتها فيتقدم كل  
من ريتشارد وجيلبرت لمساعدة يرى وشيك ) ..

جيلبرت : وقعوه على الأرض !

( الجميع يتكالبون عليه ، يقيدون حركته فى بادى الأمر ومقدار  
ما يقاوم جاك بمقدار ما يتغلبون عليه فى نهاية الأمر )

جاك : سيبنى ... ابعادوا أيديكم عنى .. سيبنى ! الله يلعنكم !  
سيبنى ..

( يوقعونه الآن فوق الأرض ، ويتكالبون فوقه )

يرى : خليكوا ماسكينه ، خليكوا فوقه على الأرض !

جاك : ( يصرخ صراخا حقيقيا ) كفاية بقى ! كفاية !

مدام توث : ( على قلبمها ولكن بدون أى اندفاع وبلهجة أمره )  
ده سكران ، وضرورى حيتكلم ، ولازم تخلوه يسكت خالص  
( يستمر جاك فى المناوأة يعض يد شيك )

شيك : ( بثورة وبرد فعل يلطم جاك على وجهه بظهر يده ) الله  
يلعنك ..

جاك : كفاية ، بقى ! كفاية ..

مدام توث : خلوه يسكت خالص !

( ريتشارد يأخذ بوسادة من فوق الأريكة ويضعها هو واثنين  
أو ثلاثة من الرجال فوق وجهه جاك ، وتخفت صرخاته كلما  
أبقوا الوسادة فوق وجهه بسوايدهم الغليظة ، أخيرا يسود  
الصمت ، يسترخى الرجال قليلا ، ويهدوء ينفضون على ركبهم  
ويفكون أسره ، وينظرون فى وجهه المنكفى فوق الأرض ،  
ويبتعدون عنه قليلا )

جيلبرت : فقد وعيه .

ريتشارد : ( بضحكة حزينة ) لفترة من الوقت ..

مدام توث : ( تتجه على الفور ، تنحنى فوق جاك ، تتفحصه للحظة من  
الوقت ثم تنتصب واقفة ) لا ، ده مش ٠٠٠ لفترة من الوقت  
( تبدأ فى العودة الى كرسيها ) .

جيني : ( بعطف تتجه نحو جاك ) جاك ؟

مدام توث : ( بقسوة طارئة ولكن بجدية ) ماتتخصيش ٠٠ مات .

جيلبرت : ( متزعجا ) قصدك أية من انه مات ! .

مدام توث : شوفه بنفسك تلقى انه مات .

جيلبرت : ( ينظر بنفسه ) أيوه ! صحيح ! ده مات ٠٠ مات ٠٠

( جيني وسينثيا تبدآن فى النواح ولكن بهدوء ، تستدير  
لوسى بعيدا ، أما الرجال فيظلون ينظر أحدهم الى الآخر )

بريل : ( أخيرا بتوتر عصبى ) ودلوقت آيه العمل !  
شيك : أنا ، أنا ما فتكرش ان احنا الى موتناه ، هو الى ... احنا  
ما عملناش ده .

جيلبرت : أبدا ! احنا بس ...  
بيرى : لازم جتله سكتة قلبية ...  
جينى : ( تنجحه نحوه ) أوه ، مسكين يا جاك ... يا حبيبى ...  
ريتشارد : خليكى بعيد عنه يا جينى ...  
شيك : وايه ... ايه الى رايعين نعمله ؟  
لوسى : ( بلهجة لامرأة ) مش ممكن يكون مات ... مش ممكن ده  
يحصل !  
سينثيا : كان ضرورى حيتكم ! وكانت الحكاية تتعرف فى البلد  
كلها !

جينى : ( مدافعه عن جاك ) مين الى قال كده ؟  
بريل : انتى قلتى كده مرة من المرات ...  
جينى : ( بهياج وبدموع قريبة ) أنا ما قتلش كده ! أنا قلت ...  
مدام توث : ( هادئة ) انت قلتى انه ضرورى حيتكم ! ووافقتى على  
كده !

جيلبرت : ما حدش كان يقصد انه يقتله ...  
بيرى : أبدا ... دى كانت ...  
ريتشارد : ( بتكشيرة ) أظن من الأفضل اننا نبلغ البوليس ...  
ولا آيه رأيكم ؟

شيك : ( يحنى رأسه موافقا ) أيوه بالطبع ..  
جبلبرت : أيوه ، ده أفضل ..  
مدام توث : ( بهلوه وباقتدار ) انتوا شايفين كده ؟  
ريتشارد : ( بنوع من الاستياء ) بتقولى أيه ؟  
مدام توث : انتوا شايفين انه من الأفضل انكم تبلغوا البوليس ؟  
ريتشارد : فيه هنا راجل ميت !  
مدام توث : عارفة .. وشايفة ، لكن حتقولوا لهم أيه ؟ حتقولوا أيه  
للبوليس ؟  
ريتشارد : أنا ، أنا حقولهم ... اننا كنا عاملين حفلة ، وبعدين ،  
وبعدين جاك جه ، وكان سكران .. وبعدين ...  
مدام توث : وبعدين كلكم كتمتم نفسه ؟  
ريتشارد : ( بهياج ) لا ، ده لانه كان سكران !  
بيريل : وفضل مستمر فى الشرب ..  
جبلبرت : وبعدين جتله سكتة قلبية .  
( تسود لحظة صمت ينظرون جميعا الا مدام توث )  
شيك : لا ؟ أبدا ! مستحيل ؟  
مدام توث : تقدرؤا تبلغوا البوليس ، اذا كنتم عاوزين ، واذا كان  
كده ، تبقوا تخلونى أمشى الأول ، مش عاوزة اسمى يتحط فى  
قايمة الشهود لما يخدوه على المشرحة ، ويشوفوا العلامات الى  
عليه ، والنزيف الى فى الرئتين ، وده مايحصلش الا لما حد  
يتقتل بالطريقة دى ، انتم عارفين كده ولا لا ؟ .. بيحصل  
نزيف فى الرئتين ..  
( يسود الصمت )



جیلبرت : مصیبة !

( يسود الصمت )

یری : آیوه ٠٠ صحیح !

( يسود الصمت )

یریل : وعلى كده ، نبقي مانقدرش ننتهز الفرصة دى ؟

( يسود الصمت وتنتحب جینی بهوء )

لوسی : ( بيطء ) لا ، مانقدرش ٠٠

ریتشارد : ( باشمئزاز تام ) طیب وایه الى تقترحى علينا انسا  
نعمله ؟

( ينظرون جميعا الى مدام توث فيما عدا جینی )

مدام توث : ( مخاطبة ریتشارد ) انا عارفه انك فاكرنى مجرمة ،  
وعلى كده ... اذا طلبت منك طلب ، يبقى مش حياثر  
كثير ..

ریتشارد : ( منتظرا ) افندم ؟

مدام توث : تقدر تقول لى .. ايه الغرض من الحفرة الفویطة  
الى انت حفرها جنب الجدار المبنى بالطوب النى ؟

( يسود الصمت )

ریتشارد : ( يرد بهوء وبكثير من الابهار ) كنت بدور على سچرى  
البلاعة .

مدام توث : ولاقیتته ؟

ریتشارد : ( يظل محدقا فيها ) لا ..

مدام توث ( بعد لحظة صمت ) يبقى ، تدفنه هناك .

( يسود الصمت ، الضیوف ينظر كل منهم الى الآخر ،

بهوء وبتدبر )

ريتشارد : (ببطء) مش ممكن تقصدى ده ..

مدام توث : ( الى جميع الرجال ) يله كلکم ، ادفنوه ..

ريتشارد : (بابتسامة فائقة) لا .. مش ممكن .. مستحيل

مدام توث : على كيفك ، تبقوا بقى تبغوا البوليس .

(يسود الصمت الرجال ، ينظر أحدهم الى الآخر ببطء  
وبشبات ثم كما لو كان كل شيء منظما ، يتحركون ببطء نحو  
العمل ، يذهبون ناحية جاك ، يحملونه من رجليه وذراعيه  
ومن تحت رأسه ، وياخذونه الى خارج الحديقة الى أن  
يختفون عن أنظارنا) .

جينى : (بعدها يذهبون تنهض وتجرى وراءهم) جاك ! ريتشارد ..

مدام توث : جينى ! تعالى هنا ..

(بيريل ولوسى يذهبان الى جينى التى ترى الآن يائسة وبأكية  
تماما ، وبرفق يعيدانها الى المجهوعة ، يجلسن جميعا) .

جينى : انت .. انت اللى عملت كده .. هم مايقدروش .. يعملوا  
ده .

مدام توث : اسكتى يا جينى ، اسكتى ..

(يؤرقهن هذا ويبدو الحزن على وجوه النساء)

لوسى : (بصدق وبأس) مسكين يا جاك ..

بيريل : ايوه ، مسكين يا جاك ..

لوسى : على الاقل ماكنش .. واحد مننا . اقصد شخص متجوز  
.. ووراء عيلة ، ولا شخص ... من المسئولين .

(جينى فى حالة عصبية تماما)

مدام توث : يظهر انك ماحضرتيش حالة موت ياجينى .. مش كده ؟

(جينى تهز راسها) آسفة اذا قلتلك أدبكي اتعودتى عليه !

جينى : لا ... أبدا ..

مدام توث : كان لازم تكونى معانا فى لندن أيام الحرب ، كنى عرفتى الكثير عن الموت .. وعن العنف ... وعن الليالى اللى قضيناها فى المخابىء مع الموت .. الموت والاحتضار .. هما اللى كانت ليهم الأولوية باستمرار ..

لوسى : (تومىء موافقة على الحقيقة الحزينة) أبوه ، صحيح ..

مدام توث : وانتم لازم تساعدوا أزواجكم ، لازم تاخذوا بالك منكم .. لفترة من الوقت .. يمكن يقوموا بالليل مفزوعين ، يمكن ... يفقدوا عواطفهم ، وعشان كده لازم انتم الى تبقوا أقويا .. زى العادة ..

بيريل : حاضر ..

مدام توث : أنا مش عاوزاهم يشعروا ان مافيش حاجة حصلت ، لا فيه حاجة حصلت بالفعل ... وحاجة كبيرة مش صغيرة .. حاجة من الحاجات اللى ماتحصلش الا فى النادر .. كل ماتتهيا لها ظروف زى الظروف دى .. مش كده والا ايه ياجينى ؟

جينى : مش عارفه ..

مدام توث : (برقة ولين) انت ماتقدريش ترجعى لورا ، وعليكى انك تتصرفى مع اللى حاصل ، واللى حاصل هو اللى بيردى لى حيحصل ، ومن الافضل ليكى انك تبقى زى حالاتنا ، لا تكبرى فى السن تعملى اللى احنا بنعمله ، والا حيبقى فيه

ناس مننا وجوها مرفوعة للسما ، وناس تانيين ماهماش  
كثير لكن وجوها في الأرض ، مش كده والا ايه يا جيني ؟  
جيني : ( كده لو كانت فتاة صغيرة تتلقى دروسا ) ما يصحش انى  
افكر بالشكل ده ابدا ..

مدام توث : لا يصح ، أنا عاوزة أساعدك ، وبعمل كل الى أقدر  
عليه ..

جيني : ( كمن تلقى تعليمها ) ايوه !  
( يعود الرجال الى الداخل مقهورين ، ملابسهم مغفرة وأيديهم  
متسخة )

جيلبرت : عملنا كل شيء ..

بيرى : رانتهى كل شيء ..

شيك : ماكناش نعرف كده ابدا ..

ريتشارد : الا اذا كان عندك عقل ..

شيك : الا اذا كنت عارف من الاول ..

ريتشارد : ايوه ..

( يتجه ناحية جيني وفي الواقع كل الرجال ينجذبون نحو  
زوجاتهم )

سينثيا : ( بحنان ) ما حدش منكم عاوز كاس ؟ ما انتاش عاوز  
يا حبيبى ؟

بيرى : لا .. لا اشكرك .

لوسى : وانت يا حبيبى ؟

جيلبرت : ايوه ، كاس بسرعة .

ريتشارد : ( مخاطبا جيني مهنئا ) وانت .. او .. كى ؟

جینی : (بابتسامة متشجعة) بالتأكید ، وانت کمان ؟  
ريتشارد : (بخواء) يظهر ..  
مدام توت : عال ، کلکم اتصرفوا التصرف السليم ، واظن جبه  
الوقت الى لازم أمشى فيه ..  
بيريل : أيوه ، صحيح ، کلنا لازم ..  
جیلبرت : أيوه ، امتی الولاد حیرجعوا ؟  
لوسی : اوه ، یاربی ! الساعة ٨ ، وعندک حق ، احنا لازم ..  
شیک : جوزک جعان ..  
بيريل : حاضر ، علی عینی ، حوکلک حالا ..  
مدام توت : (مخاطبة بيری) حاکلمک بکره وآجی عثمان أشوف  
البيت .. ؟  
بيری : أيوه ، حاضر ..  
ريتشارد : کلکم دلوقت .. حتمشوا ؟  
شیک : أيوه ، اظن اننا لازم .  
بيری : مافیش حاجة نقدر نعملها ، ولا إيه ؟  
ريتشارد : (بتوتر تام) فيه جثة برة اسمها ، جاک .  
جیلبرت : کله تمام ، یاريتشارد ..  
بيری : فعلا یاريتشارد ، کله .. کله .. تمام .  
بيريل : أيوه کله تمام ..  
مدام توت : روحوا علی بیوتکم ، یااولادی ، کله تمام ..  
شیک : أيوه ، صحيح انا مش شايف حاجة أكثر من کده نقدر  
نعملها ..

لوسى : أبوه ، لازم نستنى الولاد فى البيت ..

سينثيا : تقصدى ولادك ؟

لوسى : أبوه ..

بيرى : انا لسه مش قادر اصدق حكاية بيرنز ..

جيلبرت : تقصد هارى برنستين ..

(ينهب الضيوف)

مدام توث : ( مخاطبة كلا من جينى وريتشارد ) النجيلة بكره تكبر ، والارض حتبقى خصبة أكثر ، وحالا ، كل شىء فى الجنيينة ... حيرجع زى ماكان ، وحتشوفوا .

(تخرج مدام توث يتبعها كل من ريتشارد وجينى وهما يوصلانها حتى الباب ، المسرح يظل عاريا لحظة من الزمن ) .  
(يعود جاك من الجنيينة ، ملابسه متسخة ، وعلى شعره طينة النجيلة)

جاك : (يتكلم مع النظاره فقط من الآن فصاعدا حتى عندما يعود ريتشارد وجينى ولا يمكنهما مشاهدته بالطبع) آه ، طبعاً ما عندكوش اى فكرة ، داوقت ، انا ميت ، صدقونى ، انا ميت .. وشىء محير ان الاموات يرجعوا لكم .. فعلاً .. انا نفسى مافكرتش ابدا ان ده يحصل وبالطريقة دى .. او بالشكل ده .. كنت بتصور انى اتزحلق من على كرسى البار اللى فى النادى ، او اتصدم فى عربة نقل عند المزلقان فى ليلة من الليالى .. لكن ما كنتش اتصور ابدا ان ده يحصل وبالطريقة دى ، او بالشكل ده .. وادىكم شفتىم ازاي .. ياسبحان الله .. ممكن تصدقوا اللى حصل ؟ اللى حصل من مدام توث ومن بيريل ومن سينثيا ومن لوسى ؟ وكمان من جينى المسكينة ؟ انا ما كنتش اتصور ان ده يحصل

منهم ، لكن ، يمكن أنا أنأني أكثر من اللازم .. أو مهتم بنفسى  
الوحيدين الى يشعر نحوهم بالأسف .. وكان الباقيين  
أكثر من اللازم ، المهم انى كان لازم اتعود على ده .. من  
زمان .. مساكين جينى وريتشارد .. دول هم الانين  
الوحيدين اللى يشعر نحوهم بالأسف .. او بالذنب ، بعكس  
الباقيين .. الست العجوزه دى تقدر تاخذ بالها من  
نفسها .. وكل الباقيين يقدروا باخدوا بالهم من أنفسهم ،  
لكن جينى وريتشارد .. المسأله تختلف معاهم ، انا قلقان  
عليهم ..

( جينى وريتشارد يعودان يتحركان فى الغرفة ببطء ، يضع  
جاك أصبعه على شفتيه لكى يسكت جمهور النظارة .. وقد  
يكون ذلك ضروريا أو غير ضرورى )

جينى : (خاترة القوى) طيب ..

ريتشارد : (خاويا) ايوه ..

جينى : (تحاول أن تدخل فى حديث) بعث روجر فىن ؟

ريتشارد : بعته النادى ، يعوم فى حمام السباحة ..

جينى : (باخلاص) كان تصرف سليم منك ..

ريتشارد : كان من الغباء ان الحكاية كلها تيجى على دماغه ..

جينى : صحيح (لحظة صمت) أظن من الافضل اننا نغسل الكاسات  
وكل شىء ..

ريتشارد : فعلا ..

جاء : (يراقبهما للحظة ثم يعود الى جمهور النظارة) وهى دى  
النكتة الفظيعة اللى فى الموضوع ..

جینی : ( متذكرة ) قلت بعته فین ؟ .. مافیش .

ریتشارد : ایه یعنی الی حیصل .. ؟ حیفب شویه ..  
ویرجع ؟

جینی : ایوه ، تمام کده ..

ریتشارد : روجر هو الی جابه هنا ..

جینی : ایوه ، لكن حنقول له ایه ، نقوله جاك قعد شویه ، وبعدين  
مشی .

ریتشارد : مش حیسالوا عنه ؟

جینی : حد غیره حیسأل ، ویروح یقول للناس .

ریتشارد : یبقی لازم نألف حکایة .

جینی : ایوه ، ونقول للباقيین .

ریتشارد : حاضر ..

جینی : ( باخلاص شدید وبصراحة بالغة ) حبیبی ... أنا بحبك .

ریتشارد : ( بغواء ) وأنا کمان بحبك ..

جاک : وهی دی النکتة ، أنا كنت رایح اقول لكم علی النکتة دی

.. تفتکروا انی قلت لكم انی حوہب ثروتی کلها لریٹشارد

وجینی ، مش کده ؟ فعلا ده کان صحیح ، وأنا ماکنتش

بکذب ، ثلاثة ونص ملیون ، کل ملیم معای ، وبتی الی هنا

وبیتی الی فی البلد ، کل ده كنت حدیلهم ..

جینی : یله بینا نخط الکاسات علی الصینیة .



**جاءك :** والمشكلة دلوقت انهم لازم ينتظروا .. لو أنا كنت .. مت ..  
او اختفيت من على وجه الارض ، لازم تمر سبع سنين  
لفاية ماتعلن وفاتى رسميا . ولازم حيكون فيه اعلان ،  
تقدروا تتأكدوا منه ، وعشان كده لازم انهم يوضحوا ده فى  
الحكاية اللى حياالفوها .. أنا متهيألى انهم جيعملوا كده ..

**ريتشارد :** جعل ايه فى الكافيار ده ؟

**جيني :** هاته هنا ، حفضيه ، واحطه فى التلاجه .

**جاءك :** لكن سبع سنين ، دول وقت طويل جدا ، ممكن تحصل فيه  
حاجات كتير ، وحاجات .. ومع كل اللى رايعين يعملوه حياتهم  
ممكن تتحطم فى السبع سنين دول .. دول محتاجين فلوس  
كتير عشان يعيشوا بيها ، **(مخاطبا ريتشارد وجيني)**  
المفروض انكم تبقوا اقويا ! المفروض انكم تبقوا متماسكين ..

**جيني :** حبيبى ؟

**ريتشارد :** نعم .. ؟

**جيني :** كنت بفكر ... فى البيت اللى حتاخده مدام توث .

**ريتشارد :** ماله البيت ده ؟

**جيني :** متهيألى انه لازم ينزرع كويس ، وتبقى فيه زهور وأعشاب  
وكل شئ لازم يبان زى ماتكون عايشه فيه فعلا ..  
ومايبنش انها بتهمله ، لازم تبعد عنه أى شك .. انت واخذ  
بالك من الحاجات دى .. ؟

**ريتشارد :** أيوه .. عندك حق .

**جيني :** الجنان اللى بتبان مهملة ، اذا أصحابها سابوها بالشكل  
ده على طول ، لازم تعرف ان فيه حاجة غلط فى البيت .

ریتشارد : ایوه ، صحیح ..

جینی : متھیالی انه لازم ینزرع کویس ، وتعتنی بیه کویس ،  
ومتھیالی کمان انه لازم یبقی زیه زی کل البیوت الثانية ،  
مش شایف کده والا ایه ؟

ریتشارد (بجدیة) ایوه ، ده الی انا شایفه .

جاک : عال ... وده الی هم حیعملوه ..

یسئل الستار

قدمت هذه المسرحية على مسرح الجيب بالقاهرة

فى الموسم المسرحى ٧٢ - ١٩٧٣

وقام بتمثيل الادوار حسب الظهور على المسرح :

زهرة العلا	فى دور	جينى
أحمد سمير	»	ريتشارد
على عزب	»	جاء
زوزو ماضى	»	مدام توت
أحمد سلامة	»	روجر
نادية عزت	»	بيريل
عادل زكريا	»	شيك
كريمة الشريف	»	لوسى
محمود القلعاوى	»	جيلبرت
آمال الزهيرى	»	سينثيا
أحمد عقل	»	بيرى

اخرج المسرحية : محمود هريدى

مطابع الهيئة المصرية العامة للكتاب

رقم الايداع بدار الكتب ١٩٧٣/٤٨٧٦